

স্বাধীনতা

স্বাধীনতা

—প্রকাশক—

শ্রীঅখিল নিয়োগী
নিয়োগী-নিকেতন

১৯২।এ কর্ণওয়ালিশ ষ্ট্রীট
কলিকাতা

প্রথম অভিনয় রজনী
২৮শে কার্তিক '৩৮
নাট্য নিকেতন

দাম পাঁচ সিকা

প্রিন্টার—শ্রীশশীভূষণ পাল

মেট্রিকাক, প্রেস

১৫নং নরান চাঁদ দত্ত ষ্ট্রীট, কলিকাতা।

শ্রীযুক্ত সতুসেনের করকমলে—

স্বস্থ ও সবল মন যাদের, আমার এই নাটক তাঁদেরকে আনন্দ দেবে জেনেই নাটকখানি এমন করে আমি লিখেছি। আজ দেখছি আমি ভুল করিনি।

শ্রীযুক্ত সতুসেন ঘো-দীন এই নাটকের পাঠ শোনেন, সেই দিনই পাণ্ডুলিপিখানি আমার কাছ থেকে চেয়ে নেন,—আজও তা ফিরিয়ে দেননি। নাটকের নব-রূপ তিনিই দিয়েছেন। এই নাটকের অভিনয় সূত্রেই তাঁর সঙ্গে আমার ঘনিষ্ঠতা স্থাপিত হয়েছে। তাঁর শক্তির পরিচয় পেয়ে আমি মুগ্ধ। আজকার নাট্যকারদের একজন সত্যিকারের বন্ধু তিনি।

শ্রীযুক্ত হেমেন্দ্র রায় এই নাটকের গান রচনা করেছেন, কবি নজরুল এবং আর একটি বিশিষ্ট বন্ধু করেছেন সেই গানে সুর-যোজনা। নৃত্যের মনোরম-পরিকল্পনাটি শ্রীমতী নীহারবালায় নৈপুণ্যের নিদর্শন।

নাট্যানিকেতনের কর্তৃপক্ষ এবং অভিনেতৃ-সম্ময় নিষ্ঠার সঙ্গে এই নাটকের অভিনয়-ব্যবস্থা করেছেন এবং তাঁরই ফলে নাটকের নব-রূপ আজ ফুটে উঠেছে, লিখিত-নাটকের তা ছিল না।

সকলের সাহায্যের ফলেই এই নাটক সব দিক দিয়ে সফল হয়েছে, তাই অবনত মস্তকে সবারই ঋণ স্বীকার করছি। ইতি

শ্রীশচীন্দ্রনাথ সেনগুপ্ত

•

!

•

চরিত্র

প্রশান্ত	...	নৃত্যের অধ্যাপক
বিজলী	...	প্রশান্তের জ্যে
স্কীরি	...	বিজলীর পরিচারিক
যামিনী	...	বিজলীর বিধবা বোন
ভৈরব	...	পুরাতন ভৃত্য
সন্ধ্যা	...	প্রশান্তের কুমারী বোন
উষা	...	সন্ধ্যার সহপাঠিনী
প্রণব	}	সন্ধ্যা ও উষার সহপাঠী
সমর		
মাসিমা	...	বিজলীর মাসি
ননদ	...	মাসিমার কুমারী ননদ
বুদ্ধ ভদ্রলোক	...	বিজলীর পিতৃ-বন্ধু
রেবা	...	বিজলীর সহপাঠিনী
প্রভঞ্জন	...	প্রশান্তের বন্ধু
রায় বাহাদুর	...	কন্ট্রাক্টর
রায় বাহাদুর গৃহিণী		রায় বাহাদুরের জ্যে
পুলিশ কর্মচারী,		ভৃত্য, পাহারাওয়ালা ।



‘বাইডুর রাতে’র একটা দৃশ্য

কলিকাতার কাছেই একটা গল্লীভবন। নৃ-তত্ত্বের অধ্যাপক প্রশান্ত চৌধুরী স্ত্রী বিজলী, এবং স্ত্রীর জ্যেষ্ঠা ভগিনী যামিনীকে লইয়া সেই বাড়ীতে বাস করে। প্রশান্ত একেবারেই বিষয়-বুদ্ধি-বিহীন। দিবারাত্র সে মানুষের কঙ্কাল ও নৃ-তত্ত্ব-বিষয়ক বই লইয়াই থাকে।

নিত্যকার প্রয়োজনীয় সকল কাজেই সে উদাসীন। তাহার বয়স দ্বিশের কাছাকাছি। ঝাঁকড়া ঝাঁকড়া চুলগুলি ঘাড় অবধি পড়িয়াছে। দেখিয়া মনে হয় না যে, সে কখনো চিরুণী ব্যবহার করে। পড়িবার সময় বা কোন-কিছু ভাল করিয়া দেখিবার সময় তাহাকে চশমার সাহায্য লইতে হয়। তাই কালো রেশমী হাতো দিগে সে পাঁস-নে চশমা সর্বদাই গলায় ঝুলাইয়া রাখে, এবং প্রয়োজন মত ব্যবহার করে। স্ত্রীকে সে খুবই ভালবাসে, কিন্তু

সেই ভালোবাসার গভীরতা বাহিরে প্রকাশ করিতে জানে না।

স্ত্রী বিজলী প্রশান্তকে বিবাহ করিয়াছিল অধু এই মনে করিয়া যে, ইউনিভার্সিটিতে যে সর্বোচ্চ স্থান অধিকার করিয়াছিল, প্রেমিক হিসাবেও সে হইবে সর্বোৎকৃষ্ট। সে চাহিত জীবনের সকল আনন্দ লুটিয়া লইতে, বিলাসের শ্রোতে ভাসিয়া বেড়াইতে। সেই সুযোগ পাইত না বলিয়াই তাহার অন্তরে অভিযোগ জন্মিয়া উঠিত। মাঝে মাঝে যামিনীর কাছে তাহা প্রকাশ করিত।]

যামিনী বিধবা। খণ্ডরকু-লে তাহার কেহ নাই। সেই কারণেই

কড়ের রাতে

বিজলীর সহিত সে থাকিত, বিজলীর ঘর-সংসারের সকল কাজই সে দেখাশুনা করিত। যামিনী বড় মমতাময়ী।

সেদিন ছিল প্রশান্ত ও বিজলীর পঞ্চম বার্ষিক বিবাহ দিবস। যামিনী চাকরদের সাহায্যে বাড়ীটি উৎসবের উপযোগী করিয়া সাজাইয়া গিয়াছে।

দ্বারে ~~কদলী~~ রোপিত, মঙ্গলকুণ্ড স্থাপিত হইয়াছে, আমের পলব, চাঁদমালা, আর খেত-শতদল দিয়া হল ঘরটি স্নানরূপে সজ্জিত হইয়াছে।

হল ঘরটি বেশ প্রশস্ত। পশ্চাতের দেওয়ালে বিড় একটি দরজা। ঐ দরজা দিয়া কেবল হলেই নয়, বাড়ীতেও প্রবেশ করিতে হয়। অবশ্য খিড়কীর দুয়ারও একটি আছে। হলের বাঁ দিকে একটি কক্ষে প্রশান্তর লাইব্রেরী ও লাবরেটরী, নর-ককাল, পুঁথির ভাড়া এলোমেলা সর্বত্র পড়িয়া রহিয়াছে।

হলের ডান এবং বাঁ দিকে পাশাপাশি কয়েকটি ঘর। ডানের দেওয়াল ঘেঁসিয়া একটি প্রশস্ত সিঁড়ি দোতলায় উঠিয়া গিয়াছে। সিঁড়ির উপর স্থানে স্থানে পিতলের পাত্রে পান্ন রহিয়াছে। দোতলার রেলিং-দেওয়া বারান্দা এবং ঘরগুলির দরজা জানালা দেখা যাইতেছে।

কাউচ, সোফা, চেয়ার, টিপয় দিয়া হলটি সাজানো। ঠিক মাঝখানে একটি গোল টেবিলের পাশে খানকতক চেয়ার। সিঁড়ির পাশে একটি অর্গান।

ডানের দেওয়ালে সিঁড়ির সল্লিকট একখানা বড় আয়না। সিঁড়ি দিয়া উঠিতে হইলে তাহাতে প্রতিবিম্ব পড়ে। সকল

বাড়ের রাতে

দেয়ালেই বিখ্যাত শিল্পীদের আঁকা ছবি, খোলা দরজা দিয়া
রাস্তা এবং গাছপালা দেখা যায়।

যবনিকা ঈষৎ উঠিতেই দেখা গেল সিঁড়ির উপর একটি নারী।
প্রথমে দেখা গেল শুধু তাহার আলতা-গরা-পাংছ'খানি, শোনা
গেল তাহার কণ্ঠের গীত-গুঞ্জন।

খিজলীর গান

—*—

ঘাসের ফুলে যে সুর শুনে জাগে

প্রজাপতির প্রাণ

সেই সুরে আজ কমল কলি,

শোনাও তোমার নীরব তান !

তোমার কুঁড়ি-ফোটার ব্যথা

জানে আমার তনুলতা,—

অশ্রু জানে কেন সে গায়

হাসি-ফুলের রাস্তা গান !

ধীরে ধীরে যবনিকাও উঠিতে লাগিল, ধাপে ধাপে
সেও নামিতে লাগিল। তাহার কণ্ঠে গান, হাতে বুগল
পদ্মকোরক। আঙ্গুল দিয়া একটি শম্ভের পাপড়ি
একটু একটু করিয়া খুলিয়া দিতেছে। সিঁড়ির সবচেয়ে নীচের
ধাপে দাঁড়াইয়া সে গান শেষ করিল। সামনে আরশি দেখিয়া

ঝড়ের রাতে

সে কেশ বেশ ঠিক করিয়া লইল। মুখ তাহার আরও প্রসন্ন হইয়া উঠিল। হলে নামিয়া ঘাড় ঘুরাইয়া ল্যাবারেটরীর দিকে দেখিল। দেখিল, স্বামী বই পড়িতেছেন। বিরক্তি ও বেদনায় তাহার চিত্ত তিত্ত হইয়া উঠিল। সে এক হাত দিয়া

সি ডির রেলিং চাপিয়া ধরিল :

বিজলী। এখনও সেই কঙ্কাল! অসহ্য।

[একটা পরিচায়িকা হলে প্রবেশ করিল,

বিজলীকে দেখিয়া ফিরিয়া বাইতেছিল

ক্ষীরি, আমাদের দেখে অমন ক'রে পালিয়ে যাচ্ছিলি কেন, রে ?

[পরিচায়িকা প্রবেশ করিল

ক্ষীরি। না মা, মাসিমা বলেন দেখে যেতে তুমি নীচে নেমেছ কিনা ? তাঁকে বলতে যাচ্ছিলুম, তুমি নেমেছ।

বিজলী। তাকে ও-কথা তুই বলতে পারবিনি।

ক্ষীরি। বলব না, মা ?

বিজলী। না, বলবি—আমি নীচে আসিনি, আর আসবও না, —পারবি ?

ক্ষীরি। তা আর পারবোনা ? তোমারইত' খাই মা, মাসিমা কেবল.....

[ক্ষীরির শেষ কথা কটা শোনা গেল না।

বিজলী সোজা হইয়া দাঁড়াইল।

ঝড়ের রাতে

বিজলী। মাসিমা কি বল্লি ?

[ক্ষীরি বিপদে পড়িল

বল্, কি বলছিলি ?

ক্ষীরি। বলছিলুম, মাসিমা তোমার মাগের পেটের বোন।

বিজলী। হঁ, ও কথা কখনো যেন ভুলিস নে। যা।

[ক্ষীরি চলিয়া গেল

ভোরে উঠেই বলেছিলুম, অন্ততঃ আজকের দিনটা
ঐ কঙ্কালের মায়া কাটাতে। তাও ও পারলে
না। ওই জীর্ণ কথানি হাড় ওকে যেন ষাছু করে
রেখেছে। জীবিতের প্রতি তাই আর কোন টানই
ওর নেই।

[ছুরারে আমপাতা এবং চাঁদমালা দেখিয়া

সেইখানে গেল

কী হবে এই উৎসবের অভিনয় দিয়ে! মিথ্যে! মিথ্যে,
এ সবই যে মিথ্যে!

[আবার হলের মাঝখানে আসিয়া দাঁড়াইল

কিন্তু এমনি অসহায়ের মতো এই আমায় সহিতে হবে? কি
আছে সম্বল ঐ কঙ্কালের যে তার কাছেও আমাকে
পরাজয় মেনে নিতে হবে?

[স্বামীর দিকে চাহিয়া দাঁড়াইয়া রহিল।

তাহার অধরে ঈষৎ অবজ্ঞার হাসি
উঠিল

বড়ের রাতে

পরাজয় ! ইম ! দেখি, ওর শক্তি

[ছটুনির হাসি অধরে আনিয়া পা টিপিয়া টিপিয়া সে স্বামীর ঘরে প্রবেশ করিল। স্বামী তাহা লক্ষ্যও করিল না। একথানা বই সরাইয়া রাখিয়া একটা মাথার খুলি সাথনে রাখিল ! কিন্তু বাহির করিয়া তাহা মাপিতে লাগিল। বিজলী পা টিপিয়া টিপিয়া চেয়ারের পিছনে গিয়া দাঁড়াইয়া তেমনি ছটুনির হাসি হাসিতে লাগিল। চকিতে স্বামীর মুখে একটা চুষনেব দাগ আকিয়া দিবার জন্ত সে মুখ আগাইয়া দিল। ঠিক সেই সময়ে প্রশান্ত মড়ার মাথার খুলিটা ভাল করিয়া দেখিবার জন্ত তাহা দুই হাতে তুলিয়া ধরিল। বিজলীর অধরে তাহার স্পর্শ লাগিতেই বিজলী পিছাইয়া গেল। স্বপ্নায় রাগে তাহার মুখ বিকৃত হইয়া গেল। চৌটি ঘসিতে ঘসিতে সে বেগে ঘর হইতে বাহির হইয়া আসিয়া হলের গোলটেবিলের কাছে বসিয়া দুই হাতের ~~সব~~ মাথা রাখিয়া ফুলিয়া ফুলিয়া কাঁদিতে লাগিল। কান্নার বেগের সহিত তাহার হাতের পদ্মকোরক দুটি ছলিতে লাগিল। স্বামিনী কান্নাঘর হইতে আসিয়া সিঁড়ি দিয়া উপরে উঠিতে বাইতেছিল, দু' তিন ধাপ উঠিয়াই বিজলীর কান্নার শব্দ শুনিয়া ফিরিয়া দাঁড়াইল। তারপর नीচে নামিয়া আসিল। কান্নার কারণ কি তাহাই জানিবার জন্ত তাহার কাছে দাঁড়াইয়া রহিল। তার পর এক হাতে বিজলীর কোমর জড়াইয়া ধরিয়া আর এক হাত দিয়া তাহার মাথা তুলিবার চেষ্টা করিতে করিতে বলিল]

স্বামিনী । কি হ'য়েছে বিজু ? আজকের দিনে কাঁদতে নেই—

[বিজলীর কান্নার বেগ বাড়িল]

ঝড়ের রাতে

লক্ষ্মী, বোনটী আমার, কাদিস নে

[বিজলীর মাথায় গিঠে হাত ব্লাইয়া
দিতে লাগিল

আমায় বল কি হয়েছে !

[বিজলীর কান্না তবুও থামিল না
না, তুই যদি এমন করিস, তা হ'লে ত' আমার এখানে
থাকা চলে না। তোর ঘর-সংসার তুই বুঝে নে.....
আমি চলে যাই !

[বিজলী মুখ তুলিল
বি তাই কর মেজ্জদি, তাই কর। আমাকেও তোমার সঙ্গে
নিয়ে চল। এ বাড়ীতে থাকলে আমি বাঁচবো না।

[যামিনী উঠিয়া একটু পিছনে
সরিয়া আসিল

যামিনী। তুই কি বলিস বিজু ! দেবতার মত তোর ওই স্বামী।

বিজলী। দেবতা যদি হন, দেবতার মতই তিনি দূরে থেকে আমার
শ্রদ্ধা-ভক্তি নিয়ে তৃপ্ত থাকুন। স্বামীকে আমি দেবতা-
রূপে চাই না মেজ্জদি। আমি তাকে চাই মানুষের বেশে,
চাই মানুষের বাসনা কামনা নিয়ে সে থাকুক আমারই
পাশে।

যামিনী। কিন্তু জানিস তো, তোকে ও কত ভালবাসে।

বড়ের রাতে

বিজলী। ভালবাসা কাকে বলে, তা জানবার সৌভাগ্য ত' তোমার
কখনো হয়নি মেজদি।

[যামিনী মাথা নত করিল। ভারি
গলায় কহিল]

যামিনী। তা হয়নি সত্য!

বিজলী। কিন্তু আমার হ'য়েছিল।

যামিনী। হ'য়েছিল যদি, তা উপেক্ষা করলি কেন? প্রভঞ্জনকে
প্রত্যাখ্যান করে ওই ভোগানাথকে কেন বরণ করে
নিলি?

বিজলী। কেন, তাই ত ভাবছি মেজদি। পাঁচ বছর ধরে ওই
একটা প্রশ্নই ত' দিবারাত্র মনে জাগছে। কেন এমন
করলুম, তা নিভের মনকেও বোঝাতে পারছিনে বলেই
ত' কোন দিক থেকে কোন সাস্থনাই আজ আর
পাচ্ছিনে!

যামিনী। আমার কথা শুনবি?

বিজলী। উপদেশ দিতে চাও? দাও। কিন্তু শ্রুকের আশা
ক'রোনা।

যামিনী। উপদেশ নয়, বিজু! অহুরোধ।

বিজলী। তাতে হয়ত' তোমার মহত্বই প্রকাশ পাবে! কিন্তু
মেজদি, তুমি কোন অহুরোধ ক'রো না।

যামিনী। কেন?

বিজলী। যদি তা রাখতে না পারি...যদি তাও আমি উপেক্ষা করি ?

যামিনী। কিন্তু আমার ত' একটা কর্তব্য র'য়েছে।

বিজলী। মানুষ কি অভিধানের কথা সম্বল করেই পৃথিবীতে চলবে মেজদি ?

যামিনী। বুঝতে পারলুম না, বিজু।

বিজলী। এই দেখ না, তাই চ'লতে গিয়ে আমরা আজ কি বিপদেই প'ড়েছি। স্বামী তাঁর কর্তব্যপালন করছেন ওই কঙ্কালের স্তপের মাঝে মাঝে গুঁজে বসে থেকে। স্ত্রী আমি কর্তব্য-পালন করছি, নিজেকে গুঁকিয়ে মেরে ফেলে। দিদি তুমি কর্তব্যপালন করছ উপদেশ বর্ষণ করে—যা, মধুশ্রাবী বলে মোটেও আমার মনে হচ্ছে না। কর্তব্য অবশ্য সবারই পালন হচ্ছে। কিন্তু বিনিময়ে কি দিতে হচ্ছে জান ? সুখ, শান্তি, জীবনের সকল আনন্দ সব ভাসিয়ে দিতে হচ্ছে ! তিনটি ব্যর্থ জীবন একসঙ্গে মিলে ঘরকন্নার খেলা খেলছে, অথচ কেউ কাউকে চেনে না—চিনতে চায়ও না। এই গ্রহসনের নামই তো কর্তব্য পালন ! তুমিই বল মেজদি, কোন সচেতন মানুষ কি এরকম করে কর্তব্য পালন কর্তে পারে ?

[যামিনী নীরব রহিল]

ঝড়ের রাতে

পারে না মেজদি, তা কখনও পারে না। আমি তাই বল-
ছিলুম, কর্তব্য প্রমুখ যত সব ভালো ভালো কথা অভি-
ধানে আছে, অভিধানেই তা থাক্। পুঁথির পাতা থেকে
সেগুলো তুলে এনে আমাদের জীবন ভারাক্রান্ত করে
কাজ নেই। আমরা চলি আমাদের নিজেদের
প্রয়োজন পূর্ণ করে, আমাদের দেহের আর মনের
সকল ক্ষুধা মিটিয়ে, সুস্থ মনে, সৰ্ব্বল চিত্তে...জীবনের
পথ বয়ে।

শ্যামিনী। কিন্তু জীবনের পথে ভাগ্যক্রমে যে সাথীটি পেয়েছি
বিজু, তাকে উপেক্ষা করিসনে।

বিজলী। উপেক্ষা কে কাকে করছে মেজদি, তাই একটিবার ভেবে
দেখ না।

শ্যামিনী। ভেবে দেখিছি বলেই ত' বলছি, প্রশান্তকে তুই আদৌ
শ্রদ্ধা করিসনে।

বিজলী। শ্রদ্ধা করতে পারি, এমন লোকের অভাব বাংলা দেশে
নেই মেজদি। কাজেই শ্রদ্ধা করবার লোক পাওয়া
ষাচ্ছিলনা বলেই যে একটি স্বামীর সন্ধান করেছিলুম, তা
তো সত্যি নয়। স্বামী চাইবার কারণ স্বতন্ত্র, শ্রদ্ধার
পাত্রের অন্বেষণ নয়।

শ্যামিনী। ভালবাসা দিয়েও তুই ওকে জয় ক'রতে পারিসনি

ঝড়ের রাতে

বিজলী। তার কারণ এই যে, পরাজয় এমনি অতর্কিতে এসে আমায় এমন আচ্ছন্ন করে ফেলেছে যেজদি যে, জয় করবার উৎসাহ এতটুকুও আর অবশিষ্ট নেই।

সামিনী। তাহলে কি তুই করবি বিজু ?

বিজলী। কী যে করব তাতো বুঝতে পারছিনে। কিন্তু তুমি ভেব না মেজদি। হয়ত' নূতন কিছুই করব না। বাঙালীর মেয়ে আদর্শ বাঙালী-গৃহিণী হয়ে হয়ত ঐ পতিদেবতার খেয়ালের সামনে নিজের সর্বস্ব বিসর্জন দিয়ে আত্মহত্যা করে তোমাদের মহোজ্জ্বল আদর্শকে অম্লানই রাখব। ইচ্ছায় নয়, অনিচ্ছায়,—ভিতরের প্রেরণা নিয়ে নয়, বাধ্য হয়েই।

সামিনী। কিন্তু কি তোর অভিযোগ, কিসের অভাব, তাই আমায় বুঝিয়ে দে।

বিজলী। বুঝতে যদি চাও, তাহ'লে আমাকে প্রশ্ন ক'রো না—ঐ দিকে চেয়ে দেখ।

[স্বামীকে দেখাইয়া দিল]

ওই দিকে চেয়ে দেখ, আর মনে মনে একটবার বিচার কর, তোমার বিজু ওর কাছ থেকে তার প্রাপ্য পেয়ে তৃপ্ত থাকতে পারে কিনা ? কঙ্কালই যার সংসারে একমাত্র ধ্যানের বস্তু, জীবিতের দাবী পূর্ণ করবার শক্তি তার

ঝড়ের রাতে

থাকতে পারে কিনা। খোলা মন নিয়ে তাই একবার
বিচার করে দেখ

[যামিনী একবার প্রশান্তর দিকে একবার
বিজলীর দিকে চাহিয়া দেখিতে লাগিল

পাঁচ বছর মেজদি, পাঁচ বছর এই উপেক্ষা আর অবহেলা
সয়েও আমি নীরব রয়েছি। তোমরা ব্যথা পাবে বলে
মুখ ফুটে কখনো অভিযোগ করিনি। কিন্তু আর আমি
পারি না, মেজদি!

[বিজলী হাতের পদ্মকোরক ছুঁটা দিয়া
টেবিলের উপর আঘাত করিতে লাগিল

যামিনী কল্পনার তুই একটা অভিযোগ সৃষ্টি করবি, আর তার
ফলে নিজেও পাবি ব্যথা, আমাদের সকলকেও দিবি
আঘাত—এমনটি তো হতে পারে না!

বিজলী। কল্পনা মেজদি, একে তুমি কল্পনা বল?

যামিনী। কেন বলব না? তুই তো বুঝিয়ে বলতে পারিস না
কি তোর অভিযোগ। পারিস?

[বিজলী উঠিয়া দাঁড়াইল]

বিজলী। আমার আর প্রশ্ন করো না, মেজদি! আমার ব্যথা

বড়ের রাতে

কোথায়, তোমরা তা বুঝবে না। তাই তোমাদের
বোঝাবার চেষ্টাও আমি করবো না।

[পদ্মকোরক ছুঁটা টেবিলের উপর ছুঁড়িয়া
ফেলিয়া কাঁদিতে কাঁদিতে বিজলী সিঁড়ি
বহিয়া উপরে উঠিতে লাগিল। তারপর
কিরিয়া দাঁড়াইয়া বলিল

কিন্তু একটা অনুরোধ দয়া ক'রে তোমরা রক্ষা ক'রো।
ব্যথা যখন আমার বড় বেশী অসহ্য হয়ে উঠবে, তখন একা
বসে আমায় কাঁদবার অবসর দিও ;—উপদেশ দিতে
এসো; না—সাস্থনা দেবার জন্য ছলনার আশ্রয় নিয়ো
না,— শুধু—শুধু—এইটুকু দয়া তোমরা ক'রো।

[বিজলী দৌতলায় অদৃশ্য হইয়া গেল।
যামিনী আচ্ছন্নের মত হইয়া তাহার
দিকে চাহিয়া রহিল পরে একটা দীর্ঘ
নিঃশ্বাস ফেলিল। কিরিয়া দাঁড়াইয়া
প্রশান্তকে দেখিতে লাগিল। তারপর
ধীরে ধীরে তাহার ঘরে গিয়া তাহার পাশে
দাঁড়াইল। প্রশান্ত মুখ তুলিয়া চাহিল

প্রশান্ত। সারা দুপুর খেটে খেটে একটা সমস্তার সমাধান প্রায়
করে ফেলেছি, মেজদি !

ঝড়ের রাতে

যামিনী । বেশ ওই টুকুই আজ থাক ।

[যামিনী তাহার হাত হইতে বই সরাইয়া
সরাইয়া লইয়া তাহার বাহ ধরিল

আমার সঙ্গে এস !

[বিস্ময়ে অভিভূত হইয়া প্রশান্ত যামিনীর
মুখের দিকে চাহিয়া রহিল । তারপর
অত্যন্ত বাস্ত হইয়া উঠিয়া দাঁড়াইল

প্রশান্ত । কি হ'য়েছে মেজদি, বিজুর কি কোন অসুখ করেছে ?

যামিনী । ওই ঘরে চল, বলছি ।

প্রশান্ত । খুবই অসুখ করেছে ! ডাক্তারকে খবর দিয়েছ ?

যামিনী । বিজু ভালই আছে । ওই ঘরে চল ।

[যামিনী প্রশান্তকে ধরিয়া হলে আনিল

প্রশান্ত । তুমি বলছ বিজু ভাল আছে ; কিন্তু তবু তোমার মুখ
খানি অমন শুকিয়ে গেছে কেন ?

[যামিনী নীরব রহিল

ও ! বুঝছি ; মেজদি !

যামিনী । বল !

প্রশান্ত । আমাদের এই নিষ্ঠুর ব্যবহার তুমি ক্ষমা ক'রো ।

[যামিনীর দুইখানি হাত চাপিয়া ধরিল ।

যামিনী । নিষ্ঠুর ব্যবহার !

প্রশান্ত । হাঁ মেজদি । নির্বোধের মত আমরা বছর বছর বিয়ের

ঝড়ের রাতে

দিনের স্মৃতি পূজা করি.....কিন্তু মেজদি, তোমার কথা
একটীবারও ত' ভেবে দেখি না।

যামিনী। পাগল আর কাকে বলে !

প্রশান্ত। পাগল নই মেজদি, নিষ্ঠুর ! নিষ্ঠুর বলেই আমরা ভাবতে
পারি যে, তোমার অন্তর থেকে স্মৃতির রেখাটুকুও মুছে
গেছে। তাই বুঝতেও পারি না যে, এই উৎসব তোমায়
ব্যথা দেয়।

যামিনী। তোমাদের স্মৃতির দিনে আমি পাব ব্যথা ; মনে মনে
মেজদিকে এই মর্যাদাই কি তোমরা দিতে চাও, ভাই ?

প্রশান্ত। ও কথা কয়ানা মেজদি। তুমিত জান তোমায় আমরা
কি চোখে দেখি। আমি ভাবছিলাম স্মৃতির কথা। স্মৃতি
কি মুছে ফেলা যায় ? জীবনের এমন স্মৃতি !

যামিনী। মুছেই যে গেছে ভাই। তাইত আজ তা ব্যথাও দেয়
না, আনন্দও দেয়না। আজ আনন্দ পেতে হ'লে
তোমাদেরই মুখের দিকে চেয়ে থাকতে হয়—তোমাদের
বেদনাই করে অন্তরকে আহত।

প্রশান্ত। মেজদি, তুমি দেবী।

যামিনী। দেবী বলে যদি জান, তাহলে বিনাবিচারে আমার
আদেশ পালন কর।

প্রশান্ত। তোমার কোনো আদেশ কখনো ত অবহেলা করিনি।

ঝড়ের রাতে

যামিনী । আজ করেছ ।

প্রশান্ত । কখন ?

যামিনী । সারাদিন ।

প্রশান্ত । তোমার এ-কথাটা কিন্তু সত্যি নয়, মেজদি !

যামিনী । আজকার উৎসবের জন্য তুমি নিজেকে এখনও তৈরী করনি— ।

প্রশান্ত । আমি প্রস্তুত মেজদি ! তোমরা উৎসব শুরু কর ।

যামিনী । আজ ভাবে বা ব্যবহারে বিজুকে তুমি একটিবারও বুঝতে দাও নি যে, আজকার দিন তোমাদের দু'জনারই স্মরণীয় ।

প্রশান্ত । সত্যি কথা তোমায় বলছি মেজদি, দিনটা যে স্মরণীয়, তা একেবারেই ভুলে গিচ্ছলাম ।

যামিনী । থাম, আরও অভিযোগ আছে । আজকার দিনেও তুমি নিজেকে সেই কঙ্কালের স্তূপের মাঝেই সমাহিত রেখেছ, যা চোখে দেখলেও উৎসবের সকল আনন্দ আপনাই ম্লান হয়ে যায় ।

প্রশান্ত । বিজু কি খুবই রাগ করেছে ?

যামিনী । ক'রবে না ?

প্রশান্ত । তাহ'লে কি হবে মেজদি ! এ রকম উৎসবে ওর মন বেশ সাড়া দেয় ; উত্তেজনার ভিতরেই ও যেন

কড়ের রাতে

জীবনের সবটুকু আনন্দ পায়। আর আমার এ সব ক্লান্ত করে ফেলে মেজদি, রিক্ত করে ফেলে। তবু এ ক্ষেত্রে আমার কথাটাই একমাত্র কথা নয়, তাই সম্মতি দিতে হয়।

সামিনী। কিন্তু নীরব সম্মতি দিয়েই কি তোমার কর্তব্য শেষ হতে পারে ?

প্রশান্ত। না—তাইবা কেমন করে পারে ! মেজদি, ওর বন্ধুদের ত' নেমন্তন্ন করা হয়নি, সন্ধ্যাকে খবর দেওয়া হয়নি, বাজার টাঁজার কিছুইত করা হয়নি ! মেজদি, আর বেশী দেয়ী করা চলে না। আগি একখানা গাড়ী নিয়ে বেরিয়ে পড়ি। একঘণ্টা, দু'ঘণ্টা, না, না...তিন ঘণ্টার মাঝেই সব কাজ সেরে ফিরতে পারব'। তুমি টাকা দাও মেজদি, শীগ্গীর করে টাকা দাও। সব কাজ শেষ করে, তবে বিজুর সাথে দেখা করব'।

সামিনী। তুমি এখন বিজুর কাছেই যাও ভাই, উদ্যোগ পর্ব সুসম্পন্ন।

প্রশান্ত। মেজদি, আশ্চর্য্য তোমার শক্তি ! এত খুঁটিনাটি এমনভাবে কেমন করে মনে রাখ ? কিন্তু মেজদি, একটা যে ভুল হয়ে গেছে ! বিজুকে আজ যে একটা কিছু উপহার দেওয়া দরকার। আমার একবার কলকাতায় যেতেই হচ্ছে !

ঝড়ের রাতে

যামিনী। (হাসিয়া) কি উপহার দিতে চাও

প্রশান্ত । তাইত' ! কি দেওয়া যায় বলত ?

যামিনী । তাও আমার বলে দিতে হবে ?

প্রশান্ত । হয়েছে মেজদি, কলকাতায় আর যেতে হবে না ।

আজকার দিনে বিজুকে দেবার শ্রেষ্ঠ উপহারের সম্ভান
আমি পেয়েছি ।

[টেবিলের উপর হইতে গন্ধকোরক ছ'টি
তুলিয়া লইল ।

এই দেখ মেজদি !

যামিনী । ও ফুলত' বিজুই ফেলে গেছে ।

প্রশান্ত । তা হ'লেত আরও ভাল হয়েছে মেজদি । আজ তার
সামনে নতজানু হ'য়ে তারই ফেলে দেওয়া এই কমল-
কোরক তার হাতে তুলে দেব । বলব, আজকের দিনে
এর চেয়ে শ্রেষ্ঠ উপহার আর কিছুই হতে পারে না ।
তুমি বিশ্বাস কর মেজদি, বিজু তাতে খুবই খুসী হবে ।

যামিনী । কিন্তু আমি যে উপহার আনিয়ে রেখেছি !

। কি আনিয়েছ ?

যামিনী । নেকলেস ।

প্রশান্ত । সে তুমি দিও মেজদি, তুমি দিও । আমার উপহার হবে

ঝড়ের রাতে

এই স্বপ্নকমল প্রেমের সৌরভে ভরা এই খেত-শতদল ।

[যামিনীর সঙ্গতির অপেক্ষা না করিয়া
প্রশান্ত সিঁড়ি বাহিরা দ্রুত উপরে উঠিয়া
গেল । যামিনী তাহার দিকে চাহিয়া
রহিল । তারপর কহিল

যামিনী । এমন স্বামীকেও ভাল বাসতে পারলে না, অভাগী !

[দীর্ঘ নিঃশ্বাস ফেলিয়া যামিনী কিরিয়া
দাঁড়াইল, ভূত। ভৈরব একটা বুড়ি
লইয়া প্রবেশ করিল]

ভৈরব । মালীটার অস্থখ করেছে মাসিমা, তাই আমিই ফুল নিয়ে
এলাম । ফুলদানিও এনেছি ।

যামিনী । ভালই করেছে ভৈরব । সব ঠিক করে রাখ । নিমন্ত্রিতদের
আসবার সময় হয়েছে ।

[যামিনী চলিয়া গেল । ভৈরব বুড়িটা
নামাইয়া রাখিল । তাহার ভিতর হইতে
ফুলদানি লইয়া টিপসগুলির উপর রাখিল ।
তাহার পর বুড়ি হইতে বাছিয়া বাছিয়া
ফুল লইয়া এক একটা ফুলদানিতে রাখিতে
লাগিল । পিছন হইতে কীরি ডাকিল ।

ঝড়ের রাতে

স্বপ্ন। ভৈরব দা !

[ভৈরব একটা ফুলদানি হাতে ফুল তুলিয়া
লইল। আর এক তোড়া ফুল লইয়া
তাহাতে রাখিল। আবার নামাইল।
দুইটি তোড়া দুইহাতে ধরিয়া একবার
একটা আর একবার আর-একটা ফুল-
দানিতে রাখিল। কিছুতেই তাহার পছন্দ
হইতেছে না। তোড়া দুইটি হাতে করিয়া
কিংকর্তব্য বিষয়ের মত সে দাঁড়াইয়া
রহিল।

স্বপ্ন। অ, ভৈরব দা !

ভৈরব। দিক্ করিস্ নি।

স্বপ্ন। ওকি ভৈরব দা, ফুলের দিকে অমন ক্যান্ ক্যান্ করে
চেয়ে কি দেখছ তুমি ?

ভৈরব। তুই তোর কাজে যা স্বপ্ন, আমার দিক্ করিস্ নি।

স্বপ্ন। দাও, দাও। ও কাজ আমার, তোমার নয়।

[ফুল লইতে হাত বাড়াইল। হাত সরাইয়া
লইয়া ভৈরব বলিল

ভৈরব। মালিনী মালিরে আমার !

স্বপ্ন। ওকি কথা। তোমাকে না আমি দাদা বলে ডাকি।

ঝড়ের রাতে

ভৈরব । কিছু মনে করিসনে ভাই । রাগ হ'লে আমার আর জ্ঞান-
গম্য কিছুই থাকে না ।

ক্ষীরি । এ তোমার অগ্নায় রাগ ।

ভৈরব । ওরে, ওই রাগইতো আমার কাল । মানুষটা তো খুবই
ভাল ছিলরে—দরদ ছিল কত !

ক্ষীরি । কার কথা কইছ ভৈরব দা ?

ভৈরব । যাঃ । তুই একেবারে হাবা । তোর বৌদির কথা বলছিরে ;
বৌদির কথা ।

ক্ষীরি । তাহ'লে আমার বৌদি একজন ছিল বল ?

ভৈরব । ছিল'রে ছিল । আর খুব খারাপ লোকও নয় । কিন্তু
যখন রাগতাম, তখন—

ক্ষীরি । মারতে বুঝি ?

[ভৈরব ঝুড়ি নীচে রাখিয়া মেজয়
বসিয়া পড়িল

ভৈরব । মারলে কি আর ছেড়ে যেতে সাহস পায় ! কথাই
কইতাম না,—ভাবতাম, জাহান্নামে যাক ! একদিন সত্যি
সত্যিই চলে গেল ।

ক্ষীরি । তব্ব-তল্লাস করলে না ?

[ক্ষীরি ঝুড়ি হইতে ফুল লইয়া ফুল-
দানিতে রাখিতে লাগিল

ঝড়ের রাতে

ভৈরব । না,—রাগ হ'লো । কুলে যে কালি দিল, তার ওপর আবার
দরদ ? এক বছরের একটা মেয়ে ছিল । তারই
কান্না আমায় পাগল করতো ।

[ঝড়ি হইতে ফুল লইয়া ক্ষীরি ভিজ্ঞান
করিল

ক্ষীরি । মেয়ে বুঝি এখন সোয়ামীর ঘরে ?
ভৈরব । যমের ঘরে ।

[ক্ষীরির হাত হইতে ফুলগুলি পড়িয়া গেল

দিলি বুঝি ফুলগুলো ফেলে ! একটা কাজের ভার দিয়ে যে
একদণ্ড বদল, তারও যো নেই । যা যা স'রে যা, তোকে
আর কাজ করতে হবে না ।

[ঝড়ি লইয়া দূরে একখানি টিপয়ের কাছে
গিয়া সেইখানকার ফুলদানিতে ফুল
রাখিতে লাগিল । ক্ষীরিও তাহার পিছনে
পিছনে গেল

ক্ষীরি । এত দুঃখ পেয়েছ ভৈরবদা, কোন দিন ত' বলওনি । একটা
বছর ! একসঙ্গে কাজ করছি ! কেমন করে সঙ্গে
আছ ?

ঝড়ের রাতে

ভৈরব। ছর হ পোড়ারমুখা, তোর আর আন্তি জানাতে হবে
না। তুই কে রে আমার ?

[অশ্রু একটা টিপরের কাছে সরিয়া গেল
কিন্তু ফুল না লইয়া গামছা খুলিয়া চোখ
মুছিতে লাগিল। ক্ষীরি ফুল লইয়া ফুল
দানিতে রাখিতে লাগিল। ভৈরব ফিরিয়া
তাহা দেখিল। তারপর ক্ষীরির কাছে
গেল

খাসা হ'য়েছে দিদি, ওত আসলে তোদেরই কাজ !

ক্ষীরি। ভৈরব দা।

ভৈরব। বল দিদি।

ক্ষীরি। এ বাড়ীতে তুমি কতদিন কাজ করছ ?

ভৈরব। পঁচিশ বছর।

ক্ষীরি। পঁচিশ বছর !

ভৈরব। হঁ, পঁচিশ বছরই হবে। নিজের ঘর সংসার সব খুইয়ে,

নোঙর ছেড়া নোকোর মত তখন ভেসে বেড়াচ্ছি। কস্তা
বাবু ডেকে কইলেন, ভৈরব মন স্থির কর। বললাম, কেমন
ক'রে ক'রব দেবতা ? কোন জবাব না দিয়ে, ছেলে
মেয়ে দুটোকে আমার কোলের কাছে দিয়ে বস্বেন, মা-হারা
এদের সকল ভার আমি তোরই উপর দিলাম ভৈরব।
কথাটাও কইতে পারলাম না। মেয়েটাকে বুকে তুলে

বড়ের রাতে

নিলাম—ছেলেটাও দুই হাত দিয়ে আমার গলা জড়িয়ে
ধরল। সে বাঁধন আজও ছিড়তে পারলাম
না!

ক্ষীরি। তারা এখন কোথায় ভৈরবদা। তারাও কি—?

ভৈরব। তোর মুখে আগুন পোড়ারমুখী। তাদের আবার
অকল্যাণ?

ক্ষীরি। আমি যেন তাই বলছি। আমি জানতে চাইছি, তারা
কোথায়?

ভৈরব। ওরে হাবা মেয়ে। সে খোকা আর কেউ নয়, তোর
মনিব! আর মেয়ে ওই সন্ধ্যা। শুনিস্ না, আজও তারা
আমার ভৈরবদা বলে ডাকে। দেখিস্না, আজও আমার
সঙ্গে পরামর্শ না করে কোন কাজই করে না? জমিদারী
থেকে টাকা আসত, এখন যেমন আসে, আর খোকা
আর আমি কলকাতায় থাকতাম্। সন্ধ্যা থাকত' তার
বাপের এক বন্ধুর বাড়ীতে। ওরা কত পাঠ পড়ল',
দুজনাই হ'ল পণ্ডিত। দুঃখ ওদের বাপ-মা বেঁচে রইল
না, তা দেখতে।

ক্ষীরি। তুমিই বুঝি তোমার এই খোকা বাবুর বিয়ে দিলে?

ভৈরব। আর কে দেবে? আত্মীয় স্বজনরা এসে বিয়ের কথা
বলতো, সে হেসেই উড়িয়ে দিত। শেষটার আমিই

ঝড়ের রাতে

বোঝাতে লাগলুম। রাজী হ'লো। বিয়ের আগের দিন
কি করলো জানিস্ ?

কীরি। কি করলো ভৈরবদা ?

ভৈরব। সন্ধ্যার পর আমার ডেকে, আমার কোলে মাথা রেখে
বল্লে, রাজকন্যার গল্প কর ভৈরবদা। ঠিক যেন সেই আট
বছরের খোকাটি ! গল্প শুরু করলাম, মেঘ-বরণ-চুল, কুঁচ-
বরণ রং রাজকন্যার আর দুধবরণ রাজপুত্রের কথা।
দেখছিন্ তো আমার সেই রূপকণা সার্থক হ'য়েছে ! খোকা
আমার রাজকন্যাকেই নিয়ে এসেছে।

কীরি। আমাদের মা কি কোন রাজার মেয়ে ?

ভৈরব। সত্যি সত্যি রাজার মেয়ে নয়, কিন্তু রূপে গুণে সে রাজ-
কন্যার চেয়ে কি কম ?

কীরি। মেজাজটিত' সেই রকমই পেয়েছে !

ভৈরব। পেলোই বা ; খাউড়ী-নন্দ নেই তো যে, কমে বউ হ'য়ে
থাকতে হবে !

কীরি। কিন্তু তোমার ওই খোকা বারুকে শেষটার না তোমার
মতোই চোখের জল ফেলতে হয়।

ভৈরব। কেন ?

কীরী। তোমার কেন হ'য়েছিল ?

ভৈরব। তুই এ কথা কেন কইচ্ছিলে !

ঝড়ের রাতে

ক্ষীরি । ভগবান তোমার মতো আমার বোকা করে পাঠাননি ব'লে ।

ভৈরব । আর কখনো এমন কথা বলিস্ নে । আজকার এই ঘটনা দেখেও বুঝিসনে ওরা কত স্মৃথে আছে ? পাঁচ বছর আগে এই দিনে ওদের বিয়ে হয়েছিল । তাই মনে রেখে, ওরা আজ এই আনন্দ করছে । আগেও চার বছর করেছে—আর—

ক্ষীরি । পরেও করবে, কেমন ?

ভৈরব । ক'রবে না ?

ক্ষীরি । কিন্তু এমন কি হতে পারে না ভৈরবদা যে, এই দিনের কথাটি ভাবতেই ওদের কান্না পাবে—যেমন আমার পায় ।

ভৈরব । তোরও !

ক্ষীরি । হ্যাঁ, আমারও ।

ভৈরব । কিন্তু ওদের নয়, ওদের নয় ! তুই যা, ক্ষীরি ! তোর কাজ হয়ে গেছে । আজকের দিনে আর ব্যথার কথা বলিস্ নে...অমঙ্গলকে ডাকিস্ নে ।

[দ্বিতল হইতে প্রশান্ত ঘামিনীকে ডাকিতে লাগিল

প্রশান্ত । মেজদি ! মেজদি !

আঃ ! থাম না ।

প্রশান্ত । না—না, এ চলবে না বিজু...এমন সং সেক্সে আমি নীচে যেতে পারব না ।

ঝড়ের রাতে

ভৈরব । ওরে মাসীমাকে ডেকে দে ! আমি চল্লাম ।

[বুড়িটা লইয়া ভৈরব চলিয়া গেল, কীরিও
চলিয়া গেল

প্রশান্ত । (দ্বিতল হইতে) মেজদি ! মেজদি !

[যামিনী প্রবেশ করিল

যামিনী । এই যে আমি নীচেই রয়েছি ভাই ।

[বিজলী প্রশান্তকে টানিতে টানিতে নীচে
নামাইতে লাগিল

প্রশান্ত । দেখত মেজদি, এ কত বড় অন্যায্য । এমনি সং সেজে—
বিজলী । মেজদি মজাটা একবার দেখ না ।

[বিজলী স্বামীকে ছুঁচর ধাপ নীচে আনিла ।
যামিনী তাহার দিকে চাহিয়া রহিল

যামিনী । এস ভাই, সকলের আগে, আমিই তোমাদের আশীর্বাদ
করি ।

প্রশান্ত । তুমিও বিজুকে সমর্থন করছ, মেজদি !

বিজলী । মেজদি আমার বোন, সে-কথা তুলো না !

প্রশান্ত । আব আমার

বড়ের রাতে

বিজলী । আমারি জন্ত পেয়েছ ।

[তাহার নামিয়া আসিয়া যামিনীর সামনে
দাঁড়াইল । বিজলী একথানা সোনালী সাড়ী
পরিয়েছে—প্রশান্তর দেওয়া ফুলদু'টা
সেক্টপিন দিয়া কাঁধের কাছে; আঁটিয়া
রাখিয়াছে । প্রশান্ত গরদের পাঞ্জাবী ও
চাদর পরিয়েছে । তাহার চুলগুলিও
হবিম্বস্ত ।

প্রশান্ত । আজকের দিনে সবার আগে তোমাকেই প্রণাম করি,
মেজদি ।

[প্রশান্ত প্রণাম করিল। বিজু অশ্রুদিকে
মুখ ফিরাইল । যামিনী প্রশান্তর শির-স্পর্শ
করিল ।

যামিনী । দীর্ঘজীবী হও ভাই ।

প্রশান্ত । মেজদিকে প্রণাম ক'রলে না, বিজু ?

যামিনী । ও ক'রবে আমাকে প্রণাম ! জীবনে কারুর সামনে যে
মাথা নোয়ায় নি ?

প্রশান্ত । তবু ওকে আত্ম আশীর্বাদ কর ।

যামিনী । প্রতি নিয়তই তো করছি ভাই । বিজু, দেখ, কোথাও
কিছু জটা রইল কিনা ?

বিজলী । হাঁ মেজদি, তা দেখতে হবে বৈকি ! উৎসব বখন

ঝড়ের রাতে

অন্তরে সাড়া জাগায়নি, তখন বাইরের আয়োজন দিয়ে
লজ্জা তো ঢাকতেই হবে ।

যামিনী । এখনও তোর অভিমান ?

বিজলী । অভিমান করবার অধিকারটুকুও কি আমার আছে ?

[বিজলী দরজার কাছে সরিয়া গেল ।

প্রশান্ত । দুঃখ ক'রোনা মেজদি, ওকে ত তুমি জান ।

যামিনী । ওর কথা আমার ব্যথা দেয়না । ব্যথা পাই তখনই,
যখন দোঁখ কল্পনায় এক একটা অভিযোগ সৃষ্টি ক'রে
নিজের সুখ শাস্তি ও নষ্ট করে ।

প্রশান্ত । একদিন বুঝবে মেজদি, একদিন ও সবই বুঝবে ।

[লাইব্রেরীর দিকে অগ্রসর হইল । যামিনী
ভাহার সঙ্গে সঙ্গে গেল ।

যামিনী । তাই হোক ভাই । আমার কেবলই প্রার্থনা সে-দিন
যেন শীগ্‌গীর আসে ।

[প্রশান্ত লাইব্রেরীতে প্রবেশ করিবে এমন
সময় যামিনী পথ অবরোধ করিল

আজ ও-ঘরে নয় । আজ তোমায় উৎসব করতে হবে ।

[যামিনী ভাহার হাত ধরিয়া লইয়া আসিল

ঝড়ের রাতে

প্রশান্ত । আমি কেবল-ই ভুলে যাই মেজদি !

[বিজলী কথাটা শুনিয়া ফিরিয়া দাঁড়াইল-
প্রশান্তও বুঝিল কথাটা অন্তায় বলা
হইয়াছে । সেও বিজলীর দিকে চাহিল ।
যামিনী দুজন্যের মুখের দিকে চাহিয়া
দেখিল, কিছু না বলিয়া চলিয়া গেল ।
বিজলী স্বামীর সামনে আসিয়া দাঁড়াইল]

বিজলী । বছরের পর বছর এ প্রহসনের প্রয়োজন ?

প্রশান্ত । তুমি খুসী হও বলে

বিজলী । তোমার এই ওঁদাসী দেখেও আমি খুসী হতে পারি ?

প্রশান্ত । আমার ভুল বুঝনা, বিজু !

বিজলী । হ্যাঁ, ভুল বোঝবার অধিকার কেবল তোমারই থাক্ ।

[বিজলী একখানা চেয়ারে বসিয়া পড়িল,
তাহার সম্মুখে বসিয়া পড়িয়া প্রশান্ত
বিজলীকে জিজ্ঞাসা করিল]

প্রশান্ত । তাহলে এ উৎসব কি তোমার ভালো লাগেনা, বিজু ?

বিজলী । শুধু ভালো লাগেনা বজ্জেই সব বলা হয়না । এর চেয়ে
বড় লাঞ্ছনা আর কিছু হতে পারে বলে আমি মনে
করিনা ।

[বিজলী টেবিলের উপর মাথা রাখিয়া
তাহা দুহাতে চাপিয়া ধরিল]

ঝড়ের রাতে

প্রশান্ত । তাইত' ! এমনটি যে হতেও পারে, তাতো আমার
কখনো মনে হয়নি । মেজদি ! মেজদি—

বিজলী । মেজদিকে আবার ডাকছ' কেন ?

[বিজলী মাথা তুলিল

প্রশান্ত । তা হলে চল বিজু ! নিমন্ত্রিতরা আসবার আগে এখান-
কার কাউকে কিছু না ব'লে আমরা চলে যাই—সহরের
বাইরে—লোকালয় থেকে দূরে—অনেক দূরে !

[বিজলীর একখানা হাত ধরিল

চল, গঙ্গার কোন নির্জ্জন ঘাটে, প্রাচীন কোন বটের মূলে,
আজকের সারারাত ধরে আমরা নতুন ধরণের উৎসব
করি । তৃতীয় কোন ব্যক্তির সে উৎসব দেখবার অধিকার
থাকবেনা । কেউ যদি দেখে ত' দেখবে আকাশের পূর্ণ
চন্দ্র, আর দেখবে গঙ্গার ফুলে-ওঠা জোয়ারের জল ।
যাবে, বিজু, যাবে ?

বিজলী । যেতুম যদি অন্তরে উৎসবের সাড়া পেতুম !

প্রশান্ত । তাও তুমি পাওনা ?

বিজলী । পাইনা ব'লেই ত' একে আজ গ্রহসন বলে মনে করছি ।

[বিজলীর হাত ছাড়িয়া দিল ।

প্রশান্ত । তাহলে এ আয়োজন কেন করলে ?

বিজলী । লোকের করুণা সহিতে পারবো না বলে । তারা যে

ঝড়ের রাতে

আমাদের বিবাহিত জীবন অশান্তিময় জেনে—অনুকম্পায়,
আহা ! ব'লে চলে যাবে, তার অপমান থেকে বাঁচতে চাই
বলে ।

প্রশান্ত । শুধু এরই জন্ম ?

বিজলী । নিজের মনকে প্রশ্ন কর !

প্রশান্ত । আমি কিন্তু প্রসন্ন মনে উৎসব ক'রতে পারি ।

বিজলী । আমি পারিনা ।

প্রশান্ত । তাহ'লে হিঁড়ে ফেল ওই চাদমালা, ভেঙ্গে ফেল ওই
মঙ্গল-ঘট, ধুলার ফেনে দাও যত্নে-তুলে-আনা ওই
সব ফুল ।

বিজলী । জানি, তাতে তোমার কিছুই এসে যারনা । কিন্তু তাও
আমি করতে দেবনা ।

প্রশান্ত । আমি বুঝতে পারছি না বিজু, তুমি আমাকে দিয়ে কি
করাতে চাও । যা চাও, তাই বল । তাই-ই আমি
করবো ।

বিজলী । আমি চাই যে, আত্মীয় বন্ধু বাদের নিমন্ত্রণ করেছি, তারা
এসে আজ বুঝে যাক্ যে—আমাদের মত স্থখের
পশরা নিরে কোন দম্পতি জীবনের পথে পা বাড়ায়নি ।
আজ তারা শুধু ওই বুঝেই চলে যাক্—তারপর—

প্রশান্ত । তারপর ?

ঝড়ের রাতে

বিজলী। তারপর কি হবে তা স্পষ্ট করে আজও আমার মনে
জাগেনি !

প্রশান্ত। বেশ ! অন্ততঃ আজ তারা অতি সত্য এই কথাটিই
জেনে যাক যে, সংসারে আমাদের মত স্থখী আর কেউ
নেই ।

বিজলী। অতি সত্য এই কথা ?

প্রশান্ত। আমার কাছে এর চেয়ে বড় সত্য আর কিছুই নেই ।

[প্রশান্ত দরজার দিকে চলিয়া গেল

বিজলী। ওর ও-কথা কি সত্যি ?

[দূরে সমবেত-কণ্ঠের সঙ্গীত শোনা গেল।

আমরা সবাই—

এগিয়ে চলি, এগিয়ে চলি, জীবনগাড়ীর

ভাঙা চাকায় !

তাদের পানে চাইনে মোরা পিছন ফিরে

যারা তাকায় ।

অ-যাত্রাতে যাত্রা শুরু, অলক্ষুণে মোদের গুরু,

স্বর-পালানো মন নিয়ে তাই বেড়িয়ে বেড়াই

ফাঁকায় ফাঁকায় ।

ওকি, কারা গান গায় ?

ঝড়ের রাতে

প্রশান্ত । হয়ত' সন্ধ্যারাই আসছে ।

বিজলী । সন্ধ্যা! তোমারই ত' বোন্ সে । এ উৎসব সম্বন্ধে
সে-ও তোমারই মত উদাসীন । নইলে এতক্ষণ আসতো ।

প্রশান্ত । সে আসবে, বিজু ।

[সঙ্গীতের ধ্বনি আরও কাছে আসিল

ওই তারা আসছে । সন্ধ্যার গলা আমি শুনিছি ।

সন্ধ্যা । বৌদি, আমরা এসেছি, এই আমার বন্ধু । দাদা, এই
আমার বন্ধু উষা ।

প্রশান্ত । উষা! সন্ধ্যার সঙ্গে উষার মিলন,—কবে, কোথায়, কেমন
করে হ'লরে ?

সন্ধ্যা । আমরা এক সঙ্গেই পড়ি...আর ওরাও—প্রণব আর সমর ।

[মোটরখানা সরাইয়া রাখিয়া দুইটি তরুণ
হটকেস হাতে লইয়া দুটি থলে কাঁধে
লইয়া ঘরে ঢুকিল

প্রশান্ত । ই্যারে সন্ধ্যা! আজকালকার মেয়েরা কি তাদের সহ-
পাঠীদের দিয়ে মোটর ঠেলিয়ে নেয়, মোট বইয়ে নেয়

সন্ধ্যা । আজ যে বিপদে পড়েছিলুম দাদা !

প্রশান্ত । বিপদ !

সন্ধ্যা । ই্যা দাদা, পুলিশ আমাদের তাড়া করেছিল ।

প্রশান্ত । পুলিশ !

প্রণব । হ্যাঁ, সাজোয়া-পুলিশ

সন্ধ্যা । শুধু তাড়াই করেনি...

সমর । গুলিও চালিয়েছিল ।

প্রশান্ত । কি সর্বনাশ ! বিজু, আমি ত' কতদিন বলেছি, সন্ধ্যা
একদিন বিপদে পড়বে ।

সন্ধ্যা । আমরা কেমন ক'রে জানবো ?

প্রণব । আমরা গাড়ী চালিয়ে গান গাইতে গাইতে আসছিলুম ।
এখানে আসবার রাস্তায় পড়েই দেখি আমাদের সামনে
একখানা গাড়ী জোরে ছুটছে ...

সন্ধ্যা । আমরা ভাবলুম আমাদের পেছনে ফেলে যাবে, কখনই
তা হতে দেব না !

প্রণব । আমরাও গাড়ীর বেগ বাড়িয়ে দিলুম ।

সন্ধ্যা । গানও দিলুম চড়িয়ে ।

সমর । কিন্তু পিছনে যে আর একখানা গাড়ী আরো বেগে
আসছিলো তা তো দেখিনি ।

প্রশান্ত । লাগল বুঝি ধাক্কা ?

সন্ধ্যা । শোনই না ।

প্রণব । হঠাৎ কানে এলো বিলুকের আওয়াজ ।

বিজলী । তারপর ?

সন্ধ্যা । পিছন ফিরে চেয়ে দেখি বোদি—

ঝড়ের রাতে

সমর । সাজোয়া পুলিশ আমাদের শাসাচ্ছে !

প্রশান্ত । তোমরা গাড়ী থামালে না কেন

বিজলী । আহা শুনতেই দাও না আগে ।

আমরা ত' সবাই মাথা নীচু ক'রলুম—গাড়ীর স্পীড্ আরও
আরও বাড়িয়ে দিলুম ।

প্রশান্ত । আর ওরা ?

সমর । প্রাণপণে গুলি চালাতে লাগলো ।

প্রশান্ত । কী সর্বনাশ !

বিজলী । চমৎকার !

প্রশান্ত । চমৎকার ?

বিজলী । এমন (খিল) উপভোগ করবার সৌভাগ্য আমার জীবনে
কখনো আসেনি । এখনও যদি আসে !

সন্ধ্যা । সত্যি বোদি, সে একটা নূতন Experience ! খুব যে ভয়
হ'লো তা-ও নয় । আর খুবই যে ভাল লাগলো তা-ও নয় ।

প্রশান্ত । এমনি করেই তুই কোন দিন মারা যাবি । আর
আমারও আপন জন কেউ থাকবে না । তারপর ?

সন্ধ্যা । পুলিশের একটা গুলি এসে পিছনের চাকার একটা টায়ারে
লাগল ।

বিজলী । এ যে একেবারে ডিটেকটিভ গল্প । আমি যদি তোমাদের
সঙ্গে থাকতুম সন্ধ্যা !

ঝড়ের রাতে

প্রণব । আমাদের গাড়ীত তখন ডিগ্বাজী খায় আর কি !

প্রশান্ত । ইস্ !

সন্ধ্যা । কিন্তু কেমন ক'রে যেন বেঁচে গেলুম !

প্রশান্ত । কেমন ক'রে জানিস্ ? মা-বাবা স্বর্গ থেকে হাত বাড়িয়ে
তোদের ওই একটি মুহূর্তের জন্য কোলে তুলে
নিরেছিলেন ।

সন্ধ্যা । হয়ত' তোমার কথাই সত্য দাদা । গাড়ীটা ঠিক হ'তেই,
ওরা লাফিয়ে প'ড়ল ; হাত উচু করে দাঁড়াল' ।

প্রণব । পুলিশ এসে খুব তষি ক'রল । বলল', আমাদের
নির্বুদ্ধিতার জন্তই নাকি একটা খুনে ডাকাত পালাবার
স্বযোগ পেল' ।

সন্ধ্যা । ওরা বললো, ওরা ত' জানতো না !

বিজলী । আগেকার মোটরে যে লোকটা পালাচ্ছিল সেই ডাকাত ?

সমর । ডাকাতিও ক'রেছে মানুষও খুন করেছে ।

বিজলী । আমি কখনো এমন লোক দেখিনি যে মানুষ খুন করেছে ।
তাকে তোমরা দেখেছিলে ?

প্রণব । হাঁ, একবার আমাদের গাড়ী তার খুব কাছাকাছি গিয়েছিল,
তখন আমরা দেখলুম । বেশ চেহারা কেবল দাড়ীগুলো
খোঁচা খোঁচা । কালো-ষ্ট্রাইপের জামা তার গায়ে ।

সমর । মাঝে মাঝে পিছন ফিরে আমাদের দিকে চেয়ে দেখছিল' ।

ঝড়ের রাতে

সন্ধ্যা। কিন্তু বৌদি, কি আবেদন তার চোখে!

বিজলী। শোন, তোমার বোন কেমন মানুষ হয়েছে! খুনে
ডাকাতের চোখেও আবেদনের ভাষা পড়বার বিজ্ঞে
ও অর্জন করেছে।

[প্রশান্ত ঘুরে সরিয়া গেল

সন্ধ্যা। সত্যি বৌদি, সে চোখে বড় একটা বিশেষত্ব আছে।

উষা। আর হাসিতে?

বিজলী। হেসেও ছিল নাকি?

প্রণব। আমাদের গাড়ীখানা যখন ডিগবাজী খেতে খেতে সামলে
নিল, তখন লোকটা হেসে আমাদের Congratulate
ক'রল।

সন্ধ্যা। একটা বার ভাবত' বৌদি, প্রাণ নিয়ে পালাচ্ছে, তবুও
হাসছে, আমরা বেঁচে গেলুম ব'লে উল্লাসও প্রকাশকচ্ছে!
অমন লোক কি সাধারণ খুনে ডাকাত হতে পারে?

[প্রশান্ত লাইব্রেরীতে গেল

বিজলী। সন্ধ্যা, তোমাকে শ্রদ্ধা ক'রতে ইচ্ছে হচ্ছে! তুমিই আমা-
দের মাঝে একমাত্র অতি-আধুনিক।

[সন্ধ্যার হাত ধরিল

আমি যদি প্রেমে পড়তুম সন্ধ্যা তা হ'লে তোমার মত

ঝড়ের রাতে

আমিও প্রশ্ন করতুম, এমন লোক কি কখনও সাধারণ
খুনে ডাকাত হতে পারে ?

[সকলে হাসিল

সন্ধ্যা। কিন্তু কথাটা ত' কেবল পরিহাসেরই নয় বৌদি !

বিজলী। প্রাণেরও ?

[সকলে আবার হাসিল

সন্ধ্যা। যাও ! আজ যেন তোমার কি হয়েছে !

বিজলী। আজ আমি আকাশে দেখছি ব্রাহ্মচর্য রং, বাতাসে
পাচ্ছি উন্মাদনা। না ?

সন্ধ্যা। সত্যি বৌদি, দাদার আর তোমার প্রেম হয়ত 'গন্ধর্ব্বদেবও
হিংসার সামগ্রী।

বিজলী। কিন্তু মাহুষের নয়।

[যামিনী প্রবেশ করিল

যামিনী। সন্ধ্যা এসেছ !

সন্ধ্যা। মেজদি, সমস্ত বাড়ীটা আজ তোমার মনোযোগ পেয়ে যেন
হাস্ত-মুখর হয়ে উঠেছে।

যামিনী। সন্ধ্যার মুখেও কথা ফুটেছে বিজু !

বিজলী। কথাই কেবল ফোটেনি মেজদি, বিষের ফুলটাও ফুটি
ফুটি করছে !

ঝড়ের রাতে

যামিনী । সত্যি ?

সন্ধ্যা । তুমি ও কথা শুনোনা মেজদি । বৌদির সমস্ত মন আজ-
বিয়ের গৌরবে আচ্ছন্ন হয়ে উঠেছে । আর তাই হওয়াই ত'
উচিত ।

বিজলী । শোন মেজদি, উচিত আর অহুচিতের উপদেশ সন্ধ্যার
মুখ থেকেও মন্দ শোনায় না ।

যামিনী । না, না, সন্ধ্যা তোকে উপদেশ দেয় নি ।

বিজলী । কিন্তু আমি যদি না দেখাতুম যে আনন্দ আর আমি
বইতে পারছি না, তা হলে দিত !

সন্ধ্যা । তোমার সাধ্য কি বৌদি যে, আজকের দিনে অন্তরের
আনন্দকে তুমি গোপন রাখ ?

বিজলী । ধরে ফেলেছ সন্ধ্যা, ফেলবেই ত' । Experimental
Psychologyর ছাত্রী তুমি !

প্রণব । আমাদের সকলেরই ঐ একই Subject !

বিজলী । এইরে সবার কাছেই ধরা পড়ে গেলুম !

[প্রশান্ত বাহির হইয়া আসিল

প্রশান্ত । তারপর তোমাদের কি হ'লো ভাই ?

[একজন তরুণের কাঁধে হাত রাখিল

প্রণব । পুলিশ আমাদের ধম্কে দিয়ে আমাদের গাড়ীখানা এক
পাশে ঠেলে রেখে আবার তাদের গাড়ী নিয়ে ছুটলো ।
কিন্তু ডাকাতটা তখন দৃষ্টির বাইরে চলে গেছে !

ঝড়ের রাতে

যামিনী। কে কেমন গল্প ক'রতে পারে তারই বুঝি পরখ হচ্ছে ?

প্রশান্ত। গল্প নয় মেজদি, ওরা আজ সবাই মরতো ! আমি তোমায় সব ব'লবো 'খন । সন্ধ্যার সম্বন্ধে সত্যিই আমি চিন্তিত হয়ে পড়েছি । শুনলে তুমিও তাই হবে ।

সন্ধ্যা। আমাদের গাড়ীর টায়ার গ্যাছে । বল্লম, গাড়ী সেইখানেই ফেলে রেখে আমরা হেঁটেই আসবো, কিন্তু ওরা রাজী হ'লো না ।

সমর। আমাদের মত অবস্থায় পড়লে কেউ তাতে রাজী হ'ত না ।

প্রশান্ত। তাই তোমরা লাগালে গাড়ীতে কাঁধ ! আর সন্ধ্যা ধরল' ষ্টীয়ারিং হুইল ! আশ্চর্য্য !

বিজলী। সাবাস সন্ধ্যা !

প্রশান্ত। বিজু, সন্ধ্যার এই উদ্দামতাকে তুমি সমর্থন ক'রো না ।

বিজলী। ওই ষ্টীয়ারিং হুইল আরও আনবার কৌশল যে নারী অর্জন করে, স্বচ্ছন্দ গতিতে জীবনের পথ বয়ে কেবল সে-ই যেতে পারে । তাই সকলেরই উচিত ও কাজটি অভ্যাস করা ।

প্রশান্ত। কিন্তু তুমি তো কখনো তা ক'রতে যাওনি !

বিজলী। সেই জন্তই তো জীবন-যাত্রার গতির আনন্দ আমার ভাগ্যে কখনো হ'ল না ।

প্রশান্ত। তুমি বুঝতে পারছো না বিজু, আজ ও ঠেলা গাড়ীতে

ঝড়ের রাতে

ঈয়ারিং হুইল ধ'রে বসেছে কাল নিচ্ছেই চালাবে গাড়ী,
আর তার পরেই স্পীডের নেশা ওকে পেয়ে ব'সবে।
শেষটার কোনো দিন হয় কাউকে চাপা দেবে, নয়
হবে কলিশন।

বিজলী। আমি বলি স্থাবরের স্থিতি-শীলতা নিয়ে পচবার
গলবার চেয়ে, গতির আনন্দ উপভোগ করতে করতে
।, ঢের—ঢের ভালো।

যামিনী কিন্তু সন্ধ্যা, তোমাদের এখন প্রস্তুত হওয়া দরকার।
এখনি হয়ত' সবাই এসে পড়বেন।

সন্ধ্যা। আমরা তৈরী হয়ে আসছি মেজদি। চল উষা।

[উষার হাত ধরিয়া ওপরে যাইতে যাইতে
ফিরিয়া আসিল

কিন্তু বৌদি আসল কথাটি ত' এখনও বলা হয় নি। সেই
ডাকাতেই গাড়ীখানা, আসবার সময় দেখলুম, আমাদের
বাড়ীর কাছেই প'ড়ে আছে। একটা পাহারাওয়াল
ব'লে গাড়ী ফেলে বীরবর জঙ্গলে গা ঢাকা দিয়েছেন।

বিজলী। আচ্ছা সন্ধ্যা?

সন্ধ্যা। কি বৌদি!

। সে এসে যদি আমাদের (আশ্রয় ভিক্ষা) করে?

প্রশান্ত। কি ছেলেমানুষী করছ তুনি বিজু?

ঝড়ের রাতে

বিজলী। আজ্ঞে মাষ্টার-মশাই, এটা আপনার ক্লাশ নয়; আর আমাদেরও আপনার নোট মুখস্থ করে' পরীক্ষা পাশ ক'রতে হবে না যে, মুখ বুজে ঘাড় হেঁট করেই আমরা থাকবো।

প্রশান্ত। তোমরা ভাই ওই ঘরে একটু বিশ্রাম করগে।

যামিনী। হ্যা ভাই তাই, যাও। আমি চা আর জল-খাবার পাঠিয়ে দিচ্ছি।

সন্ধ্যা। ওদের আর কিছু খেতে দিও না মেজদি। গাড়ীতে বসে ওরা দু'জনতে দু'ডজন প্যাটি সাবাড় ক'রেছে!

যামিনী। আর তোমরা?

সন্ধ্যা। চকোলেট!

প্রণব। কিন্তু প্যাটিও তোমরা পেয়েছিলে!

উষা। আর চকোলেটও তোমরা নিয়েছিলে!

সমর। কড়ে নিয়েছিলুম বলেই ত' পেয়েছিলুম। নইলে কি আর দিতে?

বিজু। দানের মর্যাদা বাবা বোঝে না, তাদেরকে দান করবার চেয়ে দৈন্ত আর কিছুই নেই। আর সে-দৈন্ত আমাদের শত-করা নিরানব্বই জনের রয়েছে বলেই অপমানও হয়ে উঠেছে আমাদের অঙ্গের ভূষণ। সন্ধ্যা আর উষা আজ-কের নয়, আগামীকালের নারী। তাই সেই দৈন্ত দূরে

ঝড়ের রাতে

রেখে অপমানের আঘাত থেকে আত্মরক্ষা করতে ওরা
শিখেছে।

প্রশান্ত। শোন মেজদি, শোন ওদের কথা !

যামিনী। এখন আর তোমাদের পাগলামো করবার সময় নেই।

সন্ধ্যা। এই আমরা যাচ্ছি, মেজদি।

[তরুণরা তাদের ঘরের দিকে চলিয়া গেল।

যামিনী রান্নাঘরের দিকে চলিয়া গেল।

বিজলী। আমার প্রশ্নের জবাব দিয়ে যাও সন্ধ্যা ; সেই খুনে
ডাকাতটা এসে যদি আশ্রয় চায় তাহ'লে আমরা কি
ক'রবো ?

সন্ধ্যা। কী আর ক'রবো। পুলিশ ডেকে ধ'রিয়ে দেবো।

বিজলী না, না, সন্ধ্যা, তার বাইরের পরিচয় আসল পরিচয় না-ও
হ'তে পারে ! এমনও হতে পারে যে খুনই সে করেনি।
এমনও হতে পারে যে স্বার্থের জ্ঞান নয়, কোন মহত্বের
উদ্দেশ্য নিয়ে সে ও কাজ করেছে। তাই আমরা তাকে
আশ্রয় দোব, ক্রান্তি দূর করবার অবসর দেবো।
তারপর সকলে তাকে ঘিরে ব'সে, তার ইতিহাস শুনবো।
রাত ছপুরে ঘর আধো-অঁধার ক'রে দিয়ে।

সন্ধ্যা। যদি সে সত্যিকারের খুনে ডাকাত হয়, তাহ'লে পুলিশ
ডেকে ধরিয়ে দেব।

বিজলী। সত্যিকারের খুনে ডাকাতের মুখ থেকে সত্যিকারের

ঝড়ের রাতে

কাহিনী শোনায় আমাদের যা লাভ হবে, তার তো একটা দাম দিতে হবে? আমরা তারই মূল্য-স্বরূপ তাকে দোর মুক্তি। খিড়কীর দোর দিয়ে তাকে বার ক'রে দোব। তারপর আমরা যখন বুড়ো হয়ে যাব, আমাদের ছেলে মেয়েদের.....না না—

সন্ধ্যা। না, না, কেন বউদি?

বিজলী। তোমাদের ছেলে মেয়েদেরও যখন ছেলে হবে, তখন তাদের কোলে নিয়ে আসল খুনে, আসল ডাকাতের এই গল্পটা যখন ক'রব, তখন আশ্চর্য হ'য়ে তারা আমাদের মুখের দিকে চেয়ে থাকবে।

সন্ধ্যা। বৌদি, সত্যিই তোমার যেন আজ কি হ'য়েছে! তুমি যেন রূপকথার দেশেই ঘুরে বেড়াচ্ছ।

বিজলী। তোমার সত্যিই তাই মনে হ'চ্ছে?

সন্ধ্যা। সত্যি বৌদি।

বিজলী। তাহ'লে এই কথাটা জেনে রাখ' যে, বাস্তব জীবন যখন ব্যর্থতার ভিতর লুপ্ত হ'তে চায়, রূপকথাই কেবল তখন মানুষকে রক্ষা ক'রতে পারে। মানুষ তাই রূপকথাকে অবহেলা করে না। মনের মনি-কোঠায় তাকে সঞ্চয় করে রেখে দেয়। তোমরা তৈরী হয়ে এস সন্ধ্যা।

[সন্ধ্যা ও উষা উপরে চলিয়া গেল, প্রশান্ত
আসিয়া বিজলীর পাশে দাঁড়াইল

ঝড়ের রাতে

প্রশান্ত । সন্ধ্যার সম্বন্ধে কি করা যায় বলত' ? কথাটা সেই থেকেই আমি ভাবছি । আচ্ছা কি হবে ওর Experimental psychology নিয়ে এম, এ প'ড়ে ! তোমরা ওর বিষয়ে দেবার ব্যবস্থা কর ।

বিজলী । আমাদের ব্যবস্থা যদি ও না মানে ?

প্রশান্ত । কী যে তুমি বল' । আমরা ওর ভালোর জন্তই একটা ব্যবস্থা করব' আর ও তা অগ্রাহ্য ক'রবে ! আমি কি ভয় করছি জান ? না, সে ঠিক তোমায় বুঝিয়ে বলতে পারবো না । একটা উদ্দামতা ওকে পেয়ে বসতে পারে । আর তাহলে ও সংসারে শান্তি দেবে না । অশান্তিই জাগিয়ে তুলবে !

বিজলী । যেমন আমি তুলেছি !

প্রশান্ত । তুমি !

বিজলী । এমন উদ্দাম আমি ছিলুম যে তার, তুলনায় সন্ধ্যা আজও শিশু

প্রশান্ত । (কিন্তু তুমি ত' পেরেছ আত্মবশ ক'রতে ।)

বিজলী । হাঁ পেরেছি ! আত্মহত্যা ক'রে

[একে অস্ত্রের দিকে চাহিল । তারপর

প্রশান্ত ধীরে ধীরে ফিরিয়া দাঁড়াইল ।

স্বামিনী প্রবেশ করিল

ঝড়ের রাতে

প্রশান্ত । এখনো কেউ ত' এলো না মেজদি ।

যামিনী । এলো ব'লে, কিন্তু তোমার কি হয়েছে ভাই ?

প্রশান্ত । মেজদি, একটা সত্য কথা বলবে তুমি ?

যামিনী । মিথ্যে কি কখনো ক'য়েছি ?

প্রশান্ত । আমাকে বরণ করে, বিজু দুঃখকেই জীবনের সাথী ক'রে নিয়েছে ?

যামিনী । তুমিই তো ব'লেছ ওর সব কথায় কান দিতে নেই !

প্রশান্ত । কিন্তু এমন কথা ও বলে যা অন্তরকে আঘাত করে ।

বিজলী । তোমাকে ব্যথা দেবার জন্য ও কথা বলিনি ।

প্রশান্ত । নিজেকে আনন্দ পাবার জন্য বলেছ ?

বিজলী । তাও নয় ।

প্রশান্ত । তবে ?

বিজলী । আমার প্রশ্ন ক'রো না, নিজেকে নিজেই আমি চিনি না ।
নিজের কথা নিজেই আমি বুঝি না ।

যামিনী । আমি ত' রোজই ঐ কথা বলছি ।

বিজলী । তোমরা হয়ত' সত্যি কথাই বল । মেজদি, কেন আমি
এমন সৃষ্টিছাড়া হলাম ?

যামিনী । ও কিছু নয় বিজু । চল আমরা দেখি কেউ আসছে কিনা ।

[সকলে ছুয়ারের দিকে অগ্রসর হইল,
সন্ধ্যা আর উষা সিঁড়ি দিয়া নামিয়া
আসিতে লাগিল

বাড়ের রাতে

উষা। চমৎকার লোক ভাই, তোর বৌদি !

সন্ধ্যা। সকল দিক দিয়েই আধুনিক।

উষা। দাদা আর বৌদি একে অণ্ডকে এমন করে আচ্ছন্ন ক'রে রেখেছেন যে ভাবলেও আনন্দ হয়।

সন্ধ্যা। নিজের ভবিষ্যতের কথা ভাবছি সুখি ?

উষা। ভাববো না ? তোর যেন সে কথা কখনও মনে হয় না !

সন্ধ্যা। সত্যিই হয় না। আমি জানি আমার ভিতরে যদি আগুন থাকে, তা হলে পুরুষ পোকার মতোই তাতে আত্মাহুতি দেবে। আমি তাই ইন্ধন জুগিয়ে জুগিয়ে সেই আগুন জালিয়ে রাখবার চেষ্টা করছি।

উষা। তা তুই পেরেওছিস্।

সন্ধ্যা। দেখেছিস্ ! ওরা কিছুই করেনি এখনও ঘরের বার হয়নি। সত্যিই বড় কুণো ওরা...

উষা। হয় ত' ঘুমিয়েই পড়েছে।

সন্ধ্যা। ওরা আমায় একেবারে হতাশ ক'রেছে। সত্যিই একবার ভেবে দেখত' উষা, ওদের মত কোন লোকের সাথে কি জীবন-যাত্রা শুরু করা যায় ? আর ওদের শতকরা নিরা-
!ই জন ওই রকম !

উষা। তোর দেখছি বিশ্বে আর হবে না !

সন্ধ্যা। তোর যেন হবে !

ঝড়ের রাতে

উষা। আমাকে ভাই আজকের এই পুরুষদের ভেতর থেকে খুঁজে পেতে একটি বার ক'রে নিয়ে তারই গলায় বরমালা দিতে হবে। একা একা পথ চলা আমার দিগ্নে হবে না।

সন্ধ্যা। দুটির কোনটিকে চাই! সমরকে না প্রণবকে?

উষা। ধোং! ওরা ত' খেলার সাথী। প্রায় সমবয়সী, ওদের সাথে বড় জোর প্রেমের খেলা করা চলে, সত্যিকারের প্রণয় চলে না। ওদেরকে বন্ধু বলেও মানা যায়। কিন্তু স্বামী বলে স্বীকার করা যায় না।

সন্ধ্যা। বাঃ রে উষা! তুই আমার চাইতে, হয় ত' বৌদির চেয়েও আধুনিক। বৌদি শোন।

[বিজলী আগাইয়া আসিল

উষা। বৌদিকেও বলতে হবে নাকি?

সন্ধ্যা। নইলে তোর কথার তারিফ করবে কে?

[বিজলী তাহাদের সম্মুখে দাঁড়াইল

বৌদি! আমাদের সঙ্গে সমর আর প্রণব এসেছে ব'লে মনে ক'রোনা যে আমরা ওদের প্রেমের পাশে বাধতে চাই। ওরা আমাদের খেলার সাথী। ওদের ভাল

ষদিও বা বাসা যায়, বিয়ে করা যায় না। আমি আর উষা এ সবকিছু একমত।

কড়ের রাতে

বিজলী। তোমার এ মত কি সেই খুনে ডাকাতের ঝোড়া-

চোখের আবেদন পৌছবার আগেও ছিল?

সন্ধ্যা। আগেও নয়—আর ঠিক সে ঘটনার পরেও নয়। এই মাত্র উষা আমার কথাটা বুঝিয়ে দিল। নইলে আমি হয়ত' অনিবার্য বেগে প্রণবেরই প্রেমে পড়তুম।

বিজলী। আচ্ছা সন্ধ্যা, সেই ঝাকে তোমরা খুনে ডাকাত বলছ, সে যদি আসলে তা নাই-ই হয়? যদি হয়—সেকেন্দে নাইটদের মতো দুর্গম-পথের স্বাত্রী কোন বীর? আর যদি আজ এসে সে তোমার পাণি প্রার্থনা করে, তাহ'লে?

সন্ধ্যা। তা হ'লে ঠিক কি যে করি, তা বলতে পারিনে বৌদি।

আমি যদি সন্ধ্যা হতুম তাহলে কি করতুম জান?

সন্ধ্যা। কি করতে?

বিজলী। আমি যদি সন্ধ্যা হতুম, তা হলে রজনীগন্ধার মালা তার গলার পরিয়ে দিয়ে তার হাত ধরে ক্রতগামী মোটরে গিয়ে উঠতুম। সে বায়ুবেগে গাড়ী চালাতো আর আমি নিশ্চিন্তে তার গা ঘেঁসে বসে তাহার দেহের অমিত-শক্তির পরশ নিতুম। আর বলতুম, পিছনে পাশে কোন দিকে না চেয়ে দুনিবার গতিতে এগিয়েই চল, ওগো এগিয়েই চল

ঝড়ের রাতে

সন্ধ্যা। কোথা যেতে বৌদি।

বিজলী। নদী পেরিয়ে, বন অতিক্রম ক'রে, পাহাড় ডিঙ্গিয়ে
কোথায় যেতে যে বলতুম, তা কি আমিই জানি? শুধু
বলতুম, চল আরো, আরো এগিয়ে, আরও বেগে।

[ছুজনা বিষ্ময়ে তাহার দিকে
চাহিয়া রহিল]

কি সন্ধ্যা, অমন করে আমার দিকে চেয়ে কি
দেখছো?

সন্ধ্যা। শুধু তোমাকেই দেখছি বৌদি। এমন করে নিজেকে
কখনও তুমি আমার কাছে প্রকাশ করনি। তোমাকে
দেখছি আর ভাবছি, দাদাকে তুমি কত ভালবাস।
জীবনের আনন্দকে এমন করে পেতে চাও তুমি, অথচ
দাদার জগুই সে-সব ভুলে তপস্বিনীর মত এই শান্ত
অচঞ্চল বৈচিত্র্যবিহীন জীবন যাপন ক'রছ। ভালবাসা
যদি গাঢ় না হতো তা হ'লে তা কি তুমি পারতে?

বিজলী। না পারলে যে চ'লতো না, শাস্ত্রকারেরা যে এই বিধানই
দিয়ে গেছেন।

যামিনী। সন্ধ্যা তোমাদের কোন আয়োজন ত' এখনও হ'লো
না।

উষা। ওরা হয়ত ঘুমিয়েই পড়েছে।

ঝড়ের রাতে

সন্ধ্যা। চলতো দেখে আসি

[তাহার। ওরুণদের ঘরে প্রবেশ করিল,
ভিতরে একটি হাসির রোল উঠিল।
যামিনী চলিয়া গেল। বিজলী স্বামীর
কাছে গিয়া দাঁড়াইল। প্রণব ও
সমরকে লইয়া সন্ধ্যা ও উষা প্রবেশ
করিল

সমর। প্রণবটা পড়েই নাক ডাকাতে শুরু করল।

প্রণব। মিছে কথা।

সন্ধ্যা। আচ্ছা ও তর্ক এখন থাক। এ ঘরটাকে আমরা ক'রবো
সাজঘর। আর এইখানে পর্দাটা টানিয়ে ফেল।
বৌদি!

[বিজলী ও প্রশান্ত আগাইয়া আসিল
দাদার এই লাইব্রেরী হবে আমাদের ড্রেসিংরুম। আর
এই জাম্বগাটা আমাদের ষ্টেজ। অবশ্য এর গাণ্ডী যে
আমরা অতিক্রম করতে পারবো না, তা নয়—আমরা
একেবারে দর্শকের মাঝেই চ'লে যাব। কিন্তু একটা
কার্টেন ত' থাকা চাই!

বিজলী। যাতে তোমাদের সুবিধে হয় তাই ক'রো।

প্রশান্ত। কিন্তু সন্ধ্যা, আমার ঘরটাতে সাবধানে চলাফেরা করিস।
জানিস তো, কত সব দরকারী জিনিষপত্র রয়েছে।

ঝড়ের রাতে

সন্ধ্যা। তুমি ভেবোনা দাদা, ঘরগী আমি ভাল ক'রে গুছিয়ে রাখবো 'খন।

প্রশান্ত। ওরে, না, না। কোন জিনিষে আজ হাত দিসনি। জানিস সন্ধ্যা, আমি একটি নতুন তত্ত্ব প্রায় আবিষ্কার করে ফেলেছি। আজকার এই গোলগাল যদি না থাকতো তা হ'লে যেটুকু বাকী রয়েছে তা শেষ ক'রে ফেলতে পারতুম। কিন্তু তাতো আব হ'লো না! যেখানে যা আছে, তা সেইখানেই যেন থাকে। তোমরা সবাই শুনে রাখ। কোন কিছুতে যেন হাত দিও না।

বিজলী। বয়ে গেছে ওদের!

প্রশান্ত। না, না, তুমি বোঝ না বিজু। ওরা সব ছেলেমানুষ, কৌতুহল আছে, ঔৎসুক্য আছে।

সন্ধ্যা। দাঁড়িয়ে রইলে কেন প্রশ্নব। স্ক্রীনটা টাঙ্গিয়ে ফেল। আমরা পোষাকের এই কিডট নিয়ে ভিতরে যাই। ধর উষা।

[তাহারা দুইজনে মিলিয়া একটি খলিয়া লইয়া ল্যাবরেটরিতে গেল। আর একটি খলিয়া সমর ও প্রশ্নব একটি স্ক্রীন বাহির করিল এবং তাহা যথাস্থানে ঝুলাইবার ব্যবস্থা করিতে লাগিল।

ঝড়ের রাতে

বিজলী। আজকের দিনটা তোমার এমন ক'রে মাটি হয়ে
গেল ব'লে আমি দুঃখিত।

প্রশান্ত। না বিজু, আজকের ভোরের আলো সৌভাগ্যের মতই
আনন্দ নিয়ে আমার আহ্বান করেছিল।

বিজলী। কিন্তু কঙ্কালের মায়ায় তাও তুমি উপেক্ষা করেছিলে!

[একখানি টে. করিয়া বোকে লইয়া
ভৈরব প্রবেশ করিল। তাহার সঙ্গে
আর একটা ভৃত্য। ভৈরব তাহাকে
সদর দরজার এক কোণে দাঁড়
করাইয়া তাহার হাতে টে. দিল।

ভৈরব। এইখানে দাঁড়িয়ে থাকবি। কিন্তু খবরদার সঙের
মতো যেন না মাঝখানে গিয়ে পড়িস্।

[চাকরটা মাথা নাড়িয়া সম্মতি জানাইল।
ভৈরব চলিয়া গেল। বিজলী ও প্রশান্ত
দরজার দুই পাশে দাঁড়াইল। যামিনী
প্রবেশ করিল।

যামিনী। ঠিক হয়েছে ভাই, ঐটিই এখন তোমাদের উপযুক্ত
স্থান। যারা আসবে, দূরে থেকে তারা মনে ক'রবে,
নারায়ণ স্বয়ং লক্ষ্মীকে নিয়ে তাদের অভ্যর্থনা করবার
জন্ত দাঁড়িয়ে আছেন।

ঝড়ের রাতে

বিজলী । আজকের হাওয়া যে তোমাকেও উত্তলা ক'রে তুললো, মেজদি ।

প্রশান্ত । আঃ কি যে বল !

সামিনী । বিজু ঠিক বলেছে ভাই, আজকের দিনের আনন্দ তোমাদের চেয়ে বেশী না হলেও তোমাদের মতোই আমার চিত্ত ছলিয়ে দেয়, আশা করি আমি যখন থাকবনা, তখনো ।

বিজলী । কারা যেন আসছেন, মেজদি ।

সামিনী । মাসিমা আর তার ননদ ।

প্রশান্ত । মাসিমার এক ননদ নাকি বিয়েই করেন নি ?

সামিনী । হুপ্, তিনিই আসছেন ।

[একখানি মোটর আসিমা থামিল]

বিজলী । মাসিমা এসেছ ?

মাসিমা । এমন দিনেও আসবো না ?

বিজলী । আহুন ।

[মাসিমার ননদের হাত ধরিয়া নামাইল]

মাসিমা । তোমাদের আশীর্বাদ ক'রতে এলুম ।

প্রশান্ত । আমাদের আর কে আছে মাসিমা ?

[সামিনী মাসিমার কাগড়ে একটি

বোকে আ টিয়া দিল

মাসিমা । ওকি লো, মাসিমাকেও দিতে হবে নাকি ?

বড়ের রাতে

যামিনী। বোকে বলেই দিচ্ছিলে মাসিমা, শ্রদ্ধার অঞ্জলি
হিসেবেই দিচ্ছি।

মাসিমা। যা ক'রে তোরা খুসী হ'স, তাই কর না। বিজু, আরতো
তোকে একটু দেখি। এ পোড়ারমুখীর দিকে তো
আর চাওয়া যায় না।

[সকলে বসিলেন

[দরজায় একখানি গাড়ী আসিয়া থামিল

প্রশান্ত। বিজু, দেখ কারা এসেছেন ?

[একটি শ্রোট ভক্তলোক আর তাঁহার
স্ত্রী গাড়ী হইতে নামিলেন

বিজলী। আমি আসছি মাসিমা।

[বিজলী চলিয়া গেল

মাসিমা। এখনও তেমনিটিই আছে নাকি রে ?

যামিনী। হাঁ মাসিমা, সেই কলেজে পড়বার সময় যেমন ছিল।

মাসিমা। জামাই কিছু বলে না ?

যামিনী। ওর মতো ছেলে আর হয় না মাসিমা !

বিজলী। মেজদি !

যামিনী। যাই বিজু !

[যামিনীও গিয়া আগন্তুকদের প্রণাম
করিল

ঝড়ের রাতে

ননদ। বোনঝির কথা কি বলছিলে বউদি ?

মাসিমা। অমন ক্ষাপা মেয়ে আর একটি নেই। হুঁদণ্ড এক
জায়গায় বসে থাকতে পারে না।

ননদ। স্বামী জীতে মনের মিল আছে ত ?

মাসিমা। তা আবার নেই ? আজকের উৎসব দেখেই ত' বুঝতে
পারছ !

[আগন্তুককে লইয়া আসিল

বিজলী। মাসিমা, ইনি আমার বাবার বিশেষ বন্ধু ছিলেন।

[মাসিমা উঠিয়া দাঁড়াইয়া তাঁহাকে
বসিতে বলিলেন ; তিনি বসিলেন

মাসিমা। ইনি আমার ননদ, বিয়ে করেন নি। বিয়ে ইনি ক'রবেন
না।

বৃদ্ধ ভদ্রলোক। আচ্ছা মা, একটি কথা জিজ্ঞাসা ক'রতে চাই।

আমি বুড়ো মানুষ, দোষ ধ'রো না। নারীর
পক্ষে অবিবাহিত জীবন যাপন করা কি সম্ভব ?

ননদ। অসম্ভব যে নয়, তা ত' আমাকে চোখের সামনে দেখেই
বুঝতে পারছেন।

বৃদ্ধ। বেশ মা, বেশ। কিন্তু তা থাকবার প্রয়োজন কি,
তা কি জিজ্ঞাসা করতে পারি ?

ননদ। অবশ্যই পারেন। দেখুন বিবাহ হচ্ছে বন্ধন। সে বন্ধনে

বড়ের রাতে

যারা বাঁধা পড়ে তারা নিজেদের মনুষ্যত্ব বিকাশের বিঘ্ন
ঘটায়।

বুদ্ধ। কিন্তু মা, আমি যে চল্লিশ বছর বিবাহিত জীবন যাপন
করলুম। কখনো ত' তা বন্ধন ব'লে মনে করলুম না।

ননদ। ভারতবর্ষ সাতশ' বছর শৃঙ্খলাবদ্ধ রয়েছে, কিন্তু আজও
তার জন্তে এদেশের লোকের বেদনা বোধ নেই। কেন
বলতে পারেন ?

[দরজার দিকে কল-কঠ শোনা গেল।

একটি তরঙ্গী গাড়ী হইতে নামিয়া

বিজলীকে আলিঙ্গন করিল

রেবা। বিজু, তোদের জীবনের এই দিনটি অন্ততঃ একশবার ঘুরে
ঘুরে আসুক।

বিজলী। এখনও তেমনিই রয়েছিস্ রেবা ?

রেবা। বদলাবার সুযোগ পাইনি ব'লে। অধ্যাপক মহাশয়ের
গবেষণা কি নিয়ে চ'লছে ?

বিজলী। সে খবর আমি রাখিনি, তুই জিজ্ঞাসা করে দেখ্‌না।

রেবা। মেজদি, কতদিন পরে তোমাদের দেখলুম।

যামিনী। এ দিকে আসবে না ত' !

[তাহারা আসিয়া বসিল

বুদ্ধ। তোমার প্রশ্নের জবাব দিতে পারলুম না মা !

ননদ। জবাব কিছুই নেই।

বিজলী। তোমাদের কি আলোচনা হচ্ছে মাসিমা,—আমার বন্ধু রেবা।

মাসিমা। বেশ নামটি ত।

যামিনী। মানুষটি আরও ভাল।

রেবা। মাসিমা, মেজদির সার্টিফিকেটের কিন্তু কোন দাম নেই।

বিজলী। তোমাদের কি আলোচনা হচ্ছে মাসিমা?

মাসিমা। তেমন কিছুই নয়।

ননদ। নয় কেন ব'লছ বৌদি! বিবাহ বন্ধন কিনা তাই নিয়ে আলোচনা হ'চ্ছিল। ওই আলোচনা করতেই তো আজ আমি এখানে এসেছি।

রেবা। তা হলে স্থান এবং কাল নির্বাচনে হয়ত' একটু ভুলই করেছেন। কেন না আজ আমরা নিমজ্জণ পেয়েছি বিবাহের উৎসবকে সফল করে তোলাবার জগুই, বিবাহ-বিরোধী তত্ত্বকে বড় ক'রে উৎসব পণ্ড করবার জগু নয়।

ননদ। তাহলে আপনি বলতে চান, এ নিমজ্জণে যোগ দেবার যোগ্য আমি নই।

যামিনী। না, না, ওর কথা আপনি শুনবেন না। ছ'মাসও হয়নি ওর বিয়ে হয়েছে।

ননদ। আমি এটা বেশ দেখছি'য়ে. বেশী বয়সে যারা বিয়ে করে, বন্ধনকে তারাই পরম কাম্য বলে মনে করে।

ঝড়ের রাতে

বৃদ্ধ। কিন্তু মা সব বন্ধনই কি মানুষকে বেদনা দেয়? স্নেহের
বন্ধন, প্রেমের বন্ধন?

[আর একখানি গাড়ী আসিয়া থামিল
একটি সাহেবী পোষাক পরা বৃদ্ধ ভ্রাতৃলোক
নামিলেন এবং একটি তরুণীকে নামাইলেন
বৃদ্ধটির প্রকাণ্ড ভুঁড়ি, খুব মোটা ষড়ির
চেন। তরুণীটি হৃন্দরী, সারা গায়ে তার
অলঙ্কার, বিজলী দরজার কাছে চলিয়া
গেল

মাসিমা। ওঁরা কারা যামিনী?

রেবা। মাসিমা আমি ওদের চিনি। ওই ময়ূর-পুচ্ছ দাঁড়কাকটী
হ'ছেন রায় বাহাদুর রাম কুমার স্বর্ণ-গোধিকা।

যামিনী। ছুটু মেয়ে। রায় বাহাদুর রামকুমার দত্ত একজন বড়
কন্ট্রাক্টর, মাসিমা।

রেবা। ওঁর পেশা তাই বটে। কিন্তু ওর অর্থাগম হয় পরস্বাপহরণ
দ্বারা।

ননদ। সঙ্গে ওটী কে? মেয়ে?

যামিনী। না, না, ওটি ওঁর স্ত্রী।

মাসিমা। স্ত্রী!

ননদ। এই দেখুন, আপনাদের সুপরিচিত বিবাহের
রূপ।

ঝড়ের রাতে

রেবা। দৃষ্টান্তটি ঠিক হ'লোনা। মেয়েটাকে আমরা ভাল ক'রেই জানি। ইস্কুলে আমাদের সাথেই পড়তো ও। টাকার প্রাচুর্য আছে জেনেই টেকো মাথার কদর্যতা ও উপেক্ষা করেছে, স্বর্ণ-গোধিকাকে ও বিয়ে ক'রেছে স্বৈচ্ছায় এবং সাগ্রহে।

বামিনী। চুপ রেবা। ওঁরা এই দিকেই আসছেন।

[রামকুমার সকলকে অভিবাদন করিয়া বসিলেন। তাহাঃস্ট্রী অলঙ্কার দেখাইয়া সকলকে তাক লাগাইবার চেষ্টা করিলেন। বিজলী তাহাকে লইয়া বসিল]

রেবা। অধ্যাপক মহাশয় বুঝি ওইখানেই দাঁড়িয়ে থাকবেন ?

বিজলী। আর কারুর ত' আসতে বাকি নেই, মেজদি।

[বামিনী উঠিয়া গেল এবং প্রশান্তকে গিয়া কি যেন বলিল। প্রশান্ত আসিয়া সকলের কাছে দাঁড়াইল। বামিনী অল্প দূরে চলিয়া গেল]

প্রশান্ত। আপনারা আজ অল্পগ্রহ ক'রে...এ...এ...

রেবা। এখানে থাকবেন না, যেহেতু মিলনের ব্যাঘাত ঘটছে।
না, অধ্যাপক মশাই ?

প্রশান্ত। না, না, এ আপনি কি বলছেন ! আপনারা দয়া করে এসেছেন বলে, বিজু আর আমি—

ঝড়ের রাতে

রেবা। অত্যন্ত ক্ষুব্ধ হ'য়েছি।

[বিজলী রেবার মুখ চাপিয়া ধরিল

প্রশান্ত। না—না—

ননদ। মেয়েটা বড় বাড়াবাড়ি ক'রছে।

বৃদ্ধ। তোমাদের মনের কথা আমরা বুঝতে পেরেছি, প্রশান্ত।
আমরা সকলেই তোমাদের জীবনের এই দিনটিকে পবিত্র
জেনে আনন্দ ক'রতে এসেছি; এবং সকলে সর্বাস্তঃকরণে
আশীর্বাদ ক'রছি তোমরা সুখী হও।

রায়বাহাদুর। হিয়ার! হিয়ার!

[সকলে তাহার দিকে চাহিল। রেবা।

উঠিয়া দাঁড়াইল

রেবা। পুরুষের পক্ষ থেকে প্রবীণরা যা বল্লেন...

[বিজলী তাহার মুখ চাপিয়া ধরিল

বিজলী। না, তোকে কিছু বলতে হবে না।

রেবা। তুই খাম না বিজু। পুরুষের পক্ষ থেকে প্রবীণরা যা
বল্লেন, নারীর পক্ষ থেকে তা সমর্থন না পেলে উৎসবের
অর্থহানি হবে বলেই আমার বিশ্বাস। যদিচ আমাদের
মাকে এমন নারীও আছেন, যিনি মনে করেন, জীবন-যাত্রায়
পুরুষের সাহচর্য শুধু অনাবশ্যকই নয়, নারীর পক্ষে তা
অহিতজনক।

ঝড়ের রাতে

ননদ। এমন কথা আমি কখনো বলিনি। আমি বলেছি বিবাহ...

রেবা। আমাদের মাঝে এমন নারীও আছেন, যিনি মনে করেন
বিবাহ বন্ধন।

ননদ। একশো বার!

রেবা। তবুও আমরা প্রার্থনা করি এই বন্ধন আমাদের দৃঢ়তর
হোক, স্বামী-স্ত্রী পরস্পর পরস্পরকে আশ্রয় করে একান্ত
চুলভ যে জীবনের আনন্দ, তাই পেয়ে ধন্য হোক—যেমন
হয়েছেন শ্রীযুক্ত প্রশান্ত আর শ্রীমতী বিজলী।

[বামিনী আসিল তাহার পিছনে পিছনে
ছ'জন ভৃত্য ট্রেতে করিয়া সরবতের
গ্লাস আনিল। বামিনী একটা তুলিয়া
লইল

বিজলী। মেজদি, রেবাকে আগে দাও। ওর একটু ঠাণ্ডা হওয়া
দরকার।

[বামিনী সকলকে ঘোলের সরবৎ দিতে
লাগিল। এমন সময় একটি পুলিশ
কর্মচারী প্রবেশ করিল। গৃহশুদ্ধ
লোক তাহাকে দেখিয়া জন্তু হইয়া
উঠিল। প্রশান্ত উঠিয়া গিয়া তাহা-
র নিকট দাঁড়াইল।

ঝড়ের রাতে

পুঃ কর্ণচারী । আপনাদের আনন্দে ব্যাধাত ঘটানুম ব'লে মার্জনা
ক'রবেন । আমি এসেছি আপনাদের একটু সতর্ক
ক'রে দিতে । একটা খুনে ডাকাত পালিয়ে এই
দিকেই এসেছে । দোর-টোরগুলো বন্ধ রাখবেন ।
আর একটু সাবধানে থাকবেন ।

প্রশান্ত । বেশ, দোর আমি বন্ধই রাখব ।

পুঃ কর্ণচারী । নমস্কার !

[প্রশান্ত প্রতি-নমস্কার করিল । কর্ণচারী
বাহির হইয়া গেল ও প্রশান্ত দরজা
বন্ধ করিয়া দিল

বৃদ্ধ । দিন দিন কি যে হ'তে চললো !

রান্ন-বাহাদুর গৃহিণী । খুনে ডাকাতটা নিশ্চয় আমারই পিছু নিয়েছে।
হয়ত' এখনই এসে প'ড়বে...

[সকলে হাসিয়া উঠিল

আপনারা হাসছেন, আপনাদের ত' ভয়ের কোন
কারণ নেই । আমার যে লাখো টাকার গয়না
গায়ে । কী হবে ? আমি কোথায় লুকোবো ?

[সকলে মুখ টিপিয়া হাসিতে লাগিল

ঝড়ের রাতে

বিজলী। কোন ভয় নেই, ভাই। ডাকাতের সাধ্য কি যে এ
বাড়ীতে এসে ডাকাতি করে ?

রায় বাহাদুর গৃহিণী। গয়নাগুলো ভাই তোমার সিন্দুকেই রেখে
দাও।

রেবা। কিন্তু ডাকাতরা সিন্দুক ভাঙতেও জানে !

রায় বাহাদুর গৃহিণী। তা হ'লে সিন্দুকই শুধু ভাঙবে, গয়নার
লোভে আমাকে ত' টুকরো টুকরো ক'রে
কেটে ফেলবে না !

রায় বাহাদুর। আমি ত' তখুনি বলেছিলুম কাজ নেই নিমন্ত্রণে
গিয়ে।

রায় বাহাদুর গৃহিণী। দেখত' ভাই, বিজু। কোথাও যদি নাই যাব,
কাউকে দেখিয়ে যদি আনন্দই না পাব', তাহ'লে গয়না
গড়িয়ে লাভ কি ?

বিজলী। তোমার কোন ভয় নেই। আমাদের বাড়ীতে বন্দুক
আছে।

রেবা। হিষ্টিরিয়া বন্দুকের ভয়ে পালায় না বিজু ; সুতরাং বন্দুক
কামানের কথা না তুলে তুই একটা গান ধর। আপাততঃ
তাতেই স্তফল পাওয়া যাবে।

ননদ। মেয়েটি কিন্তু মন্দ নয় বৌদি।

মাসিমা। বিজু তাই কর মা। একটা গানই গা।

ঝড়ের রাতে

বৃদ্ধ। হাঁ, মা। অনেকদিন তোমার গান শুনিনি।

বিজলী। আপনি যে এশ্রাজটা দিয়েছিলেন, সেটা এখনো আছে।

লেখা। অধ্যাপক মহাশয় আদেশ দিন।

প্রশান্ত। মেজ্‌দি এঁরা সকলেই যখন ব'লছেন.....

যামিনী। যা বিজু, তোর নিজের রচা গানটা গেয়েই শোনা।

রেবা। তুই গান বাঁধতেও শুরু করেছিস, বিজু। তাহ'লে বল
যে বন্ধনেও তুই আনন্দ পাস!

বিজলীর গান

—*—

বৃকের বীণায় মীড় টেনে যাই অশ্রুত কোন্ অশ্রুতানে।

অন্ধ-নাঁজের সঙ্ক্যামণি, আমার গানের ছন্দ জানে

ফুটে যখন হেনার কলি

জাগছে অলি ভোরবেলায়

শিউলি বারায় আউলি হ'য়ে

আমার গীতি সুর-খেলায়

ঝড়ের রাতে

চাতক-পাখীর প্রাণের পিয়াল আমার বীণায় বাণী আনে ।

মেঘের মাদল শুন্লে বাদল

বাজায় ধারার একতারা

কোন্ চকোরের কাজল হিয়া—

করে আমায় মনহারা

প্রভাত-প্রভা চন্দ্রাবলীর মরণ-বেহাগ জাগায় বাণে ॥

[বিজলী অর্গানে বসিয়া গান শুরু
করিল । প্রশান্ত তাহার পাশে
দাঁড়াইল । গান শেষ হইয়া গেলে
সকলে হাততালি দিল

রায় বাহাদুর । আর একথানা ।

মাসিমা । হাঁ বিজু, আর একথানা শোনাও ।

বিজলী । রেবা গাইবিনা ?

রেবা । না ভাই, আজ আমরা তোমারই গান শুনব । গানের সুরে
সুরে তুমি যে সুরধুনির স্রোত বইয়ে দিচ্ছ, তাতেই
অবগাহন করে ধরা হবে ।

বিজলী । তাহ'লে এখন নাচই চলুক ।

রেবা । খাড়ী মেয়ে তুই নাচবি নাকি রে !

ঝড়ের রাতে

বিজলী। ওরে না—না,—নাচবার লোকও আছে। ছাখুনা।

[বিজলী হুগানে আঘাত করিল, গর্দী

উঠিয়া গেল। একটি তরুণী যেন

কাহারো ভয়ে ছুটিয়া আসিল।

তাহার গতিতে ছন্দ আছে।

একটি তরুণ তাহাকে অনুসরণ করিয়া

তাহাকে ধরিবার চেষ্টা করিল। কিন্তু

সে কি সহজে ধরা দেয়? অবশেষে

ধরা দিল। বাহুর মালা গলায় পরাইয়া

সে শিয়াকে লইয়া গেল। নৃত্য শেষ

হইল।

যামিনী। আপনাদের দয়া ক'রে একটি বার ডাইনিং হলে যেতে
হ'চ্ছে।

রেবা। মেজদি, ওদিক থেকে এমন একটা সুগন্ধ ভেসে এসে
আমাদের আকর্ষণ করছে যে, আমরা হয়ত' তোমার
আমন্ত্রণেরও অপেক্ষা রাখতুম না।

নন্দ। মেয়েটি মুখরা হলেও মন্দ নয়।

প্রশান্ত। চলুন আপনারা।

[সকলেই উঠিলেন। যামিনী আগেই

চলিয়া গেল। সকলে কথা বলিতে

বলিতে ডাইনিং হলের দিকে চলিয়া

গেলেন।

ঝড়ের রাতে

* * * ক্ষীরি আসিয়া টিপয় হইতে
পরিত্যক্ত গ্লাসগুলো তুলিয়া একটা
চাকরের হাতে টেঁতে দিতে লাগিল।
ভৈরব প্রবেশ করিল

ভৈরব। এ চাকরী গেলে তোর আর ভাত জুটবে না, ক্ষীরি।

ক্ষীরি। কেন ?

ভৈরব। একেবারে বিবি হ'য়ে গেছি! নিজে নিয়ে যেতে
পারলিনে গ্লাসগুলো।

ক্ষীরি। এঁটো সাফ করবার জ্ঞান তো আমায় রাখা হয়নি।

ভৈরব। চার বেলা গণ্ডে-পিণ্ডে গেলবার জন্তেই রাখা হ'য়েছে।

ক্ষীরি। ভালো হবে না, ভৈরবদা। মিছি মিছি আমার পেছনে
লাগছ।

[যামিনী প্রবেশ করিল

যামিনী। অমন করে টেঁচাচ্ছিস কেন ক্ষীরি ! ভৈরব ?

ভৈরব। কি মাসিমা !

যামিনী। তুমি ওদিকটা একবার :দেখ গিয়ে ত', আমি এখুনি
আসছি।

[ল্যাবরেটরীতে ঢুকিল। ভৈরব চলিয়া
গেল।

ঝড়ের রাতে

[সদর দরজায় করাঘাত শোনা গেল।
যামিনী ক'খানা টাণ্ডয়েল লইয়া প্রবেশ
করিল। সে চলিয়া যাইতেছিল কিন্তু
ঘারে করাঘাত শুনিয়া ফিরিয়া
দাঁড়াইল। আবার করাঘাত শুনিয়া
আগাইয়া গিয়া দুয়ার খুলিয়া দিল,
হুটকেশ হাতে একটা লোক প্রবেশ
করিল। তাহাকে দেখিয়াই যামিনী
পিছাইয়া গেল

যামিনী। কে!

প্রভঞ্জন। চুপ্! আমি অঞ্জন।

[প্রভঞ্জন ফিরিয়া দোর বন্ধ করিল

যামিনী। অঞ্জন! তুমি কেন এলে? এ তোমার কি বেশ!

প্রভঞ্জন। সবই জানতে পারবে মেজদি। তুমি একটা কিছু কর
যাতে এ বেশে আমায় কেউ না দেখতে পায়।

যামিনী। কিন্তু তুমি কেন এলে—কেন, এলে অঞ্জন?

প্রভঞ্জন। আজই আমি প্রশান্তুর নিমন্ত্রণ পত্র পেলাম!

যামিনী। সে কাউকে নিমন্ত্রণ ক'রলো না, ক'রলো কেবল
তোমাকেই!

প্রভঞ্জন। আমরা যে একসাথে অনেকদিন প'ড়েছি।

ঝড়ের রাতে

যামিনী । আমরা তো তা জানতুম না ।

প্রভঞ্জন । কিন্তু কথাটা সত্যি ।

যামিনী । তাহলে তোমারই জ্ঞান অমুনি ব্যাকুল আগ্রহে সে পথের দিকে চেয়েছিল ।

প্রভঞ্জন । সে আমায় খুবই ভালবাসে মেজদি ।

যামিনী । সে জানে না । কিন্তু তুমি ত' জান । সব জেনেও তুমি কেন এলে ?

প্রভঞ্জন । না এসে থাকতে পারলুম না ।

যামিনী । আমার একটি অহুরোধ রাখ অঞ্জন । যেমন নিঃশব্দে তুমি এসেছ, তেমনি নিঃশব্দেই তুমি চলে যাও ।

প্রভঞ্জন । এত নিষ্ঠুর তুমি, তা জান্তুম না । কিন্তু তবুও আমি তোমার অহুরোধ রক্ষা করতুম মেজদি, যদি তা সম্ভবপর হ'তো ।

যামিনী । তুমি এস । আমি দোর বন্ধ করে চলে যাই । কেউ জানবে না তুমি এসেছিলে ।

প্রভঞ্জন । কিন্তু একটিবার,—একটিবার তাকে দেখে যেতে চাই মেজদি ।

[ডাইনিং-ঘর ছইতে হাসির শব্দ ভাসিয়া আসিল]

যামিনী । চুপ ! হয়ত ওরা আমাদের কথা শুনতে পাচ্ছে ।

ঝড়ের রাতে

প্রভঞ্জন । মেজদি, একদিন ত' তুমি আমার স্নেহ ক'রতে ।

যামিনী । সে স্নেহ আজও তেম্নিই র'য়েছে অঞ্জন ।

প্রভঞ্জন । তাহ'লে, মেজদি.....

যামিনী । বল তাহ'লে...। বল, দেবী ক'রো না । ওরা এখুনি এসে প'ড়বে ।

প্রভঞ্জন । তাহ'লে আমার ঠেলে ফেলতে চাও কেন ?

যামিনী । তোমাকে বাঁচাবার জন্য, বিজুকেও ।

রেবা । আমরা আর একখানা গান না শুনে যাব না ।

[নেপথ্যে

বৃদ্ধ । প্রশান্ত, তোমরা দীর্ঘজীবী হও ।

যামিনী । কি হবে । ওরা এসে প'ড়ল যে ।

[প্রভঞ্জন হটকেশ লইয়া পর্দার পিছনে
লুকাইল

রেবা । মেজদি ! তুমি একা এখানে দাঁড়িয়ে দাঁড়িয়ে কি করছ ?

যামিনী । ঘরটাকে একটু গুছিয়ে রাখ'ছিলুম । তোমাদের বসবার
যোগ্য করে রাখতে হবে তো ।

[সকলে প্রবেশ করিল এবং আসনে
বসিল

বিজলী । মেজদি ! কী হ'য়েছে, মেজদি ?

রেবা । আমরা আর একখানা গান শুনতে চাই ।

ঝড়ের রাতে

তরুণ, তরুণীরা। আর একখানা গান।

যামিনী। যাও বিজু, আর একখানা গান ওদের শোনাও।

বিজলী। যাচ্ছি! কিন্তু তুমি এখানে পাথরের মূর্তির মতোই
দাঁড়িয়ে রইলে কেন?

[যামিনী চাহিয়া দেখিল, পর্দার কাঁক

দিয়া প্রভঞ্জনের জুতা দেখা যাইতেছে।

সে শিহরিয়া উঠিল

বিজলী। মেজদি, তোমার কী যেন হয়েছে।

রেবা। দুইবোনে এখানে দাঁড়িয়ে কি ষড়যন্ত্র হ'চ্ছে?

তরুণ-তরুণীরা। আমরা আর একখানা গান না শুনে যাবই না।

রেবা। বিজু, অতিথি দেবতা, আর অসম্মতির অর্থই হচ্ছে
অপমান।

[বিজলী ধীরে ধীরে অগ্রসর হইল

প্রণব। একেই বলে জনমতের জয়, বৌদি!

সন্ধ্যা। এবং আমরা হচ্ছি জাগ্রত জনগণ।

সমর। ভুল হ'ল সন্ধ্যা।

সন্ধ্যা। তা হোক।

রেবা। চল, মেজদি!

ঝড়ের রাতে

যামিনী। চল।

[যামিনী হাতের তোয়ালেগুলি এমন
ভাবে ফেলিয়া দিল, যাহাতে প্রভঞ্নের
পা ঢাকা পড়ে

রেবা। তোমার কি হ'ল মেজ্জদি ! তোয়ালেগুলো ফেলে দিলে ?

[নীচু হইয়া সেগুলি তুলিতে গেল।
যামিনী বাধা দিল

যামিনী। থাক্ থাক্ চাকররা এসে নিয়ে যাবে'খন।

[যামিনী তাহার হাত ধরিয়া অগ্রসর হইল
অল্পবয়স্করা তখন বিজলীকে ঘিরিয়া
দাঁড়াইয়াছে। বয়স্করা বসিয়া গল্প
করিতেছে। পর্দার পিছন দিয়া ধীরে
ধীরে প্রভঞ্জন সিঁড়ির দিকে গিয়া
মুখ বাড়াইয়া দেখিল, কাহারো দৃষ্টি
তাহার দিকে নাই। দৌড়াইয়া গিয়া
সে সিঁড়ির পাশের একটি ঘরের দুয়ারে
আঘাত করিল। সেটি বন্ধ। তাহার
পরের দরজাটি খোলা ছিল। সেই ঘরে
প্রবেশ করিয়া প্রভঞ্জন দোর বন্ধ করিয়া
দিল। তরুণ, তরুণীরা সকলে ধরিয়া
বিজলীকে অর্গানের সামনে বসাইয়া
দিল। বিজলী গান হরু করিল।

বিজলীর গান

গানের গোলাপ ঝরল ভোর ;
বইল কখন মরু-মারুত, রইল হাতে শূন্য ডোর
দিশাহারা নিশার চুমায়,
নীলিমা আজ কোথায় ঘুমায়,
পদ্মকাঁটায় অন্ধ ভোমর,—ছন্দ ভোলে গন্ধচোর !
গহীন অঁধার সায়র-কূলে
দেখ'চি কাতর নয়ন তুলে
উষা কখন পরবে সিঁদুর, হবে গহন রাত্রি ভোর ।

[গান শেষ হইতেই বাহিরের দরজায়
আঘাত হইল । সকলে উৎসুক হইয়া
উঠিল । প্রশান্ত গিয়া দুয়ার খুলিয়া
দিল । হলের সকলে দেখিল একটি
পুলিশ অফিসারের টুপি । প্রশান্ত
আবার দুয়ার বন্ধ করিয়া কিরিয়া
আসিল ।

প্রশান্ত । পুলিশ-কর্মচারীটি ব'লে গেলেন যে, খুনে ডাকাতটা হয়ত'
এই পাড়ায়ই কোন বাড়ীতে আশ্রয় নিয়েছে । তাকে

ঝড়ের রাতে

যাতে আমরা চিনতে পারি, তার নিশানাও তিনি দিয়ে
গেলেন। লোকটার গায়ে কালো টুকোট, আর মাথায়
একটা ফেল্ট হ্যাট।

যামিনী। গায়ে কি বললে।

প্রশান্ত। কালো কোট।

যামিনী। আর মাথায় একটা ফেল্ট হ্যাট ?

প্রশান্ত। পুলিশ কর্মচারীটি তাই ত' বলে গেলেন।

যামিনী ! কি সর্বনাশ !

[যামিনী নিজের মুখ নিজেই চাপিয়া
ধরিল

রেবা। কি হ'লো মেজদি !

বিজলী। (যামিনীর কাছে গিয়া) কি হয়েছে, মেজদি ?

যামিনী। কিছু নয় বিজু ! খুনে-ডাকাতের কথা ভাবতেই কেন
যেন আতঙ্ক হ'লো।

রেবা। তোমারও তাহ'লে ভয় আছে মেজদি !

রায়-বাহাদুর গৃহিণী। খুনে ডাকাতকে মানুষ ভয় পাবে না ?

রেবা। কিন্তু তোমার মতো মেজদির গায়ে তো লাখ-টাকার গয়না
নেই।

ননদ। মেয়েটি কিন্তু বেশ স্পষ্টবাদী।

ঝড়ের রাতে

মাসিমা। যামিনী, তুই আমার কাছে এসে বোস্ মা।

[যামিনী তাহাই করিল

একি রে ! তোরা হাত দু'খানা এমন হিম হয়ে গেল
কেন ?

[অনেকে যামিনীর কাছে ছুটিয়া আসিল

ঘামও হ'চ্ছে যে ! পোড়ারমুখী সারাদিন হয়তো কিছুই
মুখে দেয়নি।

যামিনী। না মাসিমা, খাওয়া আমার ঠিক সময়েই হয়েছে।

প্রশান্ত। সেই heart trouble মেজদি ?

যামিনী। সেরে' গেছে ভাই।

[উঠিয়া দাঁড়াইল

রেবা। মেজদি, তুমি আমাদের ভাবিয়ে তুলেছিলে।

যামিনী। বিজু, তুই এদিকে একটু নজর রাখিস্।

রেবা। চল মেজদি, আমরা একটু খোলা জায়গায় গিয়ে বসি।

[রেবা যামিনীকে লইয়া উপরে চলিয়া
গেল

সন্ধ্যা। বৌদি, শোন।

বিজলী। কি সন্ধ্যা ?

সন্ধ্যা। তোমার সেই রূপকথা বুঝি সত্যি হ'তে চল।

ঝড়ের রাতে

প্রণব । হাঁ বৌদি ।.....আকাশে মেঘ জমে উঠেছে, হয়ত' জল

আসবে, হয়ত ঝড়ও হবে । আর.....

সন্ধ্যা । আর সেই ঝড়-জলের মাঝে হয়ত' সে এসে তোমার
কাছেই আশ্রয় চাইবে ।

বিজলী । আমার কাছে ! আমার কাছে কেন ?

প্রণব । সন্ধ্যা, চল না । আমরা একটু বেড়িয়ে আসি । বাইরে
চমৎকার হাওয়া দিচ্ছে ।

[সন্ধ্যা, সমর, প্রণব ও উষা বাহিরে
গেল

বৃদ্ধ ভদ্রলোক । আমরা তাহ'লে এখন উঠি, প্রশান্ত । রাত অনেক
হয়ে গেল ।

প্রশান্ত । এখুনি যাবেন ?

বৃদ্ধ ভদ্রলোক । বেশ আনন্দে কাটালুম আজকের সন্ধ্যাটা ।

রায় বাহাদুর গৃহিণী । আমাদেরও আর দেয়া করা উচিত নয়,
বিজু । শুনেছি এদিকে না-কি গুণ্ডার
উপদ্রব বেশী, আর সেই খুনে ডাকাতটাও
রয়েছে, দেখছি ত' গায়ে লাখ টাকার
গয়না ।

বিজলী । মাসিমা, তোমরাও কি এখুনি যাবে ?

ঝড়ের রাতে

নাসিমা। আর কত রাত ক'রব ? যামিনীকে ! একটিবার দেখে আসি ।

[দোতালার সিঁড়ির দিকে অগ্রসর
হইলেন। রেবা হাঁপাইতে হাঁপাইতে
সিঁড়ি দিয়া নাসিমায় আসিতে লাগিল।

রেবা। কি হয়েছে, জানেন ?

বিজলী। কিরে রেবা ! কি হয়েছে ?

রেবা। এই পাশের বাগানে পুলিশ টর্চ নিয়ে ঘোরাফেরা
করছে।

রায় বাহাদুর গৃহিণী। ওগো চল না, এ বাড়ী থেকে এখনি বেরিয়ে
পড়।

[সমর দরজা দিয়া সন্ধ্যা, প্রণব, সমর ও
উষা প্রবেশ করিল

সন্ধ্যা। বৌদি, সমস্ত পাড়াটা যেন সামরিক শিবির হয়ে গেছে।

বিজলী। তার মানে ?

প্রণব। প্রত্যেক রাস্তার মোড়ে, প্রত্যেক ল্যাম্প-পোস্টের নীচে
সশস্ত্র পুলিশ দাঁড়িয়ে রয়েছে।

রায় বাহাদুর। আজ একটা বিপদে প'ড়তেই হবে।

প্রশান্ত। আপনারা উতলা হবেন না, বহ্নন।

ঝড়ের রাতে

সন্ধ্যা। বোদি, তুমি খিল চেয়েছিলে না?

বিজলী। চেয়েছিলুম সন্ধ্যা, কিন্তু এখন আমার ভয় হচ্ছে।

অমঙ্গলের আশঙ্কায় বুকটা আমার কেঁপে উঠছে!

বুদ্ধ ভদ্রলোক। কিছু ভয় নেই মা। আমরা একটু বসেই যাচ্ছি।

রায় বাহাদুর। বাড়ীর ভেতর দু'তিনটে সশস্ত্র পুলিশ এনে রাখলে

হয়। আমার অহুরোধে অফিসার সে ব্যবস্থা

অবশ্যই করবেন।

রায় বাহাদুর গৃহিনী। ওগো, তাই কর, তুমি তাই কর।

রায় বাহাদুর। হাঁ, তাই আমি করি।

বিজলী। না—না, তা ক'রবেন না। তাদের ভিতরে ডেকে

আনবেন না।

রায় বাহাদুর। কেন?

রেবা। তার কোন প্রয়োজন নেই, আপনারা বহ্নন।

বুদ্ধ ভদ্রলোক। এরকম গোল ক'রে কোন লাভ নেই, আর একটু

বসে গল্প-সল্প করা যাক।

[প্রশান্ত ও রেবা সকলকে বসাইল।

একটা চাকর ছুটিয়া আসিল।

চাকর। বাবু! বাবু!

প্রশান্ত। কিরে! কি হয়েছে?

বড়ের রাতে

চাকর। কে ওই ঘরে ঢুকেছে। ভিতর থেকে দোর বন্ধ।
কে? কে-গা? দরজা খোল না।

[দরজায় পুনঃ পুনঃ আঘাত করিতে
লাগিল

প্রশান্ত। ঘরে কে দোর খোল, নইলে বিপদে প'ড়বে।
রায় বাহাদুর গৃহিনী। এ নিশ্চয়ই সেই খুঁনে ডাকাত। মেয়ে
ফেলবে, সবাইকে আজ মেয়ে ফেলবে।
রায় বাহাদুর। আমি পুলিশকে খবর দিই।

[দরজার দিকে অগ্রসর হইলেন। বিজলী
তাঁহাকে বাধা দিল

বিজলী। না—না—পুলিশ ডাকবেন না, ডাকবেন না।
রায় বাহাদুর। এ তোমার কি ছেলেমানুষী বিজু! সকলের জীবন
যখন বিপন্ন, তখন পুলিশ ডাকতেই হবে।

বিজলী। ডাকতেই হবে?
রায় বাহাদুর। হ্যাঁ, ডাকতেই হবে।

বিজলী। সন্ধ্যা।

সন্ধ্যা। কি বৌদি?

বিজলী। পুলিশ ডাকতেই হবে?

সন্ধ্যা। না—বৌদি।

বিজলী। তাহলে সমর আর প্রণবকে বল, ওই দোরের কাছে

ঝড়ের রাতে

গিয়ে দাঁড়াতে । তাদের বল কোন লোক যেন এ
ঘর থেকে বাইরে যেতে না পারে ।

সন্ধ্যা । যাও প্রণব, যাও সমর ।

[তাহারা গিন্না দরজার কাছে দাঁড়াইল

বিজলী । রায় বাহাদুর ! আপানি আসন গ্রহণ করুন । অকারণে
উত্তেজিত হবেন না ।

রায় বাহাদুর । নিমন্ত্রণ করে এনে এভাবে অপমান !

বিজলী । অপমান ক'রব কেন, রায় বাহাদুর । আপনারা আজ
আমাদের অতিথি । আমাদের কাজ আপনাদের সেবা
করা । আমরা তাতে অক্ষম নই ।

রায় বাহাদুর । কিন্তু খুনে ডাকাতকে পুলিশে ধরিয়ে দেওয়া
আমার কর্তব্য ।

[সিঁড়ির উপর দাঁড়াইয়া

যামিনী । খুনেই হোক কি ডাকাতই হোক, আমাদের বাড়ী এসে
যদি সে আশ্রয় নিয়ে থাকে, তার সম্বন্ধে বা উপযুক্ত ব্যবস্থা,
তা আমরাই করব । আপনারা আমাদের অতিথি,
আপনাদের কষ্ট ক'রতে হবে না ।

রায় বাহাদুর । কিন্তু আমাদের জীবন যে বিপন্ন !

ঝড়ের রাতে

প্রশান্ত । আমরা বতস্কণ জীবিত আছি, ততস্কণ নয় । ওরে
আমার বন্ধুকটা নিয়ে আয় ।

[চাকরটা দৌড়াইয়া সিঁড়ি বহিয়া
উঠিল । যামিনী বাধা দিল

যামিনী । কোথা যাস ?

চাকর । বাবুর বন্ধুক !

যামিনী । যা নীচে যা ।

[চাকরটা নীচে আসিয়া দাঁড়াইল । যামিনী
নীচে নামিয়া রুদ্ধ দ্বারের কাছে গিয়া
দাঁড়াইল ।

ভিতরে যে আছ বেরিয়ে এস ।

[প্রশান্ত যামিনীকে ধরিয়া সরাইয়া লইয়া
গেল

প্রশান্ত । তোমরা কেন মেজদি, আমরাই ত আছি ।

বিজলী । মেজদি, কি হ'ল বল ত ?

[চাকরটা এইবার বন্ধুক লইয়া আসিল

যামিনী । কি হয়েছে তা আমি জানি, বিজু । কে ওখানে তাও
জানি ।

বিজলী । জান ?

যামিনী । জানি ; কিন্তু বলতে পারবো না ।

ঝড়ের রাতে

বিজলী। আমাকেও না ?

যামিনী। না, তোকেও না।

[প্রশান্ত চাকরের হাত থেকে বন্দুকটা
লইয়া ছুরারের দিকে তাক করিয়া
থরিল। চাকর দরজায় ঝা ঝুড়িতে
লাগিল

চাকর। এই! খোল না।

[প্রভঞ্জন সহসা দরজাটি খুলিয়া
হলের মাঝখানে গিয়া দাঁড়াইল

প্রশান্ত। প্রভঞ্জন!

প্রভঞ্জন। ফায়ার!

[প্রশান্ত চাকরের হাতে বন্দুকটা দিল

বিজলী। কে! মেজদি, *ও কেন এল ?

যামিনী। চুপ, চুপ বিজু। আমাদের সাথে ওর যেন পরিচয়ই
নেই—এই ভাব দেখাতে হবে।

বিজলী। কিন্তু ও কেন এল ? কেন এল, মেজদি ?

[যামিনী তাহাকে লইয়া সরিয়া গেল

প্রভঞ্জন। প্রশান্ত, অপূর্ব তোমার আতিথেয়তা। মানুষকে নেমস্তন্ন
ক'রে সদর দরজা তুমি বন্ধ ক'রে রাখ। আমি এলুম,
টেঁচিয়ে ডাকলুম; কিন্তু সাড়াশব্দ কিছুই পেলুম না।

বাড়ের রাতে

ফিরেই যাচ্ছিলুম ! শেষটায় জানালাটি খোলা পেয়ে ওই ঘরটিতেই ঢুকে প'ড়লুম । ভাবলুম, এখানে আমার উপস্থিতি হয়ত' আপত্তি-জনক বলেই মনে হবে ।

প্রশান্ত । কিন্তু তোমার জ্ঞাত যে আমি অনেকক্ষণ ধরে অপেক্ষা কর-
ছিলুম, ভাই । আর কি জ্ঞান, আমাদের একটু সতর্ক
হওয়াও দরকার । কেননা একটা খুনে-ডাকাত নাকি
পালিয়ে এসে এই অঞ্চলেই আশ্রয় নিয়েছে ।

প্রভঞ্জন । ও ! বন্দুকের আমদানি বুঝি সেই জগুই হয়েছিল ?
হাঁ, বীর বটে !

প্রশান্ত । এস, এস, এঁদের সঙ্গে তোমার পরিচয় করিয়ে দিই ।
ডাক্তার প্রভঞ্জন চক্রবর্তী । জার্মেনী থেকে ডাক্তারী
উচ্চ ডিগ্রি নিয়ে এসেছেন । আমার বাল্য-বন্ধু ।

[প্রভঞ্জন সকলকে অভিবাদন করিল

বিজু, একটাবার এদিকে এস ।

[বিজলী কাছে আসিল

অনেক স্মৃতির ফলে জীবনের পথে সঙ্গিনী রূপে এই
দেবীকে আমি পেয়েছি, প্রভঞ্জন ।

প্রভঞ্জন । তুমি ভাগ্যবান !

প্রশান্ত । বিজু, দেখত' ওকে কিছু খেতে দিতে পার কি না ?

[বিজলী চলিয়া গেল

ঝড়ের রাতে

প্রভঞ্জন। খাত্তের ঃ চেয়ে পানীয়ে-ই প্রয়োজন আমার বেশী।

ভয় পেয়োনা প্রশান্ত, পানীয় অর্থে আমি জলই বুঝি।

ননদ। আচ্ছা, আপনি জাঞ্জনী থেকে কবে ফিরেছেন?

প্রভঞ্জন। প্রায় মাস খানেক হবে।

ননদ। ও-দেশের মেয়েদের সঙ্কে আমাদের কিছু বলুন না;

[তরুণ-তরুণীরা আগ্রহ-ভরে প্রভঞ্জনের

পাশে আসিয়া দাঁড়াইল

প্রভঞ্জন। মেয়েদের সঙ্কে বিশেষ করে কি আর বলব', বলুন।

ওরাও চায় নিজেদের ঘর-সংসার, ছেলে-মেয়ে, ভবিষ্যত

সঙ্কে একটা স্থনিশ্চিত এবং সন্তোষজনক ব্যবস্থা।

[যামিনী এক গ্লাস জল দিল। প্রভঞ্জন

তাহা এক চুমুকে শেষ করিল

ননদ। Post-war মেয়েদের সঙ্কেও আপনি ওই কথা বলতে চান?

প্রভঞ্জন। আগেকার মেয়েদের, দেখিনি, কাজেই তাদের কথা কিছুই বলতে পারি না। আর দেখুন, মেয়েদের মন আসলে খুব বেশী বদলায় না। সেই আতিকালের বদ্যি বুড়ীটা তাদের মনোমন্দিরে বসেই আছে। তার প্রভাব তারা কিছুতেই অতিক্রম করতে পারছে না। তাদের ষত কিছু দোড়-ঝাঁপ সব ওই ঘর-সংসারকে কেন্দ্র করে।

ঝড়ের রাতে

বৃদ্ধ ভদ্রলোক । পাশ্চাত্য মেয়েদের সম্বন্ধে এ-কথা প্রথম আপনার
মুখেই শুনিছি ।

প্রভঞ্জন । তবে এ কথা সত্যি যে, তাদের মনেও বিক্ষোভ একটা
দেখা দিয়েছে । বিদ্রোহ তারাও করছে । কিন্তু সে
কিসের বিরুদ্ধে, জানেন ? ঘর-সংসার যাতে লোপ
পায়, ছেলে-মেয়ের জীবন যাতে বিপন্ন হয়, যার ফলে
তাদের ভবিষ্যত হয়ে ওঠে শূন্য জনক—তারই বিরুদ্ধে
তারা বিদ্রোহ করেছে । চিরাচরিত প্রথার বিরুদ্ধে
নয় । তার কারণ কি বলতে পারেন ?

ননদ । কি কারণ, বলুন ত ?

প্রভঞ্জন । মেয়েরা পারে না নতুন পথে চলতে, নতুন আদর্শ
গ্রহণ করতে ।

প্রশান্ত । তোমার এ কথা সত্যি নয় ।

প্রভঞ্জন । বল শ্রুতি-মধুর নয় । কিন্তু তা না হ'লেও সত্যি ।
নতুন পথে চলতে হ'লে যে শক্তির প্রয়োজন, অবলা
জাতির তা নেই । নতুন আদর্শকে গ্রহণ করতে হ'লে
যে উদারতার আবশ্যক, তাও তাদের নেই । শ্রেফ
একটা আদর্শের জগ্ন লাখে লাখে পুরুষ অনায়াসে প্রাণ
দিতে পারে, কিন্তু লাখে লাখে নারী তা পারে
না ।

কড়ের রাতে

সন্ধ্যা। তার কারণ এই যে পুরুষ দৃঢ় বন্ধনে তাদের বেঁধে রেখেছে।

[প্রভঞ্জন সন্ধ্যার দিকে চাহিল তারপর বলিল।

প্রভঞ্জন। দৃঢ়তর বন্ধন ছিড়ে শাক্যসিংহ বুদ্ধ হয়েছিলেন। আচ্ছা আপনারাই বলুন না। পুরুষ আর নারী ত' একদিনেই ধরণীর বুকে এসেছিল। পারিপাশ্রিক অবস্থাও দু'য়েরই ছিল অভিন্ন। কিন্তু তবুও নারীর মাঝ থেকে এতদিনেও না জন্মালো একটি বুদ্ধ, না গজালো একটি কালা-পাহাড়।

রেবা। কিন্তু এই নারীর রূপ নিয়েই আবিভূতা হলেন দুর্গা দুর্গতি-নাশিনী, জগজ্জননী জগদ্ধাত্রী!

প্রভঞ্জন। রূপক রেখে দিয়ে ইতিহাসে আশ্রয়। কেননা ও সবই রূপ-মুগ্ধ পুরুষের কল্পনা। ইতিহাসে ক্রিওপেট্রা পাই, মেসালিনা পাই, বোজিয়া পাই। কিন্তু তাতে বিস্মিত হই না। কেন না নারী সুন্দরী তা আমরা প্রত্যক্ষ করি, নারী ভয়ঙ্করী তাও আমরা অল্পভব করি, আর নারী যে নিষ্ঠুরা তাও আমরা মর্মে মর্মে উপলব্ধি করি। কিন্তু উদারতায়, মহানুভবতায় নারী পুরুষকে পিছনে ফেলে গেছে, পৃথিবীর ইতিহাস খুঁজে এমন একটি দৃষ্টান্তও কি আপনারা দেখাতে পারবেন? পারবেন না। হয়ত

ফ্লোরেন্স নাইটিঙ্গেল অথবা নাস' ক্যাভেলই হবে
সর্বশ্রেষ্ঠ দৃষ্টান্ত।

বৃদ্ধ ভদ্রলোক। নারীর গর্ভে জন্ম গ্রহণ করে নারীর উদারতা

সম্বন্ধে আমরা কি সন্দেহ করতে পারি? আমরা

কি কখনো ভুলতে পারি নারী জননী?

প্রভঞ্জন। কিন্তু অস্বীকার কি করতে পারি নিজের লজ্জা গোপন
রাখবার জন্য যে জননী সন্তানকেও হত্যা করে, সেও
নারী? আমি বলব' যে কারণে নারী ভ্রূণ হত্যা
করে, ঠিক সেই কারণেই সে সন্তান পালনের কষ্টও
স্বীকার করে। ওর মাঝে মহান্নভবতাও নেই, উদারতাও
নেই। ঘৃণায় সবাই মুখ ফেরালেন। সকলেই এগ্নি
করে মুখ ফিরিয়েছে বলেই, সত্যের সন্ধান আজও কেউ
পায়নি।

প্রশান্ত। প্রভঞ্জন, জীবনে কোন নারীকে কখনো তুমি ভালো-
বাসোনি বলেই নারীর স্বরূপের পরিচয় আজও পাওনি।
তা যদি পেতে, প্রকৃত তুমার মাথা আপনিই নত
হ'তো।

প্রভঞ্জন। ভুল, ভুল প্রশান্ত। স্বরূপের সন্ধান পেলে ভালবাসা
উপে যায়। পুরুষ যত বেশী বোকা হয়, নারীকে সে
তত বেশী ভালবাসতে পারে। সচেতন মনের কাছে

ঝড়ের রাতে

ভালোবাসা একটা অনাবশ্যকীয় Sentiment ছাড়া
আর কিছুই নয়। তবুও—তবুও প্রশান্ত, ভালো আমিও
বেসোঁছলুম।

প্রশান্ত। তুমি!

[বিজলী ব্যস্ত হইয়া মেজদিকে টানিয়া
লইয়া একটি কোনে গেল

বিজলী। ও কি বলতে চায়, মেজদি।

প্রভঞ্জন। শুনে বিস্মিত হ'লে? কিন্তু সত্যিই আমি ভালোবেসে
ছিলুম। সমস্ত মন-প্রাণ ঢেলে, বিচার-বিবেচনা বিরহিত
হয়ে। তখন মনে হ'য়েছিল আমাদের দু'জনার সেই
ভালবাসা হিমাচলের চেয়েও স্থির, সাগরের চেয়েও
গভীর, উপরের নীল আকাশের চেয়েও নির্মল। বুঝলে
প্রশান্ত, এমনি ছিল আমার ভালবাসা।

যামিনী। চল্ বিজ্জ, আমরা একটু ওপর থেকে ঘুরে আসি।

[যামিনী বিজলীকে লইয়া দোতলার
সিঁড়িতে উঠিতে লাগিল

প্রভঞ্জন। তারপর একদিন দেখলুম ভালবাসার সেই হিমাচল শুধু
টলেই উঠলো না, একেবারে খুলিসাং হ'য়ে গেল। সেই
সাগর গেল শুকিয়ে, সেই নীল আকাশ ধুলোয় আর
কালিতে কালো হ'য়ে গেল। বিজলীর চমক লাগিয়ে

ঝড়ের রাতে

আমার সেই আরাধ্যা দেবী আমার আয়ত্তের বাইরে চলে
গেল—আর যাবার সময় এই বুকে করে গেল বজ্রের
নির্মম আঘাত।

বিজলী। মেজদি, তুমি নীচে নেমে যাও। নেমে গিয়ে থামতে
বল, ওকে থামতে বল।

প্রভঞ্জন। কেন এমন হ'ল শুনবে? ভালোবাসার প্রতিদান
পেলো না বলে নয়, শ্রেষ্ঠতর ভালবাসার আবেদন এসে
তাকে উতলা করে তুলে বলেও নয়—একটুখানি
খ্যাতির মোহ, জীবৎ শাস্তির সম্ভাবনা তাকে নিয়ে গেল
তারই বুকে, যে ভালবাসার মর্যাদা দিতে জানে না,
দিতে পারেও না! নারীকে এই আমি প্রথম জানলুম;
জানলুম কত ছোট সে হতে পারে, জানলুম, স্বার্থের
সীমা অতিক্রম ক'রে অগ্রসর হবার অক্ষমতা তার কত
—কত বেশী।

বিজলী। মেজদি!

[তাহার আর্ন্তনাদ শুনিয়া সকলে বিস্মিত
হইয়া তাহার দিকে চাহিল

যামিনী। ওই দিকে!

[যামিনীর ইঙ্গিতে সকলে দেখিল
দরজা খুলিয়া পুলিশ অফিসার এবং
পাহারাওয়াল। প্রবেশ করিয়াছে
অফিসারের হাতে কালো সেই কোটটা

ঝড়ের রাতে

প্রশান্ত । আপনাদের কি প্রয়োজন ?

অফিসার । এই কোটটা আপনার বাগানে পাওয়া গেছে । যে
খুনে ডাকতটার সন্ধান আমরা করছি, এটি তারই
গায়ে ছিল । আমাদের বিশ্বাস, সে এই বাড়ীতেই
আশ্রয় নিয়েছে ।

বিজলী । এই বাড়ীতে ! অসম্ভব !

অফিসার । একটা খুনে ডাকাতের পক্ষে অসম্ভব কিছুই নয় ।
আপনাদের অনুমতি নিয়ে খানাতল্লাস শুরু করি !

[বিজলী দ্রুত নামিয়া আসিল]

বিজলী । কিন্তু আপনার এ আচরণে আমার অতিথিদের যে
অপমান করা হচ্ছে, সে জ্ঞান, আশা করি, আপনার
আছে ।

প্রভঞ্জন । না, না—মিসেস্ রায় । আপনার অতিথিরা এতে
অপমানিত হবেন না ! পরন্তু তাঁদেরই কর্তব্য খুনের
সন্ধানে সহায়তা করা । প্রশান্ত, ভাই, ওকে সব ঘর-
গুলো দেখিয়ে দাও । আমিও কি সঙ্গে আসবো ?

[সকলে প্রভঞ্জনের দিকে চাহিল]

অফিসার । না, ধন্যবাদ ।

[পাহারাওয়ালারা ভিন্ন ভিন্ন ঘরে প্রবেশ
করিল]

ঝড়ের রাতে

রায় বাহাদুর গৃহিণী। আমাদের ত এখন বাড়ী যেতে দেবে ?

রায় বাহাদুর। তা কেন দেবে না ?

রায় বাহাদুর গৃহিণী। (প্রভঙ্কনের কাছে গিয়া) আপনি আমাদের সঙ্গে গিয়ে আমাদের বাড়ী পৌঁছে দেবেন ? আপনার যেমন গায়ের জোর আছে, তেমনি মনেও আছে জোর। আপনি সঙ্গে থাকলে আমার আর ডাকাতের ভয় থাকবে না।

প্রভঙ্কন। কিন্তু আপনি কি ঠিক জানেন, পুলিশ বার সন্ধান করছে আমি সেই লোক হতেই পারি না।

রায় বাহাদুর গৃহিণী। (বিজলীর কাছে গিয়া) বিজু, ভাই, আমাদের সঙ্গে কে যাবে ? বুড়ো মাহুষ উনি কি ডাকাতের সঙ্গে লড়তে পারবেন ? (প্রণবের কাছে গিয়া) আপনার বেশ গায়ের জোর আছে। আপনি আমাদের সঙ্গে যাবেন ?

প্রণব। আপনি আদেশ করলেই বাধ।

রায় বাহাদুর। কেন ? দুৰ্ভক্তদের হাত থেকে আমার জীকে রক্ষা করার শক্তি কি আমার নেই ?

প্রভঙ্কন। রায়বাহাদুর, শক্তি সামর্থ্যের কথা তোলাই ভুল !

বাড়ের রাতে

কথাটা হচ্ছে বয়সের! এই বয়সের পুরুষের ওপর
নির্ভর করেই নারী নিশ্চিন্ত থাকে।

[সকলে প্রভঞ্জনের দিকে চাহিল। প্রভঞ্জন
ধীর পদ-বিক্ষেপে দরজার দিকে অগ্রসর
হইল

রায় বাহাদুর গৃহিণী। আপনারা শুঁদের কথা শুনবেন না। আপনারা
আমাদের সঙ্গেই যাবেন। আমাদের গাড়ী
খুব বড় আর আমাদের বাড়ী দেখলেও
আপনারা খুশী হবেন।

প্রণব। আমরা আপনাদের সঙ্গেই যাব। যেহেতু আমাদের
গাড়ীখানা অচল।

সন্ধ্যা। সমরকে) প্রণবকে ডেকে নিয়ে এদিকে এস।

[সমর প্রণবকে ডাকিয়া নইরা আসিল

(প্রণবকে) বড় বাড়ী আর গাড়ীর কথা শুনে মজা না
কিন্তু। চেহারা দেখেছ ত!

রায় বাহাদুর গৃহিণী। ওকি!

সন্ধ্যা। নাঃ! জালালে।

ঝড়ের রাতে

রায় বাহাদুর গৃহিণী । ওই দিকে দেখ !

[সকলে চাহিয়া দেখিল প্রভঞ্জন সিঁড়ির
ওপর দাঁড়াইয়া আছে আর তাহার
সামনে দুইটি পাহারাওয়াল পথ
অবরোধ করিয়া রহিয়াছে

প্রভঞ্জন । পালাবার মতলব মোটেই নেই । হাওয়া খাওয়ার সখ ।
মাসীমা । তাইত' বিজু ! এই গোলমালের মাঝে তোদের রেখে
যেতে মন চাইছে না । অণচ না গেলেও ত' চলে না !

বৃদ্ধ ভদ্রলোক । আজ রাতটা এখানে থেকেই যাব কি না, ভাবছি ।
রায় বাহাদুর । এদের ব্যবহার মোটেই ভাল নয়, মশাই ।

[প্রভঞ্জন কিরিয়া আসিল

প্রভঞ্জন । মেঘে মেঘে সারা আকাশ ছেয়ে গেছে ।

রায় বাহাদুর । জল হবে নাকি ?

প্রভঞ্জন । ঝড়ও হবে ।

[প্রভঞ্জন রান্নাঘরের দিকে চলিয়া গেল

সদ্যা । ডাক্তার চক্রবর্তী অমন করে ঘুরে বেড়াচ্ছেন, কেন ?

উষা । অদ্ভুত এক লোক ।

সদ্যা । ভাল বাসার ইতিহাস অমন করে বলতে ওর লজ্জাও
হলো না । শুনতে আমাদেরই লজ্জা হচ্ছিল ।

প্রণব । লজ্জা ত' তোমাদেরই হওয়া উচিত ।

ঝড়ের রাতে

উষা। কেন ?

প্রণব। নারীর ওই হীন জঘণ্ত ব্যবহারের জগৎ।

উষা। শোন সন্ধ্যা।

সন্ধ্যা। ছেলে মানুষ কি না তাই।

প্রণব। ছেলে মানুষ ?

উষা। বাড়ী গিয়ে মাকে বোল নিকা র-বোকার পরিষে দিতে।

প্রণব। তার অর্থ ?

সন্ধ্যা। অর্থ এই যে, প্রেম সম্বন্ধে বড় বড় তত্ত্বকথা তোমাদের
হৃ'জনার সাজে না।

[সন্ধ্যা ও উষা চলিয়া গেল

প্রণব। ওরা আমাদের কি মনে করে বল ত' !

সমর। চলনা, ওদের কাছ থেকে তাই আজ জেনেই যাই।

[দুইজন চলিয়া গেল। ইলপেট্টার এবং
প্রশান্ত সিঁড়ি দিয়া নামিয়া আসিল

বিজলী। আপনার আসামীকে পেলেন ?

পুলিশ কর্মচারী। কৈ আর পেলুম !

বিজলী। আপনি কি এখনও মনে করেন এই বাড়ীতেই সে আছে।

পুলিশ কর্মচারী। মত পরিবর্তনের কোন কারণ ত ঘটে নি !

বিজলী। তা হ'লে এখন আমাদের কি করতে হবে ?

ঝড়ের ঝাতে

পুলিশ কর্মচারী। আপনার গৃহে সর্বপ্রকার স্বাধীনতাই আপনার
হইল।

বিজলী। আমার অতিথিরা শু নজর বন্দী নন ?

পুলিশ কর্মচারী। তাঁরা ইচ্ছামত তাঁদের গন্তব্য স্থানে যেতে
পারেন।

বিজলী। যদি তাদের সঙ্গে আপনার আসামীটিও পালিয়ে যায় ?

পুলিশ কর্মচারী। যাতে না যেতে পারে, তাই দেখাই আমাদের
কর্তব্য এবং আমরা তা দেখবও।
তাহ'লে এখন আসি। আশা করি, ফিরে
যদি আসতে হয় তো আসামীর দেখা পাব।

[পুলিশ কর্মচারী অগ্রসর হইলেন।

প্রভঞ্জন তাহার সামনে আসিয়া দাঁড়াইল

এবং একটা শাস ধরিল

প্রভঞ্জন। লেমনেড্।

[পুলিশ কর্মচারী তীব্র দৃষ্টিতে তাহার

দিকে চাহিল

প্রশান্ত। আমার বন্ধু, ডাক্তার প্রভঞ্জন চক্রবর্তী। জার্জেনী থেকে
ডাক্তারী শিখে এসেছেন।

[পুলিশ কর্মচারী তাহাকে নমস্কার করিল

প্রভঞ্জনও প্রতি-নমস্কার করিল

প্রভঞ্জন। আপনি অত্যন্ত স্নাত হ'য়েছেন, শ্রান্তি নূন করুন।

ঝড়ের রাতে

পুলিশ কর্মচারী। ধন্যবাদ।

[পুলিশ কর্মচারী তাহার লোক সহ চলিয়া
গেলেন। প্রভঞ্জন তাহার দিকে চাহিয়া
রহিল। তাহার। অদৃষ্ট হইয়া গেল
প্রভঞ্জন কিরিয়া দাঁড়াইল এবং এক
চুমুকে লেমনেড্‌ নিঃশেষ করিয়া ফেলিল

বৃদ্ধ ভদ্রলোক। গোল এক রকম চুকেই গেল। এবার যেতে
পারি, বিজু?

প্রশান্ত। আপনারা আজ দয়া করে এসেছিলেন বলে আমরা
সকলে খুসী।

বৃদ্ধ ভদ্রলোক। এসে আজ যে কি আনন্দই নিয়ে গেলুম, তা
বুঝিয়ে বলতে পারব না। সর্বাস্থঃকরণে আশীর্বাদ
করি তোমারা দীর্ঘ জীবন লাভ কর।

[বিজলী তাঁহাকে প্রণাম করিল

বিজলী। চলুন, আপনাদের গাড়ীতে তুলে দিয়ে আসি।

[সকলে দরজার দিকে গেলেন

রায় বাহাদুরের স্ত্রী। আপনারা তৈরি হ'য়ে নিন।

প্রণব। আমরা ত' প্রস্তুত। সমর কিড্‌ দুটো ঠিক করে নাও।

সন্ধ্যা। স্ট্রেকশ দুটো গাড়ীতে তুলে দিতে বলব?

উষা। কালও কিন্তু আমরা যাব না।

সমর। আমাদের তাতে ঘুমের ব্যাঘাত হবে না।

ঝড়ের রাতে

[একথানা মোটর আসিল এবং বৃষ্টি

ভদ্রলোককে লইয়া চলিয়া গেল

সন্ধ্যা। বড় গাড়ী আর বড় বাড়ীর স্বপ্ন দেখছ বুঝি !

প্রণব। আর স্বপ্ন নয় এবারে বাস্তব।

রায় বাহাদুর। প্রশান্ত ভাই আমরা তবে চল্লুম। চল্লুম বিজলী
দেবী।

[তাহারা অগ্রসর হইল। দুয়ারের কাছে

গাড়ী আসিলে রায় বাহাদুরের স্ত্রী

ফিরিয়া দাঁড়াইল

রায় বাহাদুরের স্ত্রী। আহুন আপনারা। বড় গাড়ী আমাদের।

বেশ জায়গা হবে।

প্রণব। বৌদি, আমরা তাহ'লে আসি।

বিজলী। তোমরা না এলে উৎসব আজ ব্যর্থ হ'তো।

সমর। আমরা একটা নূতন Inspiration নিয়ে যাচ্ছি, বৌদি।

প্রণব। এবং সন্ধ্যার উপর আমাদের রাগ হচ্ছে, সে আগে কেন
আপনার সঙ্গে আমাদের পরিচয় করিয়ে দেয়নি।

বিজলী। তোমাদের যখন ইচ্ছে হবে তখন চলে এস।

সন্ধ্যা। যদি আজকার এই বড় গাড়ী চড়বার পরও আমাদের মনে
থাকে।

যামিনী। তোমরা ত' আজ থেকে যেতে পারতে ভাই।

প্রণব। আবার আসব, মেজদি।

[তাহারা গিয়া গাড়ীতে উঠিল

ঝড়ের রাতে

ননদ । তোমাদের আজকের এই উৎসবে যোগ দিয়ে আমি আজ
এক নূতন অভিজ্ঞতা নিয়ে যাচ্ছি, বিজু !

রেবা । আশা করি সে অভিজ্ঞতার ফলে, আপনার জীবনেও, এমনি
উৎসবের দিন শীগ্‌গীর দেখা দেবে । আর তাতে যোগ দিয়ে
আমরা নূতনতর অভিজ্ঞতা সংগ্রহ করতে পারব' ।

বিজলী । তুই থামতে পারিস, রেবা ?

মাসিমা । যামিনী শরীরের দিকে একটু নজর রাখিস, মা । এ
সংসারের বোঝা ত' দেখছি তোর ঘাড়েই পড়েছে ।

যামিনী । তুমি বিজুকে বলে যাও মাসিমা, ওর সংসারের দিকে ও
মন দিক । আমি আর কতদিন এখানে থাকব ?

বিজলী । বয়েই গেছে আমার এই সংসার দেখতে !

মাসিমা । তা দেখতে হবে বৈকি, বিজু ।

প্রশান্ত । মাসিমা, আপনারা যাচ্ছেন ?

মাসিমা । থাকবার তো উপায় নেই, বাবা । বড় আনন্দ নিয়ে
যাচ্ছি । আমার ননদটি ত' জানই বিয়ের কথাও শুনতে
পারেন না । উনিও তোমাদের এই ছ'জনার আনন্দময়
জীবন দেখে খুসী হয়েছেন । এগ্নি স্থখেই তোমরা থাক ।

প্রশান্ত । আপনাদের আশীর্বাদ মাসিমা ।

[প্রশান্ত দুজনকেই প্রণাম করিল ।

বিজলী, যামিনীও ।

বড়ের রাতে

নন্দ। আপনার সঙ্গে কিন্তু তর্ক করবার অনেক কিছুই আমার বাকী রইল।

প্রভঞ্জন। তর্ক করে সত্যকে জানা যায় না—জানতে হয় জীবনের অভিজ্ঞতা দিয়ে।

[মাসিমাদের লইয়া বিজলী, যামিনী ও

প্রশান্ত দরজার দিকে গেল

রেবা। তুমি ত' ভাই, আমাদের সাথে মাঝে মাঝে দেখা করতে পার।

সন্ধ্যা। এখন থেকে যাব। আর শুধু যাবই না, আপনাদেরকে আমাদের সঙ্গেও নিয়ে যাব।

রেবা। তোমাদের আবার একটা সঙ্গেও আছে নাকি!

উষা। আমাদের সেনালী-সংস্থের নাম শোনেননি।

রেবা। ডাক্তার চক্রবর্তী বলবেন সেনালী রঙই সোনার অস্তিত্ব বোঝায় না। আচ্ছা, সেখানে তোমরা কী কর?

সন্ধ্যা। আলোচনা, আন্দোলন।

রেবা। কিসের?

উষা। নারী-প্রগতির।

রেবা। কিন্তু ডাক্তার চক্রবর্তী বলেন, নারী গতি-শীলা জীব নয়, স্থিতি-শীলা।

সন্ধ্যা। আপনি ভুলে যাচ্ছেন, উনি একজন হতাশ-প্রেমিক।

ঝড়ের রাতে

রেবা। শুনতে পাই সংসারের ষোল আনা প্রেমিককেই নাকি
হা-হতাশ করতে হয়।

সন্ধ্যা। আমার দাদা-বৌদিকে দেখেও কি তা বিশ্বাস করেন।

রেবা। সত্যি বলেছ, সন্ধ্যা। আজ ওদের দেখে আমি বুঝলুম
যে, প্রগাঢ় প্রণয় কেবল কাব্যের কথাই নয়, বাস্তবেও তার
অস্তিত্ব আছে।

বিজলী। কি আবিষ্কার করলি রে, রেবা ?

রেবা। যে, বুড়ো বয়সেও অপ্রতিহত বেগে প্রেম করা চলে।

বিজলী। সত্যি !

রেবা। সত্যি বিজু ! আজ শুধু আনন্দই নিয়ে যাচ্ছিনে, ঈর্ষাও
খানিকটা জমে উঠেছে। মন্ত্ৰটা আমার বলে দিতে
পারিস ?

বিজলী। স্বামী বশের ?

রেবা। মন্দ কি ! একবার চেষ্টা করেই দেখতুম। মেজ্জদি,
আমরা এবার চল্লুম। আসছে বছর এই দিনে আবার
আসব। কিন্তু সেদিন যেন কোলে একটি থোকা দেখতে
পাই, বিজু।

যামিনী। মাসিমাও ওই কথা বলে গেলেন।

রেবা। ষার কোল আলো করে সেই শিশু-টাদের আবির্ভাব হবে,
তারও ত' সেই কামনা মেজ্জদি !

ঝড়ের রাতে

বিজলী। তোম কি হ'য়েছে বলত', রেবা ?

রেবা। সন্ধ্যাকে জিজ্ঞাসা কর। ও বলবে মাতৃহের আকাঙ্ক্ষা
প্রকাশ আজকের-নারীর পক্ষে লজ্জার নম্র, গৌরবের
কথা।

সন্ধ্যা। কোন কালেই কি ওটা লজ্জার বিষয় ছিল ?

রেবা। ডাক্তার চক্রবর্তীর মতটা জেনে নোব, বিজু ?

[বিজলী মুখ ক্রিাইল]

সন্ধ্যা। নারীকে যে শ্রদ্ধা করেনা, নারী সম্বন্ধে কোন কথা বলবারই
তার অধিকার নেই।

বিজলী। ঠিক বলেছ সন্ধ্যা।

রেবা। না এবার বিদ্যায়ের পালা। অধ্যাপক মশাই, এবার আমরা
বিদ্যায় হই।

প্রশান্ত। আপনারা মাঝে মাঝে এলে.....

রেবা। আপনারা ক্ষেপে উঠবেন, কেমন ?

প্রশান্ত। আপনি আমায় কোন কথাই শেষ করতে দেবেন না!

রেবা। তার জন্ত দুঃখ করবেন না। আঁচড় দেখেই আমরা বিদ্যের
দৌড় বুঝে নিতে পারি।

[সকলে দরজার দিকে গেল]

সন্ধ্যা। উষা! ডাক্তার চক্রবর্তীকে তোম কেমন লাগেবে ?

উষা। লোকটা কেবল ভাই ?

কণ্ঠের স্নাতক

সন্ধ্যা । শুনলি ত' দাদার বন্ধু ! আশ্চর্য্যনী থেকে ডাক্তারীর উঁচু ডিগ্রী নিয়ে এসেছে ।

উষা । ব্যর্থ-প্রেমের ব্যথা নিয়েই ম'ল ।

সন্ধ্যা । আচ্ছা তুই ওর চোখের দিকে চেয়ে দেখেছিলিস্ ?

উষা । তোর মৃত্যুবান কি চোখের স্ফটিক-গোলকের ভিতরেই রয়েছে, সন্ধ্যা ?

সন্ধ্যা । সেই খুনে ডাকাতটার চোখ তোর মনে পড়ে ?

উষা । তোর মত তা তো আমার ধ্যানের বস্তু হয়ে ওঠেনি ।

সন্ধ্যা । তবু দেখেছিলি ত' ।

উষা । ডাক্তার চক্রবর্তীর চোখের সঙ্গে তার আশ্চর্য্য মিল অনেক আগে আমি লক্ষ্য করেছি ।

সন্ধ্যা । করেছিলিস্ !

উষা । ওই ত আসছে এদিকে । দেখনা চেয়ে ।

সন্ধ্যা । আমি হলফ করে বলতে পারি উষা, পুলিশ ওকেই তাড়া করেছিল ।

উষা । তাহ'লে... ..

সন্ধ্যা । ওই সেই খুনে ডাকাত ।

উষা । না, না সন্ধ্যা, তা হ'তে পারে না ।

সন্ধ্যা । ও কাউকে খুন না করতে পারে, ডাকাতিও না করতে

ঝড়ের রাতে

পারে ; কিন্তু পুলিশ যে ওকে তাড়া করেছিল, সে সম্বন্ধে কোন সন্দেহই নেই।

উষা। তাহ'লে কি করা যায় সন্ধ্যা।

সন্ধ্যা। চুপ। এখন কাউকে কিছু বলিস্ নে। চল ত' আগে দেখে আসি যে ঘরটায় ও লুকিয়ে ছিল।

[দু'জনা উঠিয়া প্রভঞ্জন প্রথমে যে ঘরে
আশ্রয় লইয়াছিল সেই ঘরের দিকে

অগ্রসর হইল

প্রভঞ্জন। সন্ধ্যা দেবী কি বিশ্রাম করতে যাচ্ছেন ?

[সন্ধ্যা ও উষা কিরিল

সন্ধ্যা। বিশ্রাম আজ ভাগ্যে আছে কিনা, তা ত' জানিনা ডাক্তার চক্রবর্তী।

প্রভঞ্জন। আপনারা এখনও সেই খুনে ডাকাতির ভয় করছেন ?

সন্ধ্যা। বে হেঁতু কোন দিক থেকেই অভয় পাচ্ছি নে বলে।

প্রভঞ্জন। আচ্ছা যারা মানুষ খুন করে, তারা কি সবাই স্থণার
পাত্র ?

সন্ধ্যা। আমরা ত' তাই মনে করি।

প্রভঞ্জন। যদি অজ্ঞাতে কেউ ও পাপ করে ফেলে ?

সন্ধ্যা। তাহ'লে তাকে কেউ নরহস্তা বলে না।

প্রভঞ্জন। আর যদি কেউ জেনে শুনে বুঝে মহন্তর উদ্দেশ্য সাধনের
জন্ত ও কাজ করে ?

ঝড়ের রাতে

সন্ধ্যা। আপনি কি বলতে চান, বলুন ত'।

প্রভঞ্জন। বিশেষ কিছুই নয় সন্ধ্যা দেবী। শুধু সাধারণ এই কথাটি বলতে চাই যে, মাছঘের কাজ দেখেই তার সম্বন্ধে আমরা যে ধারণা করে বসি, তা একেবারে নিভুল নাও হতে পারে।

[প্রশান্ত বিজলী ও বামিনী আসিল।

বিজলী ও বামিনী রান্নাঘরের দিকে চলিয়া

গেল। প্রশান্ত প্রভঞ্জনের সঙ্গে মিশিল।

প্রশান্ত। সন্ধ্যার সঙ্গে তোমার আলাপ হয়েছে প্রভঞ্জন? ও একটা সমস্যা জাগিয়ে তুলেছে। তোমায় বলব'খন। তোমার পরামর্শের বিশেষ প্রয়োজন।

প্রভঞ্জন। দেখ প্রশান্ত, কাউকে পরামর্শ দেবার প্রবৃত্তি আমার লোপ পেয়েছে। আমি বুঝেছি ওতে কারুর কোনই লাভ হয় না—না দাতার, না গ্রহীতার। কিন্তু আমাকে যে উঠতে হচ্ছে।

প্রশান্ত। সে কি! কোথায় তুমি যাবে এই জল-ঝড় মাথায় নিয়ে। আর, কতদিন পরে তোমায় দেখলুম!

সন্ধ্যা। ওদের সবাইকেই ভিজতে হবে।

প্রশান্ত। অসময়ে হঠাৎ এন্নি মেঘ করল!

ঝড়ের রাতে

সন্ধ্যা। কিন্তু সন্ধ্যায় কি সুন্দর জ্যোৎস্না উঠেছিল !

প্রভঞ্জন। জানি প্রশান্ত, আমিও এলুম, আর চাঁদের কোলে এসে
মেঘও হ'লো জড়ো। অদৃষ্ট !

উষা। এখন ত সমস্ত আকাশ মেঘের ভারে হুয়ে পড়েছে।

সন্ধ্যা। ঐ জলও এল।

[বামিনী ও বিজলী আসিল

বামিনী। ঝড় উঠেছে। ওপরের দরজা জানালাগুলো বন্ধ আছে
কিনা দেখে আসি।

[বামিনী চলিয়া গেল

প্রশান্ত। সন্ধ্যা, তোরাও শুতে যা ! আজ বড্ড তোদের পরিশ্রম
হয়েছে।

সন্ধ্যা। তোমার সঙ্গে একটা কথা আছে দাদা।

প্রশান্ত। বলেই ফ্যাল না। আচ্ছা কালই না হয় বলিস।

সন্ধ্যা। আজই তোমায় শুনতে হবে। খুব দরকারী কথা।

প্রশান্ত। হ্যাঁ, এইটুকু মেয়ের আবার এমনি দরকারী কথা যে, আজ
না শুনলেই চলবে না। কাল.....কাল হবে।

সন্ধ্যা। কিন্তু দাদা.....

[প্রশান্ত উঠিল। সন্ধ্যাকে ধরিয়া

সিঁড়িতে তুলিয়া দিল

কড়ের রাতে

প্রশান্ত। আজ ভাল করে ঘুমিয়ে নে। তারপর কাল চায়ের
টোবিলে তোর দরকারী কথাটা বলিস।

[সন্ধ্যা হতাশভাবে দাঁটার দিকে চাহিয়া
রহিল। তারপর উবার হাত ধরিয়া উপরে
উঠিয়া গেল

বিজু, এস। প্রভঞ্নের সঙ্গে ভালো করে আলাপ জমিয়ে
তোল। ওর কথা শুনে ত' বুঝলে কত বড় আঘাত ও
পেয়েছে।

[বিজুলী বসিল

আমি ভাবতেই পারি না প্রভঞ্জন, ভালোবাসার পাণ্ডুর
কৃতঘ্নতা মানুষ কেমন করে সহিতে পারে। এই যে
বিজুকে দেখছ, বড় খেয়ালী মেয়ে এ। অতর্কিতে
তোমায় আঘাত দেবে আবার তখুনি ব্যথা দূর করে
দেবে।

[বিজুলী মাথা নীচু করিল

লজ্জার মাথা নীচু করলে চলবেনা, বিজু। প্রভঞ্জনকে
আবার লজ্জা কিসের? ও দিন কত এখানে থাক।
তখন দেখতে পারবে ও কেমন ঘাহু জানে।

[প্রভঞ্জন একটি সিগার ধরাইল

তুমি জার্শেনী চলে গেলে। আমাদেরও হঠাৎ বিয়ে হচ্ছে

ঝড়ের রাতে

গেল। আশ্চর্য্য, কেউ কাউকে জান্তেন না। কিন্তু মিলন যখন হ'লো, তখন মনে হ'লো কত যুগযুগান্ত ধরে আমরা দুজনা বেন এই মিলনেরই অপেক্ষা করছিলুম! না, বিজু?

প্রভঞ্জন। ঝড়ের বেগ, বেড়েই চলেছে।

প্রশান্ত। সাংসারিক বুদ্ধি কিন্তু বিজুর এতটুকুও নেই। তা নাই বা থাকল। আমারও ত নেই। মেজদিকে ত' দেখলে, দেবী বললেও ঠিক পরিচয় দেওয়া হয় না।

বিজলী। আমি দেখে আসি মেজদি কি করছে।

[বিজলী উঠিয়া দাঁড়াইল। প্রশান্ত
তাহার হাত ধরিল]

প্রশান্ত। কোন দরকার নেই। প্রভঞ্জনকে অনেক দিন পরে পেয়েছি। তুমি আমি আর ও, এই তিনটি অন্তরঙ্গ আমরা, এস, এক সঙ্গে একটুকাল বসে থাকি।

প্রভঞ্জন। আমি ভাবছি তোমার অতিথিদের কথা। ঝড়ে জলে খুবই কষ্ট হচ্ছে তাদের।

প্রশান্ত। তারা সব কোনকালে কলকাতায় পৌঁছে গেছে। জাখ প্রভঞ্জন, মেয়েদের সঘন্থে তখন যে সব কথা বলছিলে, তা সত্যি নয়। ওদের যত কাছে পাবে ততই বুঝবে ওরা ছোট নয়—ওরা কত বড়, কেমন উদার। তুমি বলবে,

কড়ের রাতে

কটি নারীই বা আমি দেখলুম? কিন্তু এই বিজু, মেজদি, সন্ধ্যা—এদের ত' আমি জানি প্রভঞ্জন। এরা সবাই মিলে কি শান্তি আমায় দিচ্ছে, কি আনন্দে আমায় রেখেচে তা ভাষা দিয়ে তোমায় আমি বোঝাতে পারব না। তার জগৎ ওদের ত্যাগের সীমা নেই, আর মজা এই যে, তার জগৎ দাবীও কিছু নেই। আমার সত্যিই মনে হয় প্রভঞ্জন, তার চেয়ে হতভাগ্য সংসারে আর কেউ নেই যে, পায়নি মায়ের স্নেহ, পত্নীর প্রেম, ভগ্নীর ভালোবাসা।

[প্রভঞ্জন উঠিয়া দাঁড়াইল

প্রভঞ্জন। এক মিনিট প্রশান্ত। আমি বাইরের অবস্থাটা একটু দেখে আসি।

[প্রভঞ্জন দোরের দিকে চলিয়া গেল

প্রশান্ত। আজ ওকে দেখে আমার কষ্ট হচ্ছে, বিজু। এক নারীর কৃতজ্ঞতা ওকে এমন করে দিয়েছে যে, নারীর কল্যাণী মূর্তিটা ওর মনে কিছুতেই একটা ঠাঁই করে নিতে পারছে না। আমি যদি সেই নারীর সাক্ষাৎ পাই!

বিজলী। তাহলে কি কর?

প্রশান্ত। ওকে দেখিয়ে তাকে বলি, দেখ, একটা মানুষের কত বড় সর্বনাশ তুমি করেছ।

ঝড়ের রাতে

বিজলী । সে যদি তার অপরাধ স্বীকার করে ?

প্রশান্ত । তাহ'লে তাকে বলি, অমৃতের প্রলেপ দিয়ে ওর অহরের দাহ ঘুচিয়ে দাও ।

বিজলী । যদি সে-চেষ্টা করবার শক্তি বা অধিকার তার না থাকে ?
যদি তার স্বামী তাতে সন্মতি না দেয় ?

প্রশান্ত । তাহলে আমি কি করি জান ? প্রভঞ্নের সকল ভার আমি তোমাকে দিয়েই নিশ্চিন্ত হই ! তোমার স্নেহ পেয়ে, তোমার সেবা পেয়ে, তোমার ভালোবাসার অংশ পেয়ে ও তাহলে নারীকে শ্রদ্ধা করতে শিখবে ।
নেবে, বিজু, ওর সকল ভার ?

বিজলী । না, না । ও কল্পনা তুমি মনেও ঠাই দিও না ।

প্রশান্ত । দায়িত্ব নিতে ভয় পেলে চলবে কেন, বিজু ?

বিজলী । আমার সময় হবে না, অবসর থাকবে না । কাল থেকে সংসারের সকল কাজের ভার আমায় নিতে হবে । অতিরিক্ত কিছু আমি করতে পারবো না । আমায় তুমি অমুরোধ করোনা । মেজদি ! মেজদি !

[তাহার আর্দ্রধর শুনিয়া প্রশান্ত স্বর
হইয়া তাহার দিকেই চাহিয়া রহিল ।
প্রভঞ্নও কিরিয়া আসিল । যামিনী
সিঁড়ি দিয়া নীচে নামিতে লাগিল]

ঝড়ের রাতে

সামিনী। আমার ডাকছিল, বিজু ! আগি জ্ঞানালা দিয়ে পুলিশের কাণ্ড দেখছিলুম। এই ঝড়ে জলে কুকুর বেড়ালেও ঘরের বার হয় না, কিন্তু গিয়ে জাখ, মোড়ে মোড়ে পুলিশ পাথরের মূর্তির মতো দাঁড়িয়েই আছে। কর্মচারীরা খোস-মেজাজে ঘুরে বেড়াচ্ছে। ঠিক আমাদের সদর দরজার দু' ধারেও দু'টি পুলিশ শীকার ধরবার জন্য দাঁড়িয়ে আছে।

প্রভঞ্জন। আমিও তাই দেখে এলুম।

বিজলী। আজ বিকেলে সন্ধ্যাকে বার বার বলেছিলুম, সেই খুনে ডাকাতটা এসে যদি আমাদের আশ্রয় নেয়, তাহ'লে বেশ হয় ; কিন্তু এখন.....

প্রভঞ্জন। এখন মিসেস্ রায় ? এখন ?

[বিজলী চমকিয়া ভাটার দিকে চাছিল।

ভাটার পর দৃষ্টি নত করিল

বিজলী। এখন এই প্রার্থনাই কেবল করছি, সে যেন দূরেই থাকে।

[প্রভঞ্জন মুখ কিরাইয়া সরিয়া গেল।

প্রশান্তও উঠিল। দুই বাহু প্রভঞ্জনর কাঁধে রাখিল

প্রশান্ত। কি হ'য়েছে, ভাই ?

ঝড়ের রাতে

প্রভঞ্জন। বড় ক্লান্তি বোধ করছি।

প্রশান্ত। তাহ'লে ঘরে গিয়ে শুয়ে পড়। মেজদি, প্রভঞ্জন বড় ক্লান্ত। ওর শোবার ব্যবস্থা কি হবে ?

[যামিনী একটা ঘরের দরজা খুলিল

যামিনী। এই ঘরেই উনি শোবেন।

প্রশান্ত। তাহলে প্রভঞ্জন আমরা আর তোমার বিশ্রামের ব্যাঘাত করব না। গুড্‌নাইট।

প্রভঞ্জন। গুড্‌নাইট।

[প্রভঞ্জন ভিতরে গিয়া দোর বন্ধ করিল

প্রশান্ত। মেজদি ! আমরাও তাহলে উপরে যাই।

যামিনী। তোমরা যাও, ভাই ! আমি দোর-টোর গুলো বন্ধ করে যাই।

[যামিনী রান্নাঘরের দিকে চলিয়া গেল

প্রশান্ত। কী পরিবর্তনই হয়েছে ওর ! চল বিজু !

[বা হাত দিয়া বিজুর ধেঁহে বেঁটন করিয়া

প্রশান্ত তাহাকে লইয়া দিওলে উঠিতে

লাগিল

ছেলে বয়েসে কি চঞ্চলই ও ছিল। কলোজে ওর ছোড়া ডান্‌পিটে আর ছিল না। এখন মনে হয়, একেবারেই ভেঙ্গে পড়েছে।

ঝড়ের রাতে

বিজলী। অগ্ন্য কথা বল। ও সব আর আমি শুনতে পারি না।

প্রশান্ত। বিয়ে করেছি বলে বন্ধুকেও ভালোবাসতে পারব না ?

[বিজলী স্বামীর মুখের দিকে চাহিল, কিন্তু
কোন কথা বলিল না। তাহার
দৃষ্টিতে অদৃশ্য হইয়া গেল। যামিনী
হলে কিরিয়া আসিল। দরজাগুলি
ভালো করিয়া দেখিল। তাহার পর
হলের আলো নিভাইয়া দিয়া উপরে
উঠিতে গেল। প্রভঞ্জন দোর খুলিয়া
ছুটিয়া বাহির হইল। পিছন হইতে
যামিনীর পিঠে হাত দিল

যামিনী। কে!

প্রভঞ্জন। মেজদি, একটা কথা আন্না বলি যাও তুমি।

যামিনী। কি অঞ্জন?

প্রভঞ্জন। বলে যাও, বিছা কি আজ সতিই স্থখী?

যামিনী। এমন অদ্ভুত প্রশ্ন তোমার মনে কেমন করে জাগল,
অঞ্জন?

প্রভঞ্জন। আমি যে ওকে জানি, আমি যে ওকে চিনি, মেজদি।
আমি যে বুঝি ওর পক্ষে এখানকার এই বৈচিত্র্যহীন
জীবন বাপন করা কত কঠিন—ককাল-পূজারী ওই

ঝড়ের রাতে

প্রশান্তকে ভালোবাসা ওর পক্ষে সম্ভব নয়। বল, বল
মেজদি।

যামিনী। কিন্তু সে কথা এখন জেনে তোমার লাভ ?

প্রভঞ্জন। তুমি ভুলোনা মেজদি, বিজু আজও আমার ধ্যানের
দেবী !

যামিনী। সকল রকমেই অপদার্থ হয়ে গ্যাছ, অঞ্জন। ছিঃ !

[যামিনী উপরে উঠিয়া গেল। প্রভঞ্জন
সেইখানে হাটু পাড়িয়া বসিয়া দুই
হাতে রেলিং চাপিয়া ধরিয়া রহিল

প্রভঞ্জন। তবুও.....তবুও বলে যাও মেজদি, শুধু ওই একটি
কথাই শুনিয়ে যাও।

[যামিনী দুই তিন ধাপ নামিয়া আসিল।
ভারপর কহিল

যামিনী। না শুনে তুমি নিবৃত্ত হবে না, তাই বলছি, শোন।
ওদের মতো সুখী-দম্পতি সংসারে বেশী দেখা যায় না।

[প্রভঞ্জন সেই সোপান-তলেই মাথা
গুঁজিয়া পড়িয়া রহিল। যামিনী তাহার
দিকে না চাহিয়া দ্রুত পদবিক্ষেপেই
ঘিঁতলে উঠিয়া অদৃশ্য হইয়া গেল।
প্রভঞ্জন ধীরে ধীরে মাথা তুলিল।

ঝড়ের রাতে

ধীরে ধীরে উঠিয়া দাঁড়াইল। তারপর
টলিতে টলিতে গিয়া গোল টেবিলের
উপর দেহভার রক্ষা করিয়া কপালে
হাত দিয়া দাঁড়াইয়া রহিল। তারপর
সজোরে মাথা নাড়িয়া কহিল

প্রভঞ্জন। আমি বিশ্বাস করি না...মেজদির ও-কথা আমি বিশ্বাস
করি না।

[প্রশান্ত সিঁড়ি দিয়া নামিয়া আসিতে
ছিল। সে হলের আলো জালিয়া দিল।
প্রভঞ্জন চমকিয়া তাহার দিকে চাহিল।
প্রশান্ত নীচে নামিয়া আসিল

প্রশান্ত। ঘুম হ'লো না?

প্রভঞ্জন। প্রায় প্রতি রাত্রেই আমার ঘুম হয় না। তারপর এই
জল-ঝড়ে ত' নয়ই। প্রশান্ত, আমার কেবলি কি মনে
হচ্ছে জান?

প্রশান্ত। কী মনে হচ্ছে?

প্রভঞ্জন। মনে হচ্ছে কে যেন ফুঁপিয়ে ফুঁপিয়ে কাঁদচে.....কে
যেন বন্ধন-বেদনা সহিতে না পেরে মুক্তি চাইছে। আর
মুক্তি পাচ্ছে না বলেই কেঁদে কেঁদে দিক থেকে দিগন্তে
বেদনা ছড়িয়ে দিচ্ছে।

ঝড়ের রাতে

প্রশান্ত । কে কঁাদছে ? কে মুক্তি চাইছে ?

প্রভঞ্জন । তুমি জান না ? তুমি বোঝ না ?

প্রশান্ত । আমি ! আমি ত' কিছুই শুনচিনে । প্রভঞ্জন তোমার
এখন ঘুমোনোই দরকার !

প্রভঞ্জন । তুমি কেন ঘুমোওনি ?

প্রশান্ত । আমি ঘুমুতে পারলুম না, প্রভঞ্জন । এতদিনকার একনিষ্ঠ
গবেষণার ফলে আমি নৃ-তত্ত্বের একটা নূতন তত্ত্ব প্রায়
আবিষ্কার করে ফেলেছি । আজ এই উৎসবের উত্তেজনায়
সারাদিন কাজ ক'রতে পারিনি, সারাদিন তাই একটা
অস্থিতি বোধ করেছি । এখন সুযোগ মিলেছে, তাই
চলে এসেছি ।

প্রভঞ্জন । ককাল নিয়ে গবেষণা করবার অনন্ত অবসর তুমি চাও ?

প্রশান্ত । মাঝে মাঝে অবসর ত' পাই । এই বিজু এখন ঘুমিয়েছে
আর আমিও নীচে নেমে এসেছি ।

প্রভঞ্জন । গবেষণা-গৃহেই কি রাত কাটাবে ?

প্রশান্ত । তার কি উপায় আছে তাই ! জেগে যদি দেখে আমি
নেই, অগ্নি নীচে নেমে আসবে । পুঁথি-পত্র নিয়ে
আমি উপরেই যাব । প্রায় প্রতি রাতেই ত' তাই করি ।
ঘুম ভেঙে গেলে চেয়ে দেখে আমি কাছেই আছি ।
আবার নিশ্চিন্তে ঘুমোয় । লতা যেমন করে গাছকে

ঝড়ের রাতে

জড়িয়ে থাকে ও তেয়ি করেই আমাকে জড়িয়ে থাকতে
চায় ! তাতে বড় আনন্দ প্রভঞ্জন, বড় আরাম তাতে ।

[প্রশান্ত লাইব্রেরী ঘরে গেল । প্রভঞ্জন
গেল দুয়ারের দিকে । দুয়ার খুলিয়া
দাঁড়াইলে দেখা গেল ঝড়ে গাছগুলো
দোল খাইতেছে । বৃষ্টির ছাট আসিতেছে ।
কাঁধে বগলে এক গাদা বই লইয়া প্রশান্ত
আবার হলে আসিল

জলো-হাওয়া লাগিয়োনা প্রভঞ্জন । অস্থখ করবে ।

[প্রভঞ্জন দুয়ার বন্ধ করিয়া কিরিয়া আসিল
প্রভঞ্জন । ওখানে দাঁড়িয়ে দাঁড়িয়ে কি দেখছিলুম, শুনবে ?
প্রশান্ত । কি দেখছিলে ?

[প্রশান্ত বইগুলো টেবিলের উপর রাখিল
প্রভঞ্জন । দেখছিলুম একটা গাছকে আশ্রয় করে পল্লবিনী একটি
লতা ঝড়ের দোলায় দোল খাচ্ছে । পাশের আর একটি
গাছের সবুজ সজীব একখানা ডাল ঝড়ো হাওয়ায় মত্ত
হয়ে পল্লবিনীকে কাছে টানছে ।

প্রশান্ত । তুমি কাব্য শুরু করলে প্রভঞ্জন ।

প্রভঞ্জন । সবুজ ডালখানা এক একবার আকর্ষণ করছে আর
পল্লবিনী একটু একটু করে শুকনো গাছের আশ্রয় ছেড়ে

ঝড়ের রাতে

যেন সোহাগেই ঢলে পড়ছে। দেখছিলুম আর ভাবছিলুম,
এর শেষ কোথায় !

প্রশান্ত । কাল হয়ত দেখবে মাটিতে লুটিয়ে পড়েছে তোমার ওই
পল্লবিনী—তারপর হয়ত একদিন দেখা যাবে, শুকিয়ে
গেছে,...যা ছিল সুন্দর, তা হয়েছে আবর্জনা।

প্রভঞ্জন । হয়ত তাও হবে না।

প্রশান্ত । তবে ?

প্রভঞ্জন । হয়ত দেখবো মাটিতে পড়েও সে সর্বস্ব হারাননি। যে
তাকে আশ্রয়হারা করেছিল, সেই তাকে আশ্রয় দিয়েছে।
তার দেহের শিরায় শিরায় নব রস-প্রবাহ বইতে শুরু
করেছে...হয়ত একদিন দেখব তাতেই পুষ্ট হয়ে নবীন
আশ্রয়দাতাকেও সে একেবারে আচ্ছন্ন করে ফেলেছে।
আর তাদের অন্তরের আনন্দ ফুল হয়ে ধরে ধরে ফুটে
উঠে গন্ধে চারিদিক মাতিয়ে তুলেছে।

প্রশান্ত । তা যদি হয়, তাহলে তা অন্ময় হবে। লতার পক্ষে তা
হবে ব্যাভিচার—যেমন মাহুঘেরও হয়।

প্রভঞ্জন । কিন্তু ওই শুকনো গাছ যে ওকে বাঁচাতে পারত না...
ও যে মরেই যেত।

প্রশান্ত । মরেও যে বেঁচে যেত প্রভঞ্জন।

[বইগুলি ওছাইয়া লইল

ঝড়ের রাতে

প্রভঞ্জন। ওর জীবনই যে ব্যর্থ হতো।

প্রশান্ত। এই কথাটি কখনো ভুলোনা প্রভঞ্জন, যে, জীবন ধারণ
করাই সংসারে বাঁচা নয়।

[প্রশান্ত সিঁড়ি দিয়া উপরে উঠিতে লাগিল

প্রভঞ্জন। ও হচ্ছে পুঁথির কথা প্রশান্ত, প্রাণের কথা নয়।

[প্রভঞ্জন অর্গানের সামনে বসিল

প্রশান্ত। আচ্ছা, আচ্ছা, প্রভঞ্জন তুমি এখন প্রাণের কথাই ভাব।

আলোটা কি থাকবে ?

প্রভঞ্জন। আলো আমি চাই না নিভিয়েই দাও।

[প্রশান্ত আলো নিভাইয়া দিয়া উঠিয়া

গেল। প্রভঞ্জন আনমনে রীডের উপর

হাত ঢামাইয়া বাইতে লাগিল। উপরে

নীচে সর্বত্র অন্ধকার। কেবল দোত-

লার একটি খোলা জানালা দিয়া সামান্য

একটু আলো আসিয়া হলে পড়িয়াছে।

বাইরে বিজলীর খেলা আর ঝড়ের দাপট

চলিয়াছে। উপরে একটা দরজা খোলার

শব্দ শোনা গেল। প্রভঞ্জন তাহা

লক্ষ্য করিল না। বিজলী পা

টিপিয়া টিপিয়া সিঁড়ি বহিয়া ঠিক

প্রভঞ্জনের পিছনে আসিয়া দাঁড়াইল।

যামিনীও দ্বিতলে আসিয়া দাঁড়াইল।

ঝড়ের রাতে

বিজলী। অশ্বন!

[প্রভঞ্জন লাকাইয়া উঠিয়া ফিরিয়া
দাঁড়াইল। কিংকর্তব্যবিমূঢ়ের মত
বিজলীর দিকে চাহিয়া রহিল

যামিনী। বিজু!

[বিজলী পিছনে ফিরিয়া যামিনীর দিকে
চাহিল। যামিনী ধীরে ধীরে নামিয়া
আসিল। বিজলীর হাত ধরিল

এবার ঘরে চল বিজু।

বিজলী। আমার ঘুম পাচ্ছে না, মেজ্জদি।

যামিনী। বেশ ত'! একটু গল্প সল্প করগে।

বিজলী। কার সাথে গল্প ক'রব মেজ্জদি। কঙ্কালের প্রেমে
মগ্ন সে।

যামিনী। তাহলে চল আমার ঘরে, চল দেখি গিয়ে পুলিশ কি
করে, কেমন করে ডাকাত ধরে!

বিজলী। মেজ্জদি।

যামিনী। বল বিজু।

বিজলী। আমাদের একটুখানি একা থাকতে দাও...ওকে আর
আমাকে।

[যামিনী প্রভঞ্জনের দিকে চাহিল

ঝড়ের রাতে

যামিনী। কিন্তু সে-কি ঠিক হবে, বিজু।

বিজলী। তবুও দাও। একটুখানি।

যামিনী। কিন্তু.....

বিজলী। তোমার পায়ে পড়ি, মেজদি। ভেবে দেখ ওর কাছে
আমরা কি অপরাধই না করেছি। ও চায়নি বলেই কি
একটা কৈফিয়তও ওর প্রাপ্য নয় ?

যামিনী। সে আমি ওকে বুঝিয়ে বলব, তুই আমার সঙ্গে চল।

বিজলী। কিন্তু আমার ?

যামিনী। তোর কি বিজু ?

বিজলী। ওর কাছে যে অপরাধ করেছি, তা যে বোঝা হয়েই আমার
বুকে চেপে রয়েছে! আমি যে তার ভার বহিতে
পারছি নে। একটুখানি তুমি আমাদের একা থাকতে
দাও। আমার ওপর কি তোমার এতটুকুও বিশ্বাস
নেই মেজদি ?

[যামিনীর উত্তরের অপেক্ষা না করিয়া
বিজলী নামিয়া আসিল। যামিনী
ভেমনই দাঁড়াইয়া রহিল। বিজলী
প্রভঞ্নের সম্মুখে গিয়া সোজা হইয়া
দাঁড়াইল। প্রভঞ্জন বিন্ময়ে শুক হইয়া
রহিল]

ঝড়ের রাতে

এই আমি এসেছি, অঞ্জন। আমার তিরস্কার কর।

[যামিনী চলিয়া গেল

প্রভঞ্জন। তিরস্কার! তিরস্কার করতে তো আসিনি।

বিজলী। তাহলে কেন এসেছ?

প্রভঞ্জন। এলুম তোমায় একটবার দেখতে।

বিজলী। আমায় দেখতে, না আমার জীবনের ব্যর্থতা নিয়ে
ব্যস্ত করতে?

প্রভঞ্জন। তুমি ত' জানো বিজু আমার কোন অপরাধ নেই।

বিজলী। তা জানি বলেই ত' ব্যস্তের কথা তুলছি। তুমি অপরাধী
হলে তো আমার সামনে মাথা উঁচু করে দাঁড়াতে
পারতে না! অপরাধী আমি জেনেই তো এখানে
আসবার সাহস তুমি পেয়েছ, কেন না তুমি জান খুব কড়া
কড়া কথা শোনার অধিকার তোমার আছে।

প্রভঞ্জন। আমার ভুল বুঝো না, বিজু। তোমায় ভুলতে পারিনি
বলেই এসেছি।

বিজলী। সত্যি!

প্রভঞ্জন। মিথ্যে নয়, মিথ্যে নয়।

[বিজলী একটা সোকার উপর গিয়া
বসিল। প্রভঞ্জনও তাহার সম্মুখে
গিয়া দাঁড়াইল

ঝড়ের রাতে

বিজলী। আজ তুমি আমার কাছে কি শুন্তে চাও, অঞ্জন! শুন্তে চাও, আমি সুখ পাইনি; শুন্তে চাও জীবন আমার এখানে দুর্ভেদ্য, না? আমি বুঝতে পারছি, তাই-ই তুমি শুন্তে চাও। শোন অঞ্জন, আমি সুখী নই। অপূর্ণ আশা-আকাঙ্ক্ষার তাড়না আমার এক মুহূর্তও শান্তিতে থাকতে দেয় না। কিন্তু তার জন্য দোষ কাকে দেব? স্বেচ্ছায় যা বরণ করে নিয়েছি, তা যদি ব্যথা দেয় তাহো আমার সহিতেই হবে। সহিছিও অঞ্জন।

প্রভঞ্জন। ব'লোনা, ব'লোনা বিজু। ও কথা অমন করে বলে আমার ব্যথা দিও না।

বিজলী। শুনে তুমি সুখী হও না, ব্যথা পাও? অঞ্জন সত্যিই তুমি মহৎ।

প্রভঞ্জন। মহৎ নই বিজু, মহৎ নই। আমি তোমার ভালবাসি। আজও ভালবাসি, আমরণ ভালবাসব।

বিজলী। চুপ, চুপ, অঞ্জন! ও কথা আর নয়।

[প্রভঞ্জন বিজলীকে সম্মুখে হাঁটু গাড়িয়া বসিল। বিজলীর কোলে মাথা গুঁজিয়া বসিল।]

ঝড়ের রাতে

প্রভঞ্জন । এক মুহূর্তের জন্য এই অধিকারটুকু শুধু আমার দাও ।

[বিজলী কোন কথা বলিল না। তাহার
চুলের ভিতর অঙ্গুলি চালনা করিতে
লাগিল

বিজলী । তোমার কত বড় একটা পরিবর্তন হয়ে গেছে অঞ্জন।

প্রভঞ্জন । কিন্তু তোমার হয়নি । তুমি তেমনই আছ বিজু, ঠিক
যেমনটি তোমায় আমি প্রথম দেখেছিলুম ।

বিজলী । তোমাতে আমাতে প্রথম দেখা হয়...

প্রভঞ্জন । সাগরের বুকে ।

বিজলী । সেদিন আমার মনে হয়েছিল নীল-জল থেকে জলদেবতা
সবল ছ'খানি বাহু দিয়ে আমার টেনে তুলেন ।

প্রভঞ্জন । অথৈ জলে প'ড়ে তুমি হাবুডুবু খাচ্ছিলে ।

বিজলী । তুমি না ধরলে হয়তো তলিয়েই যেতুম ।

প্রভঞ্জন । তখনও তুমি কিন্তু সাহস হারাও নি ।

বিজলী । ঠিক সেই সময়টির কথা আমার মনে নেই । মনে আছে
কেবল এইটুকু যে, তোমার প্রশস্ত বুকে মাথা রেখে, তোমার
দৃঢ় আলিঙ্গনে আবদ্ধ হ'য়ে কী আনন্দই পাচ্ছিলুম ।
শিশুটির মতো আমার কোলে নিয়ে, সৈকতে সমবেত
নর-নারীর প্রেমের জবাব দিতে দিতে তুমি যখন বালু-
বেলায় উপর দিয়ে আমাদের বাড়ীর দিকে এগিয়ে যাচ্ছিলে,

ঝড়ের রাতে

তখন আমি সম্পূর্ণ চেতনা নিয়েও অচেতনের ভান করে চেয়ে চেয়ে তোমায় দেখছিলাম। মৃদু স্পর্শ দিয়ে তোমার পেশীর শক্তি পরীক্ষা করছিলাম। সমস্ত অঙ্গ দিয়ে তোমার দেহের উষ্ণতা অনুভব করছিলাম। বাবার হাতে যখন আবার তুলে দিলে, নিমজ্জিতা-প্রায় কন্যাকে পেয়ে তাঁরা যখন উল্লসিত হয়ে উঠলেন, তখনই যেন আমার হৃৎস্বপ্ন ভেঙ্গে গেল। ফিরে চেয়ে তোমায় দেখতে না পেয়ে কী দুঃখই আমার হয়েছিল।

প্রভঞ্জন। তারই প্রতিশোধ নিয়েছিলে কোণারকে।

বিজলী। নোব না? কি ছুঁছুঁ তুমি ছিলে! সাগর থেকে উদ্ধার করে বাপ মায়ের কাছে আমায় সমর্পণ করে তুমি নিশ্চিন্ত রইলে। একদিন দেখাও দিলে না। সৈকতে বেরিয়ে আমি কি আর সাগর দেখতুম, শুধু তোমাকেই খুঁজতুম অঞ্জন!

প্রভঞ্জন। আমি তখন কোণারকে।

বিজলী। সে সাক্ষাতও কি সুন্দর। কোণারকের মন্দিরে দাঁড়িয়ে শ্রবোদয় দেখব বলে সারা রাত বসে কাটিয়ে দিলাম। শ্রবোদয়ের পূর্বে মুহূর্তে আমাদের গাড়ী গিয়ে মন্দিরের কাছে থামলো। আমি ছুটে যেতে লাগলাম মন্দিরের সামনের দিকে। একটু দূর থেকেই দেখলাম। দেখে

ঝড়ের রাতে

একেবারে আড়ষ্ট হয়ে গেলুম ! মনে হ'ল, সত্যি সূর্য্য-
দেবতা নিজে নেমে এসে অশ্ববল্লা ধরেছেন, রথ
এখনি চলবে । অপলক চেয়েই রইলুম । তুমি মুখ
ফেরালে । নিজের ভুল বুঝে লজ্জিত হলুম । আকাশের
দিকে চেয়ে দেখলুম, সূর্য্য অনেক উপরে উঠে গেছে ।
শুনলুম মা বাবা বলছেন, আমরা দেখতে পেলুম না
কিন্তু বিজু সূর্য্যোদয় দেখেছে । সত্যি, তোমার উপর
রাগ হয়েছিল । বাথলোয় গিয়ে বললুম আমার অসুখ
করেছে ।

প্রভঞ্জন । তোমার অবহেলার আঘাত নিয়ে সেই দিনই আমি
কোণারক ছেড়ে চলে এলুম ।

বিজলী । আমরা রাতটা রয়েই গেলুম । পরের দিন সূর্য্যোদয়
যখন দেখলুম, তখন মনে হলো আগেকার দর্শনই আমার
সার্থক, সত্য বলেই তা ছিল স্মন্দর ।

প্রভঞ্জন । আর হাজারীবাগে !

বিজলী । ও ! সে-কথা ভাবলে আজও আমার লজ্জা হয় ।

প্রভঞ্জন । আমার হয় গর্ব্ব । পাহাড়ের উপর একলাটি দাঁড়িয়েছিলে
তুমি । অন্তাচলে আশ্রয় নেবার আগে সূর্য্য তোমার
মুখে মাথায় একরাশ আবির ছুঁড়ে দিয়ে চলে গেল । নীচ-
থেকে তাই দেখে নিঃশব্দে আমি গিয়ে তোমার গিছনে

ঝড়ের রাতে

দাঁড়ালুম.....নিঃশব্দে তোমাকে বুকে টেনে নিলুম।
তুমি চিৎকার করে উঠলে। আমি কথা বল্লুম না।
ঠোঁটের বন্ধনী দিয়ে তোমার ক্ষুরিত অধর চেপে ধরলুম।
চোখ মেলে তুমি চেয়ে দেখলে, তাতেই আমি পেলুম
তোমার পূর্ণ পরিচয়। তৃপ্ত, তৃপ্ত তুমি।

[অন্ধকারে সিঁড়ি দিয়ে প্রশান্ত নামিয়া
আসিতেছিল। তাহার পায়ের শব্দ বিজলী
বা প্রভঞ্জন শুনিতে পাইল না, প্রশান্ত
ক্লমকাল হুইচের কাছে দাঁড়াইয়া রহিল।
তাহার চক্ষু অন্ধিতেছিল।

বিজলী। শেষে সেই বাঘের গর্জন.....

প্রশান্ত। ভৈরবদা, আমার বন্দুক, বন্দুক ভৈরবদা।

[প্রশান্ত হলে নামিয়া আসিল। প্রভঞ্জন
লাকাইয়া উঠিয়া বিজলীকে আবৃত
করিয়া দাঁড়াইল। যামিনী সিঁড়ির সর্ব
নিম্নস্তরে আসিয়া পাথরের মূর্তির মত
দাঁড়াইয়া রহিল

ভৈরবদা, আমার বন্দুক।

প্রভঞ্জন। বন্দুক!

[উঠিয়া দাঁড়াইল

বিজলী। কঙ্কালে বুঝিবা প্রাণের সঞ্চার হ'লো অঞ্জন।

[ভৈরব বেগে প্রবেশ করিল

ঝড়ের রাতে

ভৈরব। এই যে খোকা, এই যে তোর বন্দুক !

প্রশান্ত। দাও তো, ভৈরবদা !

ভৈরব। কি করতে হবে আমাকে বল। খুন করতে হয় আমিই করবো।

প্রশান্ত। তুমি কেন, তুমি কেন ভৈরবদা।

ভৈরব। তোকে বাঁচাবার জন্তু রে খোকা। তোকে বাঁচাবার জন্তু।

প্রশান্ত। না, না, তুমি যাও ভৈরবদা। আমি ভুল করেছিলুম। আমি —আমরা ভেবেছিলুম যে, খুনে ডাকাতটা বুঝি সত্যি এসেছে। কিন্তু সে আমাদের ভুল, তুমি যাও। আচ্ছা দাও বন্দুকটা। বন্দুকটা আমাকেই দাও।

[ভৈরব বন্দুকটা প্রশান্তের হাতে দিল

তুমি যাও ভৈরবদা.....ভুতে যাও।

[ভৈরব কিছু বুঝিতে না পারিয়া চলিয়া
গেল

মেজদি, এটা ওপরে আমার ঘরে আলমারির মাঝে রেখে
এস।

[প্রশান্ত বন্দুকটা তাহার হাতে দিতে
গেল। কিন্তু সে লইল না

ঝড়ের রাতে

নাওনা মেজদি, নাও । সকলে একসঙ্গে আমায় আশাভ-
করো না ।

[বামিনী বন্দুকটা লইয়া উপরে উঠিতে
লাগিল

প্রশান্ত । শোন মেজদি । আলমারির মাঝে রেখে চাবি বন্দ করে
দিও । আর চাবিটা জানালা দিয়ে ছুঁড়ে বাইরে ফেলে
দিও । যেন কেউ না কখনও খুঁজে পায় ।

[বামিনী চলিয়া গেল । প্রশান্ত খানিকটা
ঘরময় ঘুরিয়া বেড়াইল । তারপর চুপ
করিয়া দাঁড়াইয়া রহিল । পরে ধীরে
ধীরে অভঙ্গন ও বিজলীর সামনে
আসিয়া দাঁড়াইল, শুধু কণ্ঠে কহিল

আমি জান্তম না, জান্তম না যে, তোমাদের মাঝে এমন
একটা ঘনিষ্ঠ সম্বন্ধ আছে ।

[বিজলী বসিয়া পড়িয়া দুই হাতে মুখ
চাকিল । অভঙ্গন মাথা নীচু করিল ।
প্রশান্ত তাহাদের দিকে কিছুকাল
নিশ্চেষ্টে চাহিয়া থাকিয়া ধীর পদ-
বিক্ষেপে লাইব্রেরী ঘরে চলিয়া গেল

অভঙ্গন । ও কি মানুষ, বিজু ?

[বিজলী মুখ হইতে হাত নামাইল

ঝড়ের রাতে

বিজলী। ককাল

[প্রভঞ্জন একটু একটু করিয়া লাইব্রেরীর
দিকে অগ্রসর হইল। দাঁড়াইয়া
দাঁড়াইয়া অনেকক্ষণ প্রশান্তকে দেখিল।
প্রশান্ত পুঁথির পর পুঁথি খুলিতেছে,
মড়ার খুলির পাশে খুলি সাজাইয়া
রাখিতেছে। প্রভঞ্জন বিজলীর পাশে
আসিয়া দাঁড়াইল। যেন আপন মনেই
কহিল

প্রভঞ্জন। আমি কিছুই বুঝতে পাচ্ছি না, ও মানুষ না শয়তান ?
বিজলী। মানুষও নয় শয়তানও নয়—ককাল ! ককালের মতোই
কঠিন। ককালের মতোই অসাড়, ওই ককাল পূজারী !

[যামিনী বেগে নামিয়া আসিল।
হলের মধ্য দিয়া লাইব্রেরীতে প্রবেশ
করিল। প্রশান্তর টেবিল হইতে বই
মড়ার খুলি সব টানিয়া ফেলিয়া দিল,
প্রশান্ত কথাও কহিল না বাধাও
দিল না

যামিনী। বাও কাপুরুষ ! নিজের অধিকার প্রতিষ্ঠিত কর।
প্রশান্ত। অধিকার ? অধিকার, মেজদি ! যার ভালবাসা
হারিয়েছি, তার ওপর কিসের আর অধিকার আছে ?

ঝড়ের রাতে

যামিনী। সত্যি কি তুমি গ্রন্থকীট ? এতটুকু পৌরুষও কি তোমার অবশিষ্ট নেই। তোমায় যেতে হবে, তোমার বিবাহিতা পত্নীকে ওর কাছ থেকে ছিনিয়ে আনতে হবে !

[যামিনী প্রশান্তকে টানাটানি করিতে লাগিল

প্রভঞ্জন। ও কেন আসে না, এসে কেন তোমায় আমার কাছ থেকে কেড়ে নেয় না ?

বিজলী। আমি সহিতে পারি না, ওর এ অবহেলা আমি সহিতে পারি না। আমার এখান থেকে নিয়ে চল অঞ্জন।

[বিজলী দুই হাতে প্রভঞ্জনের গলা জড়াইয়া ধরিল। প্রশান্ত অবশ্য করিল। যামিনী লাইব্রেরী ঘরের কাছে দাঁড়াইয়া রহিল। প্রভঞ্জন নিজেকে বিজলীর বাহ-বন্ধন হইতে মুক্ত করিল। প্রশান্ত তাহাদের সম্মুখে আসিয়া দাঁড়াইল

প্রশান্ত। আজ তোমরা দুজনেই সুখী ? বল, বল সুখী কি না !

বিজলী। হাঁ সুখী বৈ কি। পাঁচ বছরের মাঝে যার সন্ধান পাইনি আজ একটুকাল এক সাথে থেকে তাই পেয়েছি।

প্রশান্ত। আশা কার এই সুখের পসরা নিয়েই তোমরা দীর্ঘজীবী হও।

ঝড়ের রাতে

বিজলী। লজ্জা করে না তোমার এগ্নি করে আজ আমায় আঘাত করতে ?

যামিনী। বিশ্বাসহস্তী স্ত্রীকে আঘাত না করে তাকে কি আজ ও পূজা করবে ?

বিজলী। বিশ্বাসহস্তী !

যামিনী। হায়, বিজু! এও আমায় দেখতে হ'লো !

বিজলী। এতদিন চোখ বুজে' ছিলে কেন ? এতদিন কেন দেখনি, সবাই মিলে পলে পলে একটি জীবন কেমন করে ব্যর্থ করে দিচ্ছ। তা যদি দেখতে, তাহ'লে মেজদি আজ তোমার বিজুর এ রূপ কাউকে দেখতে হতো না। আজ আমি বিশ্বাসহস্তী, স্বামীর প্রতি যে কর্তব্য রয়েছে তা আমি পালন করিনি বলে তোমাদের সকলের চোখে আজ আমি অপরাধী। কিন্তু ওই স্বাধিকার-প্রমত্ত পুরুষ, ওই মহীয়ান গরীয়ান আমার পরমারাধ্য পতি-দেবতাই কি তাঁর সকল কর্তব্য পালন করেছেন ? তিনি— তিনি কি একটিবারও বুঝতে চেয়েছেন কোথায় আমার বেদনা জমে' উঠেছে, একটীবারও কি ভেবেছেন আমার আশা আকাঙ্ক্ষা অনুরাগের দিকে দৃষ্টি দেওয়াও তাঁর কর্তব্য ? এই পাঁচ বছর পুষ্পিত যৌবনের সকল মধু নিবেদন করবার জন্ত আমি উন্মুখ আগ্রহে অপেক্ষা

ঝড়ের রাতে

করেছি, সমস্ত মন-প্রাণ দিয়ে কামনা করেছি
এক শিশুর আবির্ভাব, যে আমার চিত্ত-মরুতে
মেহের মন্ডাকিনী বইয়ে দিতে পারে, আর স্বামী হয়েও
কঙ্কালের মোহে মজে' থেকে আমার সমস্ত
দান হেলায় প্রত্যাখ্যান করেছে যে, তোমাদের বিচারে
কর্তব্য পালন ক'রল সে? আর, আর আমি, আমি
হলুম ভগ্না!

প্রশান্ত। মেজদি, বিজলী সত্য বলেছে। স্বামীর কর্তব্য আমি
করিনি। অক্ষম অযোগ্য স্বামীর প্রতি জ্ঞার কোন কর্তব্যই
থাকে না, থাকা উচিতও নয়। বিজলীর একটি কথাও
মিথ্যে নয়। স্বামিই আমার অধিকার নেই।

[প্রশান্ত লাইব্রেরীর দিকে অগ্রসর
হইল

বাগিনী। নিজের কাছেও এল্লি করে' তুমি পরাজয় মেনে নেবে?

প্রশান্ত। না নিয়ে কি করতে পারি, মেজদি?

বিজলী। আমায় এখান থেকে নিয়ে যাও, অঞ্জন।

প্রভঞ্জন। কোথায়?

বিজলী। যেখানেই হোক না কেন, নিয়ে চল। এখানে একটু
কালও আমি আর থাকতে পারবো না।

ঝড়ের রাতে

প্রশান্ত । একটু অপেক্ষা করে যাও । এই ঝড়-জলে তো পথ চলা
যাবে না ।

বিজলী । অন্তরে আমার যে ঝড় বইছে, তার তুলনায় বাইরের ঐ
ঝঞ্ঝা কিছুই নয় । তোমার গৃহে থাকবার অধিকার
আর নেই ।

প্রশান্ত । শুধু আমারই নয়,—এ-গৃহ তোমারও বটে ।

বিজলী । অঞ্জন তুমিও, এই পীড়ন দেখে তুমিও, আমোদ পাচ্ছ ?

প্রভঞ্জন । না, না বিজু !

বিজলী । তাহলে চল, এখুনি চল ।

[বিজলী কাঁপিতে কাঁপিতে প্রভঞ্জনের
হাত ধরিল । প্রভঞ্জন তাহার কম্পিত
দেহ-ভার বহন করিয়া দরজার দিকে
অগ্রসর হইল]

প্রশান্ত । একটু অপেক্ষা কর প্রভঞ্জন, একটু অপেক্ষা কর ।

[প্রভঞ্জন দাঁড়াইল, মাথা ঘুরাইয়া
প্রশান্তর দিকে চাহিল । প্রশান্ত
ঝামিনীর কাছে গেল]

মেজদি ! ওর অলঙ্কার, ওর রেন্-কোট, ওর জুতা কিছু
টাকা । নইলে ওর বড় কষ্ট হবে ।

[ঝামিনী মুখ কিরাইল]

ঝড়ের রাতে

বিজলী । চল, চল অঞ্জন...

[তাহারা অগ্রসর হইল । সিঁড়ির উপর
হইতে সন্ধ্যা কহিল

সন্ধ্যা । হায় অভাগা নারী, দেবতাকে ছেড়ে একটা খুনে ডাকাতের
সঙ্গ নিলে তুমি !

[সকলে কিরিয়া সন্ধ্যার দিকে চাহিল

প্রশান্ত । খুনে ডাকাত !

সন্ধ্যা । হাঁ, ঐ সেই খুনে ডাকাত । পুলিশ ওরই পিছু নিয়েছিল ।
ওকেই খুঁজতে এসেছিল ।

[প্রভঞ্জন বিজলীকে ছাড়িয়া দিয়া দাঁড়াইল

বিজলী । মিথ্যা কথা । খুনে ও নয় । হত্যা ও কাউকে করেনি ।
কিন্তু একজন করেছে । দেখবে তাকে ? চেয়ে দেখ
তোমার ঐ পূজণীয় দাদার দিকে...তিলে তিলে এই
পাঁচ বছর ধরে যে আমায় হত্যা করেছে, খুনে সে-ই ।

প্রশান্ত । ভগবান !

[প্রশান্ত সেইখানেই চেয়ারে বসিয়া পড়িল,
সেদিকে না চাহিয়াই বিজলী প্রভঞ্জনকে
লইয়া চলিয়া গেল । সন্ধ্যা ছুটিয়া
আসিল । উষা সিঁড়ির উপর দাঁড়াইয়া
রহিল । বামিনী রেলিং ধরিল । হল

ঝড়ের রাতে

অন্ধকার, পিছনে হঠাৎ আলো দেখা
গেল। বিজলী আর প্রভঞ্জন নীচে
নামিতেছে। সহসা তাহাদের সামনে
বজ্রপাত হইল। দুজনেই স্তব্ধ হইয়া
দাঁড়াইয়া রহিল

প্রভঞ্জন। কি দুর্যোগ!

বিজলী। কিছু এসে যায় না, অঞ্জন।

প্রভঞ্জন। বেশ, চল তাহলে।

বিজলী। আরতো যেতে পারি না!

[ঝড়ের হাওয়ায় বিজলীর আঁচল ভিতরের
দিকে উড়িয়া আসিতে লাগিল

প্রভঞ্জন। এখানেও, অপেক্ষা করা যায় না বিজু।

বিজলী। কিন্তু আর এক পা'ও তো এগুবার উপায় নেই।

প্রভঞ্জন। চল, আমি তোমায় বহন করে নিয়ে যাব।

বিজলী। উপায় নেই। এই ভিটে ছেড়ে মাটিতে পা দেবার উপায়
নেই, অঞ্জন।

প্রভঞ্জন। তা'হলে ফিরে যাও তোমার স্বামীর ঘরে।

বিজলী। তারও উপায় নেই। এই দুয়ার সবারই জন্ম খোলা

ঝড়ের রাতে

থাকবে অন্ধন, কেবল আমার জগুই নয় !

[বিজলী ছ'হাতে মুখ ঢাকিয়া কাঁদিতে
লাগিল। প্রভঞ্জন বাহির হইতে দরজা
বন্ধ করিয়া দিল। প্রশান্ত ধীরে ধীরে
মাথা তুলিল। ধীরে ধীরে উঠিয়া
দাঁড়াইল। ধীরে ধীরে লাইব্রেরীর
দিকে অগ্রসর হইল, যামিনী বাধা
দিল

যামিনী। ও ঘরে নয়, ও ঘরে নয় ভাই।

[প্রশান্ত তাহার মুখের দিকে চাহিল
তারপর শুষ্ক-কণ্ঠে কহিল

প্রশান্ত। ক্ষমা করো মেজদি। আমি কেবলই ভুলে যাই যে আজ
আমার বিবাহের পঞ্চম বার্ষিক উৎসব-রাত্রি।

[যামিনী ও সন্ধ্যা ডুকরাইয়া কাঁদিয়া
উঠিল, প্রশান্ত ফিরিল। চারিদিকে
চাহিয়া দেখিল তারপর ধীরে ধীরে
অর্গানের সামনে টুলের উপর বসিল।
অল্পমনে সে রোডের উপর হাত বুলাইতে
লাগিল

সন্ধ্যা, কাঁদছিচ্ছ ? কাছে আস ! এসে আমায়
একখানা গান শোনা। গান শোনবার এমন ইচ্ছা জীবনে
আর কখনও আমি অনুভব করিনি।

ঝড়ের রাতে

সন্ধ্যা। আমি পারব না...পারব না এখন গান গাইতে।

প্রশান্ত। পারবিনে? উষা, তুমি? সন্ধ্যা অন্ধকার আনে, উষা
আনে আলো।

[উষা ধীরে ধীরে অগ্রসর হইল, প্রশান্ত
উঠিয়া দাঁড়াইয়া উষাকে ধরিয়া টুলের
উপর বসাইল,

তুমি এসো। এসো উষা। লক্ষ্মী মেয়ে। ঠিক বিজুরই
মতো। গান গাইতে বল্লে কখনও সে অগ্রাহ্য
করত না...কখনও না...

[একখানি কোচের উপর গিয়া বসিল।
যামিনী ধীরে ধীরে সদর দরজার কাছে
গেল। কাদিতে কাদিতে কপাটে ঝিল
লাগাইয়া দিল। প্রশান্ত লাফাইয়া উঠিল

মেজদি, মেজদি!

[দৌড়াইয়া ছুয়ারের কাছে গেল। খিলটা
জোর করিয়া খুলিয়া ভাজিয়া ফেলিল।
তারপর আবার আসিয়া বসিল

ভেতর থেকে কোন দিনও দরজা বন্ধ হবে না, মেজদি
চিরদিন উন্মুক্ত অব্যাহত থাকবে। আর আমি অনন্তকাল
এইখানে তার অপেক্ষায় বসে থাকব। উষা তুমি
গান গাও।

ঝড়ের রাতে

[উষা গান শুরু করিল। সন্ধ্যা নাদার
ইটির উপর মাথা রাখিল। বামিনী
রেলিং-এ মাথা রাখিয়া সিঁড়ির উপর
দাঁড়াইয়া রহিল

উষার গান

—o—

তোমার সাথে দেখা আমার প্রাণের খেলাঘরে ;
কতই ছবি এঁকেছি হায়, স্বপন-নদীর চরে !

✽

বাজল কত চাঁদের বেণু
ঝরল কত হীরের রেণু
ফুটল কত পুষ্প-চামর তোমার হাসির তরে ।

✽

আজকে ভাঙা-খেলাঘরে কাল-বোশেখীর গান ।
স্বপন-গাঙে খেলা করে চোখের জলের বান

✽

আজকে বিধুর চোখের জলে
চাঁদ ডুবেচে অতল-তলে,
তোমার হাতের লীলা-কমল স্মৃতির চিতায় ঝরে !

ঝড়ের রাতে

[গান শেষ হওয়ার সঙ্গে সঙ্গে উবারও মাথা
টলিয়া গেল। হল একেবারে অন্ধকার
হইয়া গেল। বিজলী চৌকাটে দেহভার
রাখিয়া দাঁড়াইয়া কাঁপিতেছে। প্রভঞ্জন
পাশে দাঁড়াইয়া রহিয়াছে

প্রভঞ্জন। ঝড় থেমে গেছে বিজু, জলও আর নেই। এবার
চল আমরা যাই।

[বিজলী কথা কহিল না]

তুমি বড় কাঁপছ বিজু।

[হাত বাড়াইয়া তাহাকে ধরিতে গেল]

বিজলী। না, না, এখন আর আমার স্পর্শ কোরো না!

প্রভঞ্জন। তুমি বুঝতে পারছ না, বিজু। তুমি এখনই পড়ে
যাবে।

বিজলী। বুঝতে পারছি অঞ্জন। আর এও বুঝতে পারছি যে,
পড়ি ত' আমার স্বামীর ভিটেতে পড়ব। পথের কাদায়
নয়।

[বলিতে বলিতে বিজলী পড়িয়া গেল।

প্রভঞ্জন পাশে বসিয়া পড়িল। হলে
তখনো সকলে সেই একভাবেই
রহিয়াছে। সকলেই নীরবে কাঁদিতেছে,
বাইরে ধীরে ধীরে সূর্যালোক ফুটিয়া

ঝড়ের রাতে

উঠিল। তাহারই আলোতে দেখা গেল
দরজা ঈষৎ উন্মুক্ত এবং সেই কাক দিয়া
বিজলীর একখানা হাত। শূর্য্যের
আলো আরো খানিকটা চলিয়া আসিল।
সেই আলো দেখিয়া প্রশান্ত মাথা উঁচু
করিয়া বসিল। দুহাতে চক্ষু মুছিল।
আবার চাহিয়া দেখিল তারপর চিংকার
করিয়া উঠিল

প্রশান্ত। মেজদি, মেজদি।

[সকলে মাথা তুলিয়া চাহিল
ওখানে কি মেজদি, ওই সিঁড়ির উপর ?

[সকলে ছুটিয়া গেল। প্রশান্ত দুই হাতে
দরজা সম্পূর্ণ উন্মুক্ত করিয়া ফেলিল।

বিজু, বিজু!

[বলিতে বলিতে প্রশান্ত সেইখানে বসিয়া
পড়িয়া উদ্ভ্রান্তের মত বিজলীকে চুষন
দিতে লাগিল

যামিনী। ওকে ঘরে নিয়ে চল প্রশান্ত।

[প্রশান্ত তাহাকে দুই হাতে তুলিয়া লইয়া
শোকার শোয়াইয়া দিল। সামনে বসিয়া
তাহার হাত হাতে লইল। যামিনী,
সন্ধ্যা, উমা তাহাকে ঘিরিয়া দাঁড়াইল

ঝঞ্জে রাতে

প্রশান্ত । মেজদি, ভৈরবদাকে বল ডাক্তারকে খবর দিতে ।

[যামিনী ফিরিয়া দাঁড়াইল । কিন্তু
প্রভঞ্জনকে প্রবেশ করিতে দেখিয়া স্তম্ভিত
হইয়া দাঁড়াইয়া রহিল ; তারপর কহিল

যামিনী । তুমি আবার কেন এলে, অঞ্জন ?

[প্রভঞ্জন কোন কথা কহিল না ; সকলে
তাহার দিকে চাহিল

প্রশান্ত । প্রভঞ্জন, ভাই, বিজুকে বাঁচাও ।

প্রভঞ্জন । ওই ঘরে আমার স্মৃটকেশ আছে । সেটা চাই ।

[সন্ধ্যা ছুটিয়া গেল

একটু দুধ গরম করতে বল, মেজদি ।

[যামিনী রান্নাঘরের দিকে চলিয়া গেল ।

সন্ধ্যা স্মৃটকেশ আনিয়া রাখিল । প্রভঞ্জন
তাহার ভিতর হইতে ষ্টেথিস্কোপ,
ঔষধের একটা ব্যাগ বাহির করিল ।
বিজলীকে ভাল করিয়া পরীক্ষা করিয়া
দেখিল

কোন ভয় নেই প্রশান্ত । ওর জামা-কাপড় বদলে দাও ।

আমি একটা ইন্জেকসান্ তৈরি করে ফেলি ।

প্রশান্ত । ওকে ওর নিজের ঘরে নিয়ে যেতে পারব না ?

[প্রভঞ্জন তাহার দিকে চাহিয়া রহিল
তারপর কহিল

ঝড়ের রাতে

প্রভঞ্জন। পারবে বৈকি ! কিন্তু এখন নয়। আগে ও সুস্থ হোক।

[সন্ধ্যা উপরে উঠিয়া গেল। প্রশান্ত
তাহাকে লইয়া পাশের ঘরে চলিয়া গেল

যামিনী। দুধ এখনি আসবে।

[প্রভঞ্জন ইন্ডেক্সসান্ তৈরি করিতে
লাগিল। সন্ধ্যা কাপড়-জামা লইয়া
আসিল এবং যামিনীর সঙ্গে পাশের
ঘরে চলিয়া গেল। প্রশান্ত বাহির
হইয়া আসিল

প্রশান্ত। ভাগিস্ তুমি কাছে ছিলে। নইলে ওকে আজ বাঁচাতে
পারতুম না।

[প্রভঞ্জন নীরবে তাহার দিকে চাহিয়া
রহিল

বাঁচবে তো ?

প্রভঞ্জন। কোন ভয় নেই প্রশান্ত।

[সন্ধ্যা বাহির হইয়া আসিল

সন্ধ্যা। কাপড় বদলানো হয়ে গেছে।

[প্রভঞ্জন উঠিল প্রশান্তর দিকে চাহিল

প্রশান্ত। আমি যেতে পারব না। আমি দেখতে পারব না।
মেজদি আছে।

[প্রভঞ্জন সিরিজ হাতে লইয়া ঘরে গেল

শোন সন্ধ্যা।

[সন্ধ্যা ভাবার কাছে আসিল

শ্বাস বইছে তো ?

সন্ধ্যা। কি যে বল দাদা ! ডাক্তার বলেন যে, ভয় নেই।

প্রশান্ত। ওরে ডাক্তাররা এমনি শ্বাস দিগেই থাকে।

সন্ধ্যা। দাদা, পুলিশ আবার আসছে। এইবার স্মরণ মিলেছে।
এইবার ওকে ধরিয়ে দোব !

প্রশান্ত। ওরে না, না।

সন্ধ্যা। সে কি দাদা !

প্রশান্ত। পুলিশ যদি এখন ওকে নিয়ে যায় তাহলে বিজুর চিকিৎসা
হবে না, তাকে বাঁচানো যাবে না। ওর মত ডাক্তার
আমরা কোথায় পাব ? আর কি জানিস, সন্ধ্যা ?

সন্ধ্যা। কি দাদা !

প্রশান্ত। ওর জগুই আমরা আবার বিজুকে ফিরে পাব। একটা
তার মূল্য দিতে হবে তো !

[পুলিশ কর্মচারীর প্রবেশ। গাছা-
ওয়ালার। ঘরের কাছে দাঁড়াইয়া রহিল

ঝড়ের রাতে

পুঃ কৰ্ম । ডাক্তার প্রভঞ্জন চক্রবর্তী এখানে আছেন ?

[সিরিঞ্জ হাতে লইয়া প্রভঞ্জন প্রবেশ
করিল

শুনচেন, ডাক্তার চক্রবর্তী এখানে আছেন ?

প্রভঞ্জন । আমি সেই লোক যাকে আপনারা খুঁজছেন ।

পুঃ কৰ্ম । আপনি কাল বিকেল থেকে পুলিশের সাথে লুকোচুরি
খেলে হত্যাকারীর পলায়নের সহায়তা কেন করেছেন
তাই জানতে চাই ।

প্রভঞ্জন । লুকোচুরি খেলিনি, প্রাণ বাঁচাবার চেষ্টা করিছি ।

পুঃ কৰ্ম । কিন্তু হত্যাকারীকে আমরা গ্রেপ্তার করেছি । আমরা
শুধু জানতে চাই । আপনার ও আচরণের অর্থ কি ?

প্রভঞ্জন । হত্যাকারীকে আপনারা গ্রেপ্তার করেছেন ? তবে ?...
তবে ?

পুঃ কৰ্ম । বলুন, তা'হলে.....

প্রভঞ্জন । তবে আমি কাউকে খুন করি নি ?

পুঃ কৰ্ম । আপনি বলছেন কি মশাই !

প্রভঞ্জন । আপনাদের কাল অত কষ্ট দিয়েছি বলে আমি দুঃখিত !
আপনারা ভুল করে আমার পিছু নিয়েছেন । আমিও

ঝড়ের রাতে

ভেবেছিলুম যে এখানে আসবার ভাড়ায় আমি সেই
লোকটাকে চাপা দিয়ে মেরেই ফেলেছি !

পুঃ কৰ্ম । লোকটাকে হত্যা করে সে-ই পথে ফেলে দিয়েছিল ।
ভিড়ের মাঝে সেই যুতদেহের উপর দিয়েই আপনি
গাড়ী চালিয়ে আসেন । হত্যাকারীর গাড়ীও পাশেই
ছিল । তারও গায়ে ছিল কাল ষ্ট্রাইপের কোট ।
তার মোটার অদৃশ্য হ'য়ে গেল আর আমরা আপনাকেই
খুনে মনে করে পিছু নিলাম । সারাটা রাত আমাদের
কি কষ্টই না দিয়েছেন । সারারাত এই ঝড়-বৃষ্টি মাথায়
নিয়ে আমরা আপনাকে পাহারা দিয়েছি । আজ
সকালে খবর পেলুম যে, আসামী নৈহাটীতে ধরা
পড়েছে ।

প্রভঞ্জন । কিন্তু আপনাদের শ্রম বৃথা যাবে না । খুনে গ্রেফতার
করবার সৌভাগ্য আপনাদেরও হবে । আমি সত্যই
খুনে ।

[সকলে চমকাইয়া উঠিল

পুঃ কৰ্ম । আমরা প্রমাণ পেয়েছি যে, খুনের অপরাধে আপনি
অপরাধী নন ।

প্রভঞ্জন । মাহুয খুন করবার অপরাধে আমি অপরাধী নই সত্য ।
কিন্তু আমি জানি আমার অপরাধ তার চেয়ে কিছুমাত্র

ঝড়ের রাতে

কম নয়। আমি হত্যাই করেছি, আবালা বন্ধুত্বকে
গলা টিপে মেরে ফেলেছি।

[কর্ণচারী তাহার দিকে কিছুকাল চাহিয়া
রহিল। তারপর প্রস্থান করিল।
প্রভঞ্জন চেয়ারে বসিয়া পড়িল

যামিনী। বিজুর জ্ঞান ফিরেছে।

[প্রশান্ত ও সন্ধ্যা ছুটিয়া সেই ঘরে গেল
যামিনী দাঁড়াইয়া রহিল

প্রভঞ্জন। এখনি একটু গরম দুধ খাইয়ে দাও।

[যামিনী রান্নাঘরের দিকে চলিয়া গেল,
প্রভঞ্জন হট্‌কেশ হাতে লইয়া উঠিয়া
দাঁড়াইল। চারিদিকে চাহিয়া দেখিল
তারপর ধীরে ধীরে উঁকি দিয়া বাহির
হইয়া গেল। হাতে হট্‌কেশ দুটি
মাটির দিকে। রান্নাঘরের দিক হইতে
দুধের গ্লাস হাতে লইয়া যামিনী, এবং
পাশের ঘর হইতে প্রশান্ত বাহির হইল

যামিনী। আবান্ড কি ইন্জেকশান করবে? ডাক্তার কোথায়?

ঝড়ের রাতে

প্রশান্ত । তাইত ! কোথায় গেল সে ?

[যামিনী দরজা দিয়া দেখিল প্রভঞ্জন
বাড়ীটির দিকে চাহিয়া দাঁড়াইয়া আছে ।
প্রশান্তও যামিনীর পাশে গিয়া দাঁড়াইল ।
প্রভঞ্জন তাহাদের দেখিয়া ম্মান হাসি
হাসিল । তারপর নতমুখে শ্রদ্ধা
করিল

যামিনী । অভাগা !

[যামিনী কিরিয়া হল ঘর অতিক্রম করিয়া
বিজলী যে ঘরে ছিল, সেই ঘরেই চলিয়া
গেল । প্রশান্ত একখানি চেয়ারে বসিয়া
পড়িল । চায়ের সরঞ্জাম লইয়া 'ভৈরব
আসিল । টেবিলের উপর রাখিল ।

ভৈরব । আজ দেবী হয়ে গেল । রাগ করিসনি, থোকা ।

প্রশান্ত । ভৈরবদা, তোমার বৌমা কেমন আছেন জিজ্ঞেসও
করলে না ?

ভৈরব । মাসিমার কাছে শুনেছি ভালই আছেন ।

প্রশান্ত । তুমি আজ অত গম্ভীর হয়ে পড়েছ কেন, ভৈরবদা ?

ভৈরব । ও কিছু না ! চা ঢালবো ?

ঝড়ের রাতে

প্রশান্ত । ওদের ডেকে দাও ।

[ভৈরব পাশের ঘরে গেল । প্রশান্ত চা
ঢালিতে গিয়া খানিকটা ফেলিয়া দিল ।
একটা বাটা উন্টাইয়া ফেলিল । ভৈরব
প্রবেশ করিল

ভৈরব । বল্লাম ঢেলে দিয়ে যাই । কিছু পারবিনি, তবু করতে
হবে ।

[ভৈরব চা ঢালিতে লাগিল । সন্ধ্যা ও
উষা আসিয়া বসিল

প্রশান্ত । বিজু বুঝি এখনও উঠতে পারছে না ?

ভৈরব । বসেই ত' আছেন দেখলুম ।

প্রশান্ত । তার চা-টা দিয়ে আস্‌বি ।

সন্ধ্যা । দুধই খাচ্ছে না যে ।

প্রশান্ত । আমি যাব ?

সন্ধ্যা । দুই বোনে নিরালা থাকতে চায় ।

প্রশান্ত । তাহলেই ঠিক হ'য়ে যাবে, সন্ধ্যা । মেজদির প্রভাব
অতিক্রম করা বড় শক্ত ।

[সকলে নীরবে বসিয়া চা পান করিতে
লাগিল । বামিনী প্রবেশ করিল

ঝড়ের রাতে

যামিনী। প্রশান্ত !

প্রশান্ত। কি মেজদি !

যামিনী। বিজুকে আমি কিছুতেই বোঝাতে পারলুম না। ও
এখানে থাকবে না।

প্রশান্ত। থাকবে না কেন ?

যামিনী। তুমি যা হয় কর। আমি আর পারিনে।

[প্রশান্ত মুখের কাছ থেকে চাষের বাট
নামাইয়া রাখিল

প্রশান্ত। আমি কি করব মেজদি ! কি আমি জানি ?

যামিনী। আমায় আর কিছু জিজ্ঞাসা করে না। আমিও আমার
জিনিষপত্র গুছিয়ে আনি। আমাকেও যেতে হবে।

প্রশান্ত। তোমাকেও যেতে হবে কেন মেজদি ?

যামিনী। বিজু যদি চলে যায়, তা'হলে আমিই বা থাকি কেমন
করে ভাই ? ভৈরব, একজন চাকরকে ওপরে পাঠিয়ে
দিও।

[যামিনী সিঁড়ি বহিরা উপরে গেল।

ভৈরব রান্নাঘরের দিকে গেল

প্রশান্ত। মেজদিকে আমার অবস্থাটা বুঝিয়ে বল সন্ধ্যা।

সন্ধ্যা। মেজদি ত' সত্য কথাই বলেছেন দাদা, বৌদি না থাকলে
উনি কেমন করে থাকবেন।

বড়ের রাতে

প্রশান্ত । কিন্তু তোর বৌদিই বা কেন থাকবেন না ?

[ভৈরব প্রবেশ করিল

সন্ধ্যা । আমি ভেবেছিলুম ভুল বুঝি তার ভেঙ্গেছে ।

ভৈরব । ভুল ভাঙ্গতে তোরা পারলি কই ?

[সিঁড়ির অপর পাশ দিয়া ক্ষীরি হলে
প্রবেশ করিল এবং উপরে উঠিয়া গেল

প্রশান্ত । কি করি বল ত' ভৈরবদা ।

ভৈরব । আমি যা বলব, তাকি তুই করতে পারবি ? পারবি না ।

[সর্বাঙ্গ চাদরে মুড়িয়া বিজলী প্রবেশ
করিল । প্রশান্ত উঠিয়া দাঁড়াইল

প্রশান্ত । বিজু, সত্য সত্যই কি আমার ছেড়ে চলে যাবে ?

বিজলী । এ প্রশ্নের আর কি প্রয়োজন আছে ?

প্রশান্ত । একবার চেষ্টা করেও তুমি যেতে পারনি । আমার প্রেম
যদি সত্যি হয় তাহলে এবারেও পারবে না

বিজলী । কাল কেন যাইনি তা তোমায় বলে যাই । কাল যখন
ঘর থেকে বেরুলাম তখনই মনে হলো, অন্ধনের সাথে
যদি যাই, তাহলে লোকে আমার ভুল বুঝবে । লোকে
বলবে আমি পর-পুরুষের সাথে গৃহত্যাগ করেছি । তাই
তার সঙ্গে তোমার ভিটে আমি ছাড়তে পারলুম না ।

বাড়ের রাতে

পা আমার চলনা। কিন্তু ফিরতেও তো পারলুম না।

তোমরা তো জান সজ্ঞানে আমি এখানে আসিনি।

প্রশান্ত। অঙ্কনকেও যদি না চাও, তাহ'লে কেন যাবে? কেন
আমায় ত্যাগ করবে?

[যামিনী সিঁড়ি দিয়ে নামিয়া আসিল।

তাহার পিছনে পিছনে স্ক্রী, দুই হাতে

দু'টি স্ট্রকেশ

যামিনী। প্রশান্ত, ভাই। বাধ্য হয়েই আমায় যেতে হচ্ছে।

প্রশান্ত। মেজদি, মায়ের মতোই যে তুমি আমায় স্নেহ করিতে।

যামিনী। কিন্তু আমার বোনের প্রতিও ত' আমার কর্তব্য আছে।
তুমি পুরুষ, তারপর সন্ধ্যা আছে। অস্থবিধা হয় যদিও
একরকম করে চলে যাবে। কিন্তু আমি ছাড়া ওর আর
কে রইল?

প্রশান্ত। কিন্তু ও কেন যাবে? ও বলে প্রভঞ্জনকে ও চায় না।
তবুও কেন যাবে?

বিজলী। যেহেতু যাবার কারণ কোন দিনই তা ছিল না। যা
কারণ, তা কালও ছিল আজও আছে।

প্রশান্ত। সেই কারণটিই ত' আজ জানতে চাই।

বিজলী। মেজদি, বারবার এই কৈফিয়ৎ আমি দিতে পারি না।
তুমি এস।

ঝড়ের রাতে

যামিনী। ভৈরব, আমাদের এই স্ট্রকেশ ছুটো তোমায় বাসে
চাপিয়ে দিতে হবে।

ভৈরব। বয়ে গেছে আমার !

[বিজলী একটা স্ট্রকেশ তুলিয়া লইল

বিজলী। নাও, মেজদি, নিজে নাও।

[যামিনী তাহাই করিল

যামিনী। সন্ধ্যা, দাদাকে দেখো। হয়ত' পড়া আর তোমার হবে
না।

ভৈরব। মাসিমা, ভৈরব যদি তার খোকাকে এতটুকু থেকে এত
বড় করে তুলতে পারে, তাহ'লে এখনও পারবে তাকে
বাঁচিয়ে রাখতে। আর সন্ধ্যাও তার পড়া শেষ করবে।

যামিনী। হাঁ, এই নাও তোমাদের চাবির গোছা। সবই ঠিক
পাবে। কেবল ব্যাকের চেক-বই ফুরিয়ে গেছে। আজই
আনিয়ে নিও।

[যামিনী ও বিজলী অগ্রসর হইল, আবার
খামিল

ত্যাগ, সন্ধ্যা ! আর যদি জল হয়, দাদাকে গরম
মোজা আর জামা বার করে দিও। ঠাণ্ডা ও সইতে
পারে না।

[আর একটু অগ্রসর হইল

ঝড়ের রাতে

বিজলী। আর মায়ের অলঙ্কারগুলো, মেজদি ?

সামিনী। হাঁ, তোমাদের মায়ের গয়নাগুলো বিজুর কাছে ছিল।
সব সিন্দুকেই তুলে রেখেছি। চাবি ত' ঐ রয়েছে।

[আবার অগ্রসর হইল। আবার কিরিয়া

আসিয়া বলিল

বিজলী। সেই স্যানাটোজেনের কথা ত' বলনি, মেজদি।

সামিনী। রোজ রাতে দাদাকে স্যানাটোজেন দিতে ভুল' না।
ডাক্তার বার বার বলেছে।

বিজলী। মেজদি, চল।

সামিনী। আমাকে ভুল বুঝ' না, প্রশান্ত।

প্রশান্ত। মেজদি, তুমি যে দেবী, সেই কথাই ভালো করে বুঝিয়ে
দিয়ে গেলে। দুঃখ এই মেজদি, তোমাদের আমি
কাছে রাখতে পারলুম না। সর্ব্বশেষ বিনিময়েও না।

ভৈরব। পারবি কেমন করে? মায়ের দুধ খেয়ে তো মানুষ
হ'মনি।

[সকলে ভৈরবের দিকে চাহিল

প্রশান্ত। তুমি কি বলছ' ভৈরব দা!

ভৈরব। বলছি, পুরুষ যদি হ'তিস্ তাহলে কি আর ইঞ্জিকে অমন
করে ছেড়ে দিতিস্? চুলের মুঠো ধরে টেনে রেখে
দিতিস্। চোখের ওপর দিয়ে সোয়ামীর ঘর ছেড়ে চলে

কড়ের রাতে

বাবে, এত শক্তি ধরে ওই এক-ফোঁটা একটা মেয়ে!
বাপ-ঠাকুরদার নাম যদি না ডোবাতে চাস, তাহ'লে এই
মুখ্যর কথা শোন। বুঝিয়ে দে যে, তুই পুরুষ। জোর
করে ঘরে নিয়ে চাবী-বন্দ করে রেখে দে।

যামিনী। তাই কর প্রশান্ত, তাই কর। ওকে এমন করে যেতে
দিয়োনা।

প্রশান্ত। তাই করব, মেজদি ?

[ছটকেশ ফেলিয়া দিয়া ছুটিয়া প্রশান্তর
কাছে গেল

ওগো তাই কর। আমায় বেঁধে রাখ, জুলুম কর, পীড়ন
কর। তাতে আমার ভালই হবে।

প্রশান্ত। হাঁ, তোমায় বেঁধেই রাখব। পীড়নই করব।

[বলিতে বলিতে প্রশান্ত বিজলীকে দুই
বাহু মেলিয়া আকর্ষণ করিল এবং পিঠে
ও জামুর পিছনে দুই হাত রাখিয়া
তাহাকে বুকে তুলিয়া দ্বিতলের দিকে
অগ্রসর হইল। বিজলী দুইহাতে
তাহার গলা জড়াইয়া ধরিয়া বুকে মাথা
রাখিয়া নিশ্চিন্ত ও নিশ্চেষ্ট রহিল

স্বপ্নানিকা

প্রথম রজনীর শিল্পীগণ

প্রডিউসার	...	শ্রীপ্রবোধ চন্দ্র গুহ
ডিরেক্টর	...	শ্রীসত্য সেন
অধ্যক্ষ	...	শ্রীনির্মলেন্দু লাহিড়ী, বাণী-বিনোদ
<hr/>		
প্রশান্ত	...	শ্রীনির্মলেন্দু লাহিড়ী, বাণী-বিনোদ
বিজলী	...	শ্রীমতী নীহার বালা
ক্ষীরি	...	শ্রীমতী অমলদাময়ী
সামিনী	...	শ্রীমতী সুশীলা সুনন্দী
ভৈরব	...	শ্রীমণীন্দ্র নাথ ঘোষ
সন্ধ্যা	...	শ্রীমতী শেফালিকা
উষা	...	শ্রীমতী কমলা
প্রণব	...	শ্রীবঙ্কিম চন্দ্র দত্ত
সমর	...	শ্রীজয় মঙ্গল শর্মা
মাসিমা	...	শ্রীমতী নীরদা সুনন্দী
মনদ	...	শ্রীমতী গিরিবালা
বুদ্ধ ভদ্রলোক	...	শ্রীসন্তোষ কুমার দাস
রেবা	...	শ্রীমতী নিরুপমা
প্রভঞ্জন	...	শ্রীরাধিকানন্দ মুখোপাধ্যায়

রায় বাহাদুর ...	শ্রীললিত মোহন মিত্র
রায় বাহাদুর গৃহিণী ...	শ্রীমতী রাধারানী
পুলিশ কর্মচারী ...	শ্রীপশুপতি সামন্ত
প্রথম ভৃত্য ...	শ্রীননী গোপাল চট্টোপাধ্যায়
বিশ্বস্ত ভৃত্য ...	শ্রীনৃপেন্দ্র নাথ রায়
প্রথম পাহারাওয়াল ...	শ্রীনির্মল তালুকদার
দ্বিতীয় পাহারাওয়াল...	শ্রীরাসবিহারী দে

মঞ্চাধ্যক্ষ ...	শ্রীনরায়ণ চন্দ্র তাঁ
স্মারক	{ শ্রীপাঁচকড়ি বন্দ্যোপাধ্যায় শ্রীআশুতোষ ভট্টাচার্য
সংস্কৃত	
	{ শ্রীচারু চন্দ্র স্বর শ্রীবনবিহারী পান



